

SANGKOLAN

Èmadhoeră'aghi sareng

M. SASTROWIGNJO.



KALOWARAN
BALAI POESTAKA.

DROKKERM VOLKSLEETUUR — WELTEVREDEN — 1922.

I.

Djār-klëndjār dā' dhisa Bāngkal.

È nalēka arē Ahad ghi' agghoe kaoelā èntar djār-klëndjār dāri kotta Bānjoewangi dā' kampong Bāngkal, lēbāt è djhālān radjā, ngalangkongē lon-alon, èadā'na kabhoepatēn. Bākto ghāpanēka ghi' lagghoe, mēlana ghi' ta' patē panas, sarengngan djhālān sē èlēbādhi naong, amarghā è kangan-katjērra bānnja' bhoengkana attjem sē pa'-rampa'. Njamaēpon djhālān radjā èngghānēka djhālān eppos. Dhinēng sē andhika'aghi ambhādhi Kāndjeng Towan (Goepennor-Djēndral DAENDELS è kabidhānnēpon bindhoe⁽¹⁾) sanga-bellās. Djhālān eppos ghellā' molaē dāri Anjer, è karesidēnan Banten, kantos dā' mongghing lao'ēpon kotta Bānjoewangi, djhāoeēpon ra-kēra sabātara eppal; landjhāngnga dāri Banten ka Bānjoewangi ra-kēra pardjhālānan 200 eddjhām. Bānnja' ta-kotta sē djā-radjā è tana Djhābā sē bādā è pēngghirrā djhālān eppos èngghānēka.

Sadjān narē', arēna sadjān atambā panas, mēlaēpon bhādhan kaoelā èngghāl-èngghāl sē adjhālān, sopalja èngghālā nattol dā' kennengngan sē èsaddjhā.

Dāri djhālān eppos ghellā' djhā' sakēnga kaoelā abhiloek dā' lorōng kēnē', tanto pas mangghi kampong, sē kerrep tjompo'ēpon. Èngghānēka kampongngēpon tokang mēghā' djhoeko', mēlana bāoena ta' saē. È ta'-ata'na po'-tjompo' ghellā' bānnja' ko'-djhoeko' sē èdjhemmor.

Sarrēna è kampong ghika'ijā ta' saē bāoeēpon, èngghi amarghā dāri ko'-djhoeko' sē padā èdjhemmor èngghārowa, mēlana bhādhan kaoelā terros adjhālān neng djhālān eppos bisaos. Èghika'ijā naong, tor po'-tjompo' ghellā' èngghi moddhā. Ta' antara abit sareng kaoelā ampon lēbāt dāri kampong ghika'ijā, hāwāna ladjhoe èkrassa saē tor tjellep, sakeddjhā' agghi' kaoelā pas nattol dā' ghir sērēng. È pēngghir sērēng ghāpanēka bhoengkana njējorra sakalangkong kerreppōpon. Kaoelā sanget terrona sē ngal-nēngalana ka tasē', djhoeghā ta' mangghi djhālān laēn, kadjhābhāna nerrak è kebbhoen njējor ghellā'.

Ta' abit kaoelā pas abhiloek noro' djhālān kēnē', sē ta' patē bānnja' karang kittriēpon; sē tomboe è ghoel-tangghoella lorōng

(1) Bindhoe Blāndhā = 100 taon.

Sangkolan.

ëngghânëka namong bhä-rebbhä sareng bhoet-ombhoet. Èghika'ijä bännja' bhoengkana gheddhängnga, sè étamen ta' atoran èlowa-ranna lorong, kantos döoenna ngaobhi dä' lorong sè èlëbädhi kaoelä. Bhoengkana njëjor è pëngghirrä lorong ghika'ijä èngghi bännja', djhoeghä ta' kantos andhaddhiäghi aobbhä lorong, sabäb sapësan têngghi, döe kalëna dhäsar ta' patë bännja' döoennëpon.

Lorong kënë' ghellä' ta' èpëjara sama sakalë, tandhäna bännja' gem-tjëlghemma, kantos manabi djhän-odjhäna, aëng odjhän ta' kèngèng aghili, panapa polë lampaddhä roäna djikar sè lëbät èghika'ijä kettjem ghän to'ot. Djhoeghä rëng-orëng kampong ampon ta' mardoeli bhär sakalë dä' lorongnga sè ampon rosak ghäpanëka.

Lorong èngghänëka namong èlëbädhi djikar bisaos, sabäb djikar panëka lëbädhä ëka'imma bisaos kèngèng, anggher kabowä' djhālänna. Saopama bädä djikar lëbät èghika'ijä, roäna let-tatjellet ka tjellot, kantos rëng-mërëng. Djhoeghä padjikaarana ta' mardoeli sakalë, amarghä tja'na pëkkërä, sapëna tanto kellar nadjhä', tor polë djikarra ta' kërä robbhoe, sabäb wä'-boewä'na sarat. Kaoelä sakalangkong nëserra dä' sapëna, sè kantos andjingdjing pana-rëgghä. Djhoeghä sè ghädhoeän dhi-kadhiä sè tadä' panganëserra sama sakalë dä' sapëna sè atë-keppen nadjhä' djikarra, tandhäëpon njaman bisaos sè nokklëk èattas djikarra sambi ko'-roko'an; dhinëng padjikan sè èboediänna neng-masenneng sè todjoe' sambi djhoeng-këdjhoengan. Nangèng mangkën manabi wä'-boewä'ëpon ampon èbhoengkar, rëng-orëng padjikan èngghänëka pas tjë' pratëna ka sapëna. Kaoelä ta' ngëra sakalë.

Katjatora sareng padjikan sè dä'-adä' nëngalë ka kaoelä, pas èngghäl alontja' däri djikarra, sarta sapëna ladjhoe ètonton. Abä'na aëra' dä' tja-kantjana, sopadjä torona djhoeghän. Djhoeghä sareng kaoelä ampon njalëp, kar-padjikan èngghänëka pas nokklëk polë èattas djikarra sambi bhäng-tembhäng, swarana tjë' lantona; kantos kaoelä nattol ka Bängkal ghi' mërëng bisaos. Ta' manglo swarana sè kapërëngnga ka djhåoena, sarrëna kennengngan èghika'ijä tégghär. Samangkën kaoelä ampon nattol dä' dhisa sè ètod-djhoe, èngghi panëka dhisa Bängkal. Dhisa èngghänëka èadä' nganghoej labäng sakëtëng, apaghär ehhek perrëng èangghi'. Labäng sakëtëng ghellä' mabi kadjoe okëran sarengngan èattas, lerres èbhaktengngana bädä tolësannëpon mabi aksara aleng-oleng, ongellëpon:

„DHISA BÄNGKAL.”

Sareng kaoelä maso' è labäng sakëtëng èngghänëka, ladjhoe èambä' bhoeroes dädoewä' sambi aghåoeng tjë' kadjana, kantos kaoelä palëngpëngen; sadjan abit, bhoeroes sè njandher sadjan bännja', sarengngan ropäëpon masë padä seddhi sè nëngalë ka kaoelä, dhi-kadhiä sè ngëkkë'a ongghoeän. Djhoeghä sareng

tongket kaoelä ñanarraghi, roes-bhoeroes ghella' akadhi sè ngartè, djhä' kaoelä ta' tako', pas neng-enneng, ta' oeng-gháoengan polè.

Kadjähbhä roes-bhoeroes èngghänëka, bännja' djhoeghä orèng babinè', sabännè bädä sè sambì ngembhän, sabännè bädä sè nonton ana'na. Na'ana'na ghäpanëka bädä sè abàngkang, bädä djhoeghä sè namong asalebbär bisaos. Mèlana rèng-orèng ghäpanëka padä njandher dä' kaoelä, ngara sabäb terro nèngalana Bäländhä sè lèbat è lorongnga. È kangän-katjèrra lorong bädä tjompo' atabing perrèng, pamèngkangnga ta' patè lèbar tor tadä' ka'-bhoengka'annèpon sakalè, djhoeghä bädä lombhoeng padäna sareng goedäng bhäkona. Edhi'-seddhi'na ghäpanëka bädä lorong kènnè-èpon, padä saè, namong padä tadä' kadjoeänna. Sapanëka djhoeghän è kang-pamèngkangnga po'-tjompo' ghellä' kèngèng kotja' tadä' rebbhä tomboe sakalè, amarghä manabi bädä rebbhä tomboe sakonè' bisaos, ta' mèlo sareng embi' otabä dhoembhä, sè èlombhär èghika'ijä.

Lerres è kontjo'èpon djhälan sè èlèbädhi kaoelä bädä tjompo'na saè sèttong, tèmbo'na potè ngettak tor ressek, bhidhä sanget sareng po'-tjompo' laènnèpon. Tjompo' èngghänëka ampèr adä'na njalaghäp, bädä tengnga'annèpon, è tanéjanna bädä mandhäpana, mabi kamar doe mègghi' sarengngan padä ngangghoej djänèla abäk radjä; tanana sadhädjä èplèstèr; tjompo' ghellä' mèmper dä' tjompo'èpon Bäländhä sè ta' patè mampo onghhoe.

Ediädä'anna bädä bhoen-kebbhoenannèpon, rebbhäna ngabhiroe sarta ètamennè kembhång mawär; èdièrèngnganna sareng èboe-diän bännja' bhoengkana wä'-boewä'än ana-bärna tor è-saè. Tjompo' ghäpanëka ghädhoeännèpon kalèboenna, sè adjhädjhoeloe AR-DJODIWIWJO. Kalèboen èngghänëka saè atèèpon; sareng kaoelä sè kennal ampon kabit dhingèn, sabäb kaoelä manabi kalerressan djärklèndjär, serrèng boe-amboe è tjompo'na, parlo mènta aèngnga dhoegghän otabä wä'-boewä'än. Mèlana sareng abä'na nèngalè kaoelä, pas èngghäl kalowar. Saamponna marè atabi' kaoelä abälä, djhä' namong terro ngamponga boe-amboe sakeddjhä'; kaoelä pas èpaladjhoe, èpatodjoe' è korsè gojangnga, dhinèng sè ghädhoeän tjompo' ghi' lebbhoe dä' romana sakeddjhä'. Kaoelä nèngalè atorannèpon è ampèr sareng è roma padä è-saè.

Ta' antara abit WIRJO pas kalowar sambì ambhäkta galbas dädoewa' aèssè djhädjähän, èsoghoeaghi dä' kaoelä. Kaoelä klabän ghätè sè ngala' djhädjähänna, terros èteddhä. Ana'èpon, pata omor lèmabelläs taon, ngangka'è aèngnga dhoegghän, kompojja ambhäkta baki aèssè pao è-saè nem mègghi' pas èsoghoeaghi dä' kaoelä djhoeghä. Pao ghäpanëka sareng kaoelä èkabherkat sadhädjä, èbhoendhoe' neng sattanang. Saamponna, kompojja sareng kaoelä ladjhoe èpersèn pèssè. Klèboenna robäèpon bhoenga sè katamojan kaoelä, djhäng bhoenga'an polè sareng nèngalè kaoelä ta' nampèk ghoe-soghoena.

Kalèboenna akanḍhā, manabi ana'èpon sè wa'towa'an ampon negghoe' lako è persil, dhinèng sè dā'ngodā'an ghi' asakola è sakola'an kènè'. Kompojja tja'èpon bhādhi èpasakola'a dokter Djhabā, mèlana abā'na pas atanja dā' kaeolā kèngèng bhoentenna na'kana' sè ampon aomor nem taon, saba'dāna prèian panēka èmaso'aghi ka sakola'an Balāndhā. Kaeolā atotor, djhā' rassana kèngèng.

Saamponnèpon marè asa-gessa kaeolā pas èbhakta ngal-nèngalè pakarangannèpon. Ka'bhoengka'an sè bānnja' èghika'ijā bhoengkana pao, boewāna dāt-ngarendāt tor bhāngsa è-saè sareng nès-manès sadhādja. Klèboenna asangghoe, manabi paona ampon bānnja' massa'èpon, kaeolā bhādhi èaterrana. Dāri ghika'ijā kaeolā pas èadjhak ka ampèr boedina. Èghika'ijā kaeolā pas apangghi sareng binèna kalèboenna, robāèpon abāk todoes sè nèngalè kaeolā. Kaeolā pas terros maso' ka romana. Èghika'ijā kaeolā nèngalè kerrès settong, ropāèpon saè, èpaka' è tèmbo'. Kaeolā atanja ka Wirjo panapa kèngèng djhā' nèngalana kerrèssa. Sambhiddhā „kèngèng", sarta kerrèssa pas èkala', èdjhoeoèaghi dā' kaeolā. Sareng kaeolā sè nèngalè ampon salèssè, njata, manabi karrès èngghānēka dhāsar saè ongghoe, kadhi pangēra kaeolā ghellā'. Ghāndhārrèpon dāri tandjoe' akèr-okèr, landhijānnèpon dāri tolang, èkèr-okèr djhoeghā, tor èkèt emmas sareng ètrètèsè ènten. Bāi'èpon saklangkong tadjemma, pamorra èngghi saè. Kaeolā sareng nèngalè kontjo'èpon sè sanget njènjèbbhā, boeloena kolè' ladjhoe boeng-njaromboeng sadhādja, mèlana sareng kaeolā pas èngghāl èbāghi polè dā' sè ghādhoèān. Saamponna marè èrasop, kerrès èngghānēka ladjhoe èpaka' (èpa-landhāk) è kennengngannèpon polè.

Katjatora Wirjo sabhālāèpon, dā' kerrès ghellā' saklangkong lèboerrā sareng trèsnana. kantos sanarè bādā'a mellè saèboe ropēja. tanto ta' kera èbāghi, sabab tadā' djhoewallā. Tja'èpon, marghā sangkolan dāri bāngatowana.

Mènorot kapartjadjā'annèpon sè ghādhoèān sareng ghā-tatangghāna, tja'èpon kerrès ghāpanēka pangaro; anggher bādā kerrès ghāpanēka bisaos, sè ghādhoèān sareng tja-kantjana sadhādja tanto kaparèngan salamet. Èngghi sabhālikkèpon, saopama pas èpaondhoer, kantos kalowar dāri kampongnga, Wirjo sareng ana' maghār sarēna sadhādja bhādhi ta' mangghia salamet. Panēka marghāèpon, mèlana klèboen Bāngkal sanget èkalèboeri tor èadjihiè sareng saantèrona ana' maghār sarēna.

Kerrès sangkolanna Wirjo èngghānēka bānnja' dhoengèngngèpon. Dhingèn sè ghādhoèān ampon onèng akanḍhā dā' kaeolā, nalēkā kaeolā boe-amboe è tjompō'èpon. Njara sareng kaeolā samangkèn èdhoengèngngaghia, panapa sè ampon èkanḍhā'aghi Wirjo dā' kaeolā, èngghi saēnga'na kaeolā bisaos.

Saamponna marè ngal-nèngalè èssèna pakarangan sareng beng-kona WIRJO, kaelä pas apaamèdhän, terros palèman. Kaelä ta' loppa ngotja' kaso'on dä' sè ghädhoeän tjompo' atas kasaèannèpon. Molaè däri Bängkal kantos dä' tjompo', ra-kèra bädä padjhälänan saedljàhm.

II.

Kè Moestari.

Sarrèna bhädhän-kaelä ampon karè adjhändjhi dä' sadhädjana para maos, manabi bhädhhi njarèta'aghiä bab kerrès sangkolan èngghärowa, kaelä wädjib neptebbhi djhändjhi ghäpanèka.

Ghi' lambä' è dhisa Bängkal bädä orèng kasorang anjama **MOESTARI**, dhäddhi kalèboen è dhisa ghika'ija. Kalèboen èngghänèka sanget èkaasè'è sareng ana' maghär sarèna, amarghä lam-bhä' atatolong. Saopama bädä kantjana ghädhoeän hadjhät bhädhhi alakoa pa-ponapa, sabelloennèpon andjhälännaghi hadjhäddhä, langkong dhingèn njo'on nasèhat dä' lorana, kadhi ponapa saè-èpon. Sarrèna lorana sapèsan bábatekkèpon lakar ghätè atatolong dä' orèng, doe kalèna sarrèna ampon toboek sè alolongan djhæoe tor ghäsèk lāng-saghoeloeng sareng bhāngsa Bālāndhä, dhäddhi lèbär paanabhänna tor bännja' pamangghina, dhäddhi onèng biasos amberri' nasèhat dä' tja-kantjana, sè andhädhhiaghi kasaèannèpon.

Saandhina bädä ana' maghär sarèna mangghi kasossa'an pa-ponapa, djhoeghä ta' poron abälä terros terrang ka lorana, panapa sè èkasossa, sareng klèboenna, orèng ghäpanèka ladjhoe èpaksa èsoro ambäddhakkaghi kasossa'anna, parloèpon njopprè abä'na onènga atatolong.

Èbä sapanèka ghi' bädä bisaos kantjana kasorang kaðoewä sè bhoeto pèssè; manabi tako' sè ngèndjhäma ka lorana, pas andjhoewäl sèmpennannèpon padina sabägiän, bhä' bhäkona lèng-ngalèng, ka Tjèna otabä ka orèng Arab klabän arghä dä-modä. Djhoeghä opama lorana mèrèng parkara panèka, tanto sakalangkong ghighirèpon. Abä'na saklangkong ta' tarèma manabi bädä orèng andjhoewäl padina otabä bhäkona klabän arghä dä-modä.

Klèboen èngghänèka sanget ta' sennengnga, manabi bädä Tjèna otabä orèng Arab lār-ghelloer ka dhisana, nangghä' pa-ponapa, sabäb abä'na ampon onèng, djhä' kabännja'an Tjèna otabä orèng Arab èngghänèka bábatekkèpon ta' djhoedjhoer, dhoedjan nèpoan orèng bhoedhoe. Mèlana manabi bädä kantjana terro andjhoewäl padina otabä bhäkona, ladjhoe èdjhoewäl laghi sareng lorana.

Sareng lorana palina otaba bhakona kantjana engghaneka edjhoewal ka dhanghang se kengeng partjadja, dhineng ollena possé pas ebaghi sadhadja da' se ghaghoean bharang, aba'na sakoteng ta' pong-ngampong. Dhaddhi ampon der-bhenderranna kaléboen engghaneka se ékaasana otaba ékaléboerana para kantjaépon, sa'ab tja-kantjana pada sanget kaprotangan da' lorana. Sarengnan manabi kléboenna se andjhoewallaghi padjoeépon larang bisaos.

Kadhâng bāda djhoeghā ana' maghār sarēna, mēangka bābālessa kaprotangannēpon, sē ater pa-ponapa ka lorana. djhoeghā sareng kléboenna étolak, panolakkēpon sapanēka: „Ba'na la ta' osa ari'berri' ka sēngko', sabab sēngko' ta' kakorangan pa-apa. Apa sē ebaghia ka sēngko' djārēja, kakan bhāi kembhoeli saana' binēna. Sēngko' la tje' bhoengana, mon ngatēla' sang tja-kantja kabbihi padā kop-tjokop. Bā'na la prasasat ater bharang sē tje' larangna arghāna ka sēngko'.” Dā-pada orēng Bāngkal, MOESTARI lakar maso' ghi-soghian.

Katjatora MOESTARI nalēka aomor nembhellas taon, ghi' mēskēn, paon'ngngēpon namong matja sareng nolēs nē-sakonē'. Aba'na ngaboela da' towan MAARTEN, Aspirant-Controleur. Sanarē MOESTARI ampon ékotja' dhaddhi maghāng, djhoeghā klakoannēpon ta' bhidha sareng abdhi. Lerres aba'na dhang-kadhāng épakon noron pa-ponapa sareng towanna, djhoeghā saēstona pangghabājannēpon sē ongghoean, ngaladhinē towanna bisaos. Sarēna MOESTARI ngastētē sareng tē-ngatē, panapa polē bategghā teptep-mantep da' lorana, mēlana sanget ékaasē'e sareng towan MAARTEN serrēng éparēngē angghoej, sarengnan manabi towanna méjos ngomesi, ta' onēng tjetjtjēr sareng MOESTARI.

Dhineng gadjina ē lan-saboelanna sakarēépon ékabelli roko' sareng kaparloan laēna, pas étaro, MOESTARI engghanēka ta' rojal kadhi dhang-maghāng laēnnēpon, panapa polē aba'na lakar ampon nejdjā édalein. Laēn jārī gadjina, aba'na dhang-kadhāng ollē persēn, éngghi panēka manabi towanna kalerressan katanajan kantos ngēnep.

Ta' antara abit lorana pas éangkat dhaddhi Controleur; sarengnan somolē ampon anjonja, MOESTARI ghi' takso éastanē. Langkong-langkong njonja, sanget bhoengana towan sē kaaghoengan abdhi saēna kadhi MOESTARI. Djhoeghā sareng ollē doebellās taon langkong abittēpon MOESTARI sē ngaboela, towan Controleur pas songkan sara, kantos kapaksa aperlop ka naghārā Bālandhā.

Bab panēka andhaddhiaghi sanget sossana MOESTARI, sabab aba'na ghi' léboer ngaboela, sarengnan aba'na ghi' ta' ollē long-molong possé sē épamaddhogghā tjompo', sareng sē ékabelli saēna sareng sapēna. Mēlana aba'na ghi' kapaksa njari pangghabājan laēn, MOESTARI ngater lorana sē songkan ka Batawi, la-mala kantos ngatēng ongghā ka kapal. É Batawi sarēna kottā radja,

aba'na ampon tanto ghâmpang mangg'hi kalakoan. Panapa polê dhâsar aba'ëpon dhibi' kentjeng sê negghoe'â lako ê Batawi, ngêras ngantos raboena lorana dâri naghârâ Balândhâ doe taon agghi'. Hadjhâddhâ sê sapanêka êngghi katekkan.

Katjatora sareng MOESTARI ampon doe taon abittëpon sê apang-ghâbâj ê Batawi, ladjhoe mörëng kabhâr, djhâ' lorana lakê'-binê' sareng tra-pottrana ampon raboe dâri naghârâ Balândhâ. Mëlana pas êsarê'ê dâ' losmën, bhâdhi êrënga polê. Ampon tanto bisaos lorana lakê'-binê' sê saklangkong bhoenga, ngoladhi abdhina sê ladjoe abâli polê. Tra-pottrana sareng nêngalê MOESTARI, ladjhoe êsanappellê sarta pas êadjhâk ên-maënan, kadhi panapa adhattëpon ghi' ngên-dhingëna. Ngabidhi dâri nalêka ghâpanêka, abittëpon MOESTARI sê ngaboelâ ka lorana ampon sapolo taon.

Sareng towan MAARTEN êangkat dhâddhi rësidiën, ta' abit pas aperlop, ghoebhâr terros dâ' naghârâ Balândhâ, amargha masakola'a tra-pottrana.

Katjatora MOESTARI saklangkong sossâëpon, sareng mörëng djhâ' lorana bhâdhi ta' abâli polê ka tana Djhabâ. Êla sapanêka aba'na samangkên ta' êmo' njarê pangghabâjan laën, sabâb ampon bannja' ollëna sê long-molong pësê.

Samangkattëpon lorana MOESTARI pas palëman dâ' tana pa-doempa'anna dârâna, êngghi panêka ê Bangkal. Pas maddhek tjompô', mellê sabâ, sareng sanëskarana pakakassa örëng atanê. Ta' abit sabâna ampon kêngëng kala' asëllëpon.

MOESTARI ghâpanêka ghâdhoeân ana' lakê' sêttong anjama Wirjo, omorëpon doebellas taon. Ana'na êngghânêka sê nolongê angghârâp sabâna. Ta' antara abit MOESTARI pas êpêlê dhâddhi kalëboen Bangkal. Saamponna dhâddhi patënggi (kalëboen) pas amboe sê atanê; sapëna ladjhoe êdjhoewâl, sabâna êpasëwâ, sabâb samangkên aba'na kodhoe audjagâ klabân ongghoe atê kasalameddhannëpon ana' maghâr sarëna. Klëboen anjar panêka êkaasê'ê tor êkalëboeri sareng tjâ-kantjana, amargha lambhâ' atatolong dâ' örëng sê parlo êtolog. Lantaran ghâpanêka rëng-örëng doemê' ê dhisa Bangkal kabilâng ghi-soghi. Manabi êtëmbhâng sareng ên-laënnëpon dhisa, dhisa Bangkal êngghânêka sê nja'-bannja'an ngasëllaghi pañi, amargha örëngngëpon ter-pënter panamenna: panjêrsëra (pamasaddhâ) bhâko, êngghi ter-pënter djhoeghân kantos bhâko badhalân Bangkal maso' êsaëan, mëlana rang-larangan arghâëpon.

Katjatora abit-abit ana' maghâr sarê Bangkal pañi sossa, amargha nêngalê lorana atambâ arê atambâ korang kakowa-dhannëpon, sabâb ampon towa; sadhâdjana örëng Bangkal pañi tako', amê' êngghâl êdhina'aghi. Sanarê ana'ëpon sê anjama ARDJOBIWIRJO pañi pënterra sareng eppa'na, djhoegha ghi' ta' kêngëng êpêlê dhâddhi patënggi, amargha ghi' ngoda dhimën.

Ta' abit saponapa dâri rëng-örëng sê arasanan kadhi ghollâ',

lorana pas saké' ongghoe. Ropaëpon abä'na ampon arassa, djhä' ampon para' napa'a ka adjällä, mèlana ladjhoe mapolong tja-kan-tjana sadhädjä, sabäb tja'na pèkkèrra, sabelloenna èponðhoet adjäl, ghi' terro abäsejadhä dthingèn ka ana' maghär sarëna. Tja-kantjana padä sossa, mala bädä sè kantos nangès, amarghä ampon arassa, djhä' lorana ampon para' napa'a ka djhändjhina. Ta' abit rèng-orèng sè padä njapot pas palëman sadhädjä, namong karè WIRJO bisaos sè ghi' njandhing èseddhi'na. Mama'na pas ngotja': „Tjong, saabiddhä sèngko' odi', sè èrè-sarè sèngko' nèng kabettjè'an bän kadjhoedjhoerän. Ropana djäreja sè dhaddhi lantaranna, sèngko' sampè satèja kan kaparèngan salamet. Molana tang bekkas dä' bä'na, tjong, bä'na noro'a boentè' tang lampat, njopprè èparèngana salamet kèja. Laèn däri djäreja kasalameddhänna èssèna bengko rèja, na', taghantong dä' kerrès arowa. Kerrès djäreja sangkolan däri embana. Nalèka embana para' matèa, basèjaddhä barija ka sèngko': „Katjong, sèngko' satèja la para' napa'a ka adjäl, sèngko' ta' andi' sè èsangkolaghiä ka sèdä, kadjhabhähna kerrès sèttong arèja. Sanaddjhän kerrès djäreja bädä mellè sèboe ropèja sakalè, djhä' djhoewäl, jä, na', sabäb djäreja sangkolan, dhaddhi kennèng angghep tang tolang. Laèn däri djäreja, kasalameddhänna bengko bän saèssèna kabbhi, bädä è kerrès rèja. Mon kerrès djäreja èpaondhoer däri dinna', la tanto bä'na bhäkal nemmoa kabhäläi.”

„Basèjaddhä embana djäreja engkènga'è ongghoeän. Bhender sèngko' ta' soghi, tjong, nangèng ijä ta' kakorangan. Dhinèng satèja sarrèna sèngko' masè la ta' kèra abit polè, kerrès djäreja empassra'aghiä ka sèdä. Taro bän rabädhi bi' tje'bettjè' sarta djhä' angghep tjoma sangkolan däri sèngko' bhäi, nangèng sèdä ènga'a kèja, djhä' kerrès djäreja ambherkadhi dä' saèssèna bengko bän kampong dinna' kabbhi!”

Saabiddhä WIRJO njandhing èseddhi'na mama'na, aèng têngalla ta' pegghä' aghili, amarghä kadjhabhäh mellassa otja'na, ta' mangghä nèngalè kabädä'annèpon; mama'na ampon ta' kèngèng aghoeli sama sakalè tor olattèpon ampon potjet, têngalla kadjoeladjä tjelkong, djhoeghä ghi' maksa bisaos sè tja'ngotja'a polè dä' ana'na, djhoeghä ta' metto swara, namong bibirrä bisaos sè bi'kebbi'än, kadhi tjaraëpon orèng adjandon. WIRJO angghaghä soko sareng tanangnga mama'na, èkrassa sadjan katjep, mèlana tja'na pèkkèrra ampon tonto tadä' pangarebbhännèpon polè. Pangèrana èngghänèka lerres, sabäb ta' antara abit, mama'na pas aondjhoë' njabä, ladjhoe matè.

Katjatora sareng rèng-orèng è kampong Bängkal mèrèng, djhä' lorana ampon adhinggäl dhoennja, sadhädjä padä sossa sè dateng nglabät sasat arebbhoe' adä; ngolkol padätèngngèpon orèng. Lem-malem majjit ampon ranta, pas èbhakta ka makam, èrèng ana' maghär sarëna sadhädjä. Toro' djhälän, sabannè

bādā sè adhikkèr, sabānnè bādā sè madjoengè majjit. Panèka sadhādjà dhāddhi tanḍhā, djhā' MOESTARI ghi' oḍi'na, èkaasè'tè tor èkalèboeri para kantjana. Saamponna majjit marè èko-bhoerraghi, sè padā ngèrèng pas palèman.

Katjatora sareng MOESTARI ampon adhingghāl dhoennja, kalagghoeānnèpon pas bādā pèlèan kalèboen anjar; dhinèng sè dhāddhi orèng sè wa'towa'an sarèng sè ghi-soghiān è dhisa ghika'tjā.

Samatèna MOESTARI, bhārāng dhādhingghālānnèpon tèbhā ka WIRJO sadhādjà, amarghā emboe'na ampon adhingghāl dhoennja djhāng dhingènan. È bākto èngghānèka WIRJO ampon aomōr 30 taon, ghādhoeān ana' tello': lakè doewā', binè' sèttong. Abā'na saana'-binèna ladjhoe angghāntè ngennengngè bengkoèpon mama'-na. Dā-padā orèng Bāngkal WIRJO èngghānèka maso' ter-pènterran, amarghā bānnja' ollèa pangadjhārān ḍāri orèng towaèpon. Obāng dhādhingghālānnèpon orèng towana èkabelli kerbhoej sapasang, djikar sèttong sareng pakakas tanè sapattjèna, sabāb abā'na terro atanèa dhibi'. Saamponna pas terros mabhādhi lombhoeng. Wirjo ghāpanèka bhādjheng alalakon tor saè pangolana sabāna. Abā'na ta' poron anjè, sabelloennèpon padina towa onghhoe. Mèlana manabi apaanjè nja'-bānnja'an ollèna padī, sarengngan karèna sè ètedḍhā ḍālem sataon èdjhoewāl kalabān arghā larang. Bānnja' tja-kantjana sè padā nèroè kalakoānnèpon. Tja-kantjana saklangkong trēsna ḍā' abā'na, akadhi ḍā' mama'na nalèka ghi' oḍi'na, sabāb WIRJO lambhā' djhoeghān atatonlong ḍā' para kantjana. Sarèna abā'na serrèng lāng-saghoeloeng sareng Tjèna otabā Arab, dhāddhi bānnja' tambāèpon kapènterranna è bāb dhādhāghāngan, mèlana manabi andjhoewāl padina otabā bhākona ranglarangan padjoena. Abā'na sareng tja-kantjana sè èangghèp ghāntèna mama'na, sapèsan marghā ḍāri lèboerrā atatonlong, doe kalèna amarghā onèng aberri' tarèka, sè è-saè; mèlana tja-kantjana padā trēsna ḍā' abā'na, akadhiā orèng atarètan. Bāb panèka, mènorot kapertjadjgā'ānnèpon rēng-orèng è Bāngkal, èngghi alantaran ḍāri kerrès sangkolan èngghārowa.

Lantarannèpon kerrès èngghānèka èangghèp pangaro, tjarètaèpon sapanèka:

Ghi' lambā' sè kaaghoengan kerrès ghāpanèka Pangèran, kamangkèn kadhiā ampon ollè doe ratos taon. Djoedjoe'na WIRJO, sè anjama RAHMAN, ngaboelā ka Pangèran bhoeroe.

È nalèka sèttong tèmpo Pangèran mèjos amamolān ka alas paghoenongan, njarèa mandjhāngan, kèddhāng, bhāntèng sareng bhoeroen alas laènnèpon, èèrèng lā-kaboelāna. Sanattolla ka alas, Pangèran ladjhoe ngarsa'aghi ambhādhi pondhoek pangènebbhān, sabāb kasokanna sabelloenna, ollè kèbān bhoeroean. ghi' ta' bhoebhārā. È kala sèttong arè bādjà lem-malem Pangèran mèjos njarè kèbān ka alas romboe, èèrèng abdhina sè anjama RAHMAN.

Ta' antara abit sê kadoewa ladjhoe posang ta' mangghi batbādhan, Pangéran ampon pan-saponapan kalé aparéng tatengnger, mamonjé têngghâr, sopadja la-kaboela laennépon njandherra, djhoegha ta-da' sabighia sê katéngal. Sareng ampon sabatara abittépon sê kadoewa rak-nerrak é alas, Pangéran pas arassa lessa sareng lapar, mëlana ladjhoe rên-sarénan ébabana kadjoean. RAHMAN aromasa nésér, nêngalé lorana kalaparen, mëlana pas ta' ngétong lessona bhādhanna, aba'na adjhālan njaré wā-boewā'ān sareng aëng, bhādhi éatorraghiā ka Pangéran. Kantos abit RAHMAN sê sak-bāraksaghān é alas, nangéng ta' mangghi pa-ponapa: abit-abit ladjhoe méréng monjéna aëng aghili tjé-karé-tjéan. Aba'na pas éntar da' ghika'ijā, mangghi soksok nê'-kênê', aëngnga ngatjérmang sarta é pêngghirra bānnja' bhoengkana gheddhāngnga, boewāna ampon bānnja' sê lo-solo. RAHMAN ladjhoe njello' aëng ébādghāi bhoetol, saamponna pas mették gheddhāng, épélé sa'-massa'na, ladjhoe abāli dā' ken-nengannépon lorana. Sareng para' nattola dā' ghika'ijā, pas méréng monjéna têngghâr: RAHMAN tapadjādja', tjā'épon pékkérra: manabi bānné la-kaboela sê njaré' é Pangéran, ampon tanto sakéng Pangéran mangghi pokpara, mëlana aba'na pas kobatér, padjhā-lanna sadjāné épasanta'é. Sareng ampon ropek, aba'na pas méréng kasa'na matjan reng-derrenggan. RAHMAN pas ajā-sadja sê at atolonga ka lorana, sabab tjā'épon pangérana, tanto lorana atjarok sareng matjan; aba'na ampon ta' tako' maté, anggher ollé at atolong ka lorana bisaos. Aba'na ampon ta' mardoeli sama sakaté, sanaré bhādhanā é'-takaé' ka doerina pandjhālin, mala pandjhālanā sadjané ngapaprang. Sanattolla dā' kaléngghānnépon lorana. Pangéran ampon épangghi tadja', namong karé abi-nannépon bisaos sê bādā. Kerrés pas ékala' sareng RAHMAN sarta ladjhoe ra'-ra'an sakellarra. Ta' antara abit pas méréng serrona oréng édālem ombhoet atjamboeran derrengnga matjan. RAHMAN éngghāl berka' dā' kennenggan ghika'ijā. Sareng ampon nattol, aba'na saklangkong takerdjhat, amargha nêngalé matjan slijoe sittong sanget radja'épon. Matjan éngghānēka prappa'na tjel-ngotjel lorana, djhoeghan ampon loka é taboe'na. RAHMAN ladjhoe ngaléng ka kadjoean, asadjhā nêngghārá matjan, djhoegha pas goegoep, ta' kantos ollé masang, sabab sareng matjan nêngalé bādā oréng nganaré têngghâr, ladjhoe alontja', njarap dā' aba'na. Éngghi ontongnga lopot, amargha RAHMAN pas éngghāl njésé, ngaléng ka kadjoean polé sambí ngonos kerréssa. É baktó matjan njarabha polé, ladjhoe étampané sareng kerréssa, teppa' bisaos ka dadāna, matjan robbhoe ka tana terros maté.

Saamponna RAHMAN pas éntar ka lorana, sê ghi' aghentang é tana, apandi darā.

Katjatora la-kaboela laennépon sê njaré' é Pangéran, sak-njasak é alas, ta' kadhik épangghi. Épangghi-épangghi ampon malem, saamponna Pangéran loka atjarok sareng matjan; para abdhi

pas terros ambhādhi osongan: sareng ampon marè, Pangèran pas ebhakta bhoebhâr ka dhalemma.

Lokana Pangèran kalerressan ta' sara, ella' sabātara mênggoe, salérana ampon saé polé.

Djha' sakènga nalékana Pangèran atjarok sareng matjan ta' étolonga RAHMAN, ampon tanto sléraépon sè sèdhâ. Mèlana sanget kaprotangan dâ' abdhina èngghânèka. Sakèng radjana kaprotanngannépon, sareng Pangèran abinanna gem-agemmanna éparéngngaghi ka RAHMAN. RAHMAN saghoenong bhoengana atèna oile ghândjharân kerrès èngghânèka: ngatjètjot sè mator sèboe doe èboe sakalangkong dâ' ghoestèépon.

Kabit dâri naléka ghâpanèka kerrès bhoeroe édja-moldja sareng orèng bânja', tja'épon marghâ ampon onèng matè'e matjan. Samatèna RAHMAN kerrèssa ladjhoe ésangkollaghi ka ana'na; sapanèka saterrossa ron-témoron kantos dâ' WIRJO.

Ampon dhâddhi adhat mongghoe dâ' orèng Djhâbi, manabi badja kerrès sè kadhi ghâpanèka pas èangghèp pangaro sarengngan tja'épon onèng nolak kabhalâi. Mèlana sareng sè ghâdhoeân sanget sè édja moldja. Èbingkèng bhâdhi ètjarèt'a'ghia djhoeghân kapartjadja'annépon WIRJO dâ' kerrèssa ghâpanèka.

III.

Karammèan ana-bârna.

Nalékana osom anjé è kampong Bangkal, saklangkong ram-népon. Sabbhan lagghoe lèrkèlèran orèng laké', bino' sareng na'kana' éntar ka saba, sabanné badja sè anjéa padina dhibi', sabanné badja sè namong ngala'a anjéan bisaos. Sarrèna è bakto ghapanèka lerrès mosèm némor, mèlana saklangkong panassépon, djhoeghâ rêng-orèng sè padja anjé, sè akartang è panassa, dhi-kadhi'a sè ta' arassa panas sakalé, sè anjé masenneng biaos sambi ta' amboe sè djhoeng-kèdjhoengan.

Manabi ampon baktana nedjha, bijasaépon badja bân-abân lagghoe, rêng-orèng anjé ghella' sareng kè-laké'an sè padja angghaladjoengé padina, ladjhoe akompól è roeng-baroeng, otabi neng babana rangghoen kennengannépon ghoe-toghoe dhingén. Èghaka'ija pas padja apo'ghloempo' è tana, badja sè ta' alama', badja djhoeghâ sè alama' ghidhang. Sareng nasé' ampon dateng, pas padja nedjha asareng, ropaepon saklangkong né'madlha.

Ampon ékaadhat sareng rêng-orèng è Bangkal, manabi osom anjé, saséra sè ghadhoeân saba masté ésalameddhi, mala badja se kantos nangghâ' tabbhoeân. È badja lem-malem manabi padj

ollèna anjè ampon èbhakta palèman, sanattolla ka tjompo'èpon ampon mangghi bà'ambà' tabbhoean, ongellèpon tjak-katjaghan, mènangka kaormadhàn. Sabännè rèng-orèng sè ghadhoean paði namong aslameddhàn rasol bisaos. Dhinèng rèng-orèng sè paða mèkol paði, saamponna marè di-mandi, ladjhoe adhàndhàn, terros akompol è tjompo'èpon orèng sè aslameddhàn. Èghika'ija pas paða anga-bhoenga amarghà sè anjè bännja' ollèpon paði. Moj-tamoj èsoghoei teddhà'an ana-bàrna. Dhinèng sè èkagessa èngghi báb ollèna paði, sè lè-mellèa, sè mabettjè'a tjompo', sè akardja'a sareng èn-laènnèpon. Rèng-orèng è Bàngkal è taon ghapanèka ampon tanto ta' kèra kakorangan teddhà, manabi nèngalè bännja'èpon ollèna paði. Djhoeghà dà-paða orèng è kampong ghika' ija sè paða apaanjè, sè nja'-bännja'an onggghoe ollèna paði WIRJO, amarghà abà'na sè palèng onèng anggharap sabà sareng ngromat tanemman. Djhoeghà tja'èpon panjanana tja-kantjana, mèlana WIRJO nja'-bännja'an ollèna paði, amarghà sè ghadhoean kerrès sangkolan pangaro ka'issa.

Ra-kèra ollè doe mènggoe dāri salobarrā anjè, bākto ri'-bhāri' parappa'èpon WIRJO sareng ana'-binèna neddhā, ladjhoe katamojan èpar lakè'na sè anjama ISLA, dāri dhisa Ghalaghā. WIRJO lakè' binè' saklangkong bhoengana, sarta pas èadjhāk neddhā apolong. ISLA sanget dhoeladdhā sè pas mangghi nase', sabāb abā'na ampon sanget laparra; dāri tjompo'na adhārāt bisaos, mangka seddheng djhāoena.

WIRJO atanja ka èparra: „Bārāmma, lè', èko'issa, napè paða salamet? Binèna so ana'na napè paða bāras?”

ISLA: „Èngghi, ka', ollè bherkat sampèjan, paða kaparèngan bāras salamet sadhādja. Kaolā sè ka'kanto panèka, ka', bhadhi matora onèng, manabi pottrana tjebbhing, MEXKOEM, è tangghal ka'ija èpakampunga sareng bhākallèpon, SOEDJONO ana'na kalèboenna. Lā panèka, manabi andhāddhiaghī kasokanna sampèjan sareng embhoek, sampèjan sareng embhoek, èso'ona raboena dā' Ghalaghā lerres è arè dhāddhina ghābāj, sopadja aparènga pandoea salamet dā' pottrana, tor sopadja andhāddhiaghī kabhoenga'an dā' kaolā sadhādja. Kaolā akardja'a nè'-kèné' bisaos, ka', sabāb sapèsan kaolā ampon karè andi' nèjat, doe kalèna è mosèm anjè mangkèn, ollè bherkaddhā bāngatowa, kèngèng tjetjot sadhiidhi', saseddhengnga brāghāddhā pottrana djhebbhing. Osom anjè taon mangkèn langkong saè dāri taon sè pon-ampon.”

WIRJO: „Èko'into engghi bārinto kèja, lè', saeddjegghā tao anjè, ollèna ta' mara sanonto bännja'na. Parkara otja'na ghānèko, boela ta' mator enten, mator engghi, djhoeghā mon taða' aral pè-napè, sabāb sapèsan boelā lakar terro mabhoenga'a ana'na so binèna dhika, doe kalèna kerbhoejjā sanonto empon taða' lakona, dhāddhi kennèng djhā' èpanadjhā'a djikar kò'assa, sabāb kanponakanna nèko mon adhārāddhā bhui, empon tanto ta' kellar.”

Ana' laké'na WIRJO saklangkong pèragghá, sareng mèrèng, djhá' orèng towana bhádhí èntara akolemmán ka tjompo'na madjhádhí'na. Sapanéka dihoeghá ISLA bhoenga, amarghá WIRJO pas ngotja' „engghi”, dháddhi kèngèng arep dátengnga ka tjompo'èpon. Asalla, èparra èngghánéka kobàtèr, tako' WIRJO ta' kèngèng dáteng, sabáb abá'na ampon onèng, djhá' WIRJO tjé' bhánterra alalakon, ta' poron andhingghál, manabi ta' tjé' parloná onghhoe.

Saamponna marè neddhá, na'ana'na pas padá tèdoeng sadhádjá, dhinèng sè katello ghi' terros adon-djandón.

ISLA ngotja': „Kaoelá lagghoe' ghi' agghoe terro èntara ka kotta sakeddjhá, ka', lè-mellèa rúng-bhárang kaparloannèpon ghábáj. Manabi sampèjan kasokan, njara kaoelá aterraghi, sabáb sampèjan ampon bännja' kennalannèpon kó-tókó èka'issa.”

WIRJO njambhit: „Engghi, lè', sambí'anna boelá lagghoe' lakar nèjat ka kotta'a, parlo arembbhaghána arghána bháko.”

Saamponna marè asa-gessa sè katello pas padá mapan tèdoeng.

Kalagghoeannèpon ghi' petteng WIRJO sareng ana'-binèna, sapanéka dihoeghá ISLA, ampon padá djhaghá, kadhi adhát bhán-sabbhána. Saamponna padá marè mandí, ladjhoe asarabhán. È bakto èngghánéka WIRJO ngotja' ka èparra: „Mosèmanjè sanonto nèko bännja' onghhoe orèng asalameddhán; dá'-adá'na boelá njalameddhi padí, pas ghábájja ana'na dhika; boelá ngèding berta, tja'na, kaléboenna bádhá'á ghábájja kèja, njalameddhána kompojja.”

ISLA njambhit: „Parkara ghápanéka ta' dháddhi panapa, ka', mala dháddhi tandhá, manabi rèng-orèng ka'ijá sareng è Ghá-lághá ta' kakorangan. Pola sampèjan sakèng tako' sè tobánga sè anggháráp sabána, ka'? Saèstona kaoelá kobàtèr, tako' sampèjan sareng embhoek ta' kèngèng ngoladhi mantanna pottrana, MINGKOEM.”

WIRJO: „Ó, parkara ghánèko, lè', dhika pon djhá' mang-mang-mang, asal tadá' alangan pè-napè bhái, insja Alla boelá sabhá-roendhoet kennèng arep dátengnga. Madjhá, ka, djhá' mangkadhá ka kotta, pongpong ghi' lagghoe, dhägghi' molèna mè' ta' malem!”

Saamponna padá marè asalénan angghoej, WIRJO sareng èparra pas mangkat dá' kotta. Toro' djhálán sè kadéowá tadá' pegghá'na sè adon-djandón.

Sanattolla ka kotta, WIRJO sareng èparra pas èntar dá' kó-tókó Djhábá; saamponna pas ngallè ka tókó Tjéna sareng tókó Arab. ISLA mellè djita ana-bárna, sarong, odheng sareng bhárang kaparloan laennèpon. Samarèna ISLA sè lè-mellè bhárang, WIRJO pas madhádhi regghána bhákona dhibi' sareng bhákona tja-kantjana, sadhádjá padjoe larang. Abá'na mellè djita sareng odheng sè è-saè, bhádhí ètjara'aghia *) ka èparra. Sareng ampon tadá' sè

*) tjara = patolong.

ebellia polè, WIRJO sareng ISLA pas palèman asareng rèng-orèng dhisa Bāngkal, sè panoddjhoè èntar ka kotta djhoeghan.

Kalagghoeunnèpon ISLA palèman ka Ghālaghā. Sabelloenna mangkat, tjo-mattjo sanget dā' WIRJO, èarebbhā ongghoe dātengnga dā' tjompo'na, teppa' è pangghina komantan.

Saplèmanna èparra, WIRJO pas ta-maranta bhākona sè bhādhi èdjhoewālā ka kotta, ladjhoè èsèmpen è goedāngnga, saamponna pas angghārāp sabāna, sabāb tja'èpon pekkèrra, sabelloenna èntar akolemman, sabāna sè ampon marè èlakonè. Sabāb saabiddhā èntar akolemman, ra-kèra kantos pa' arè abiddhā, tanto abā'na ta' kèngèng toron ka sabāna. Ghi' dem-arðem WIRJO ampon kalowar, ambhākta kerbhoejjā, bhādhi anangghālā'ā, sabāb sabāna sè ghi' bhoeroe marè èanjè bhādhi ètamennana bhāko.

Sareng ampon nattol dā' tèmpona akolemman, pangghābājānnèpon marè sadhādja: bhākona ampon marè èdhā-bādjhāi, sabāna sè bhādhi èperghāna bhāko, ampon ranta, tjoma karè tamennanna saos.

Mèlana sareng WIRJO èparloaghi sadhādja pangghābājāna èparanta langkong dhingèn, sabāb tako' katèttèran èbingkèng; sè ta' èntara ta' njaman, amarghā sè apangantana panakanna dhibi'. Manabi na'-ana'na ampon ta' katjator pèrakkèpon, sareng onèng djhā' ampon para' mangkadhā.

IV.

Orèng anga-bhoenga sè tatjoghāk.

Badja ghi' agghoe nalèka WIRJO sareng ana'-binèna ampon mangkadhā akolemman dā' tjompo'èpon èparra è Ghālaghā, djikar èsadjijā'aghi è tanèjanna. Djikar èngghanèka ngangghoej ata' kadjhāng, èdālem èpasangè sor-kasoran, sopadjā ka orèng sè todjoe' ta' malasa. WIRJO ghi' èmo' sè ghā-maongghā bāngghibāna, akadhia: salènnannèpon ana'-binèna, tjarana sareng djhādjhān ana-bārna. Dhinèng ana' lakè'na sè kaðowā rèpot sè madjhāng djikarra mabi dāoen bāringèn. Sapanèka djhoeghā tandoe'na kerbhoejjā èbhet-bhetbheddhi bing-rambingan ana-bārna, dhinèng lè'èrra èpasangè nong-kronong sè radjā. Sareng ampon ranta sadhādja, sè binè' sareng na'-ana'na pas ongghā; sè ngellèsè WIRJO. Ta' abit djikar pas mangkat. Saabiddhā lèbāt è djhalan prapadhān rojana djikarra serrèng djhoek-tabhālidjhoek, sè noupa' kantos akadhi sè èdjhep-ondjheppaghi. Kadjhāng manabi djikarra kalerressan mèrèng, WIRJO sè binè' ⁽¹⁾ sareng na'-ana'na kantos

(1) WIRJO sè binè' = WIRJO binè' = binèna WIRJO.

aŋowat, nangëng WIRJO ta' apa-ponapa, sarrëna ampon bijäsa lëbät è lorong sè kadhi èngghänëka.

Katjatora WIRJO saana'-binëna è bákto ghäpanëka paďa adhän-dhän. Sampërra è-saè tor rang-larang arghäna; eddjässä WIRJO tjelleng, klambhi ďälemma potè, oďhengnga mettjet, sambi njong-kël kerrës sangkolannëpon. Saeddijhegghä abä'na ghi' ta' onëng njongkëlan kerrëssa, sanarè ka'kamma'a, namong è bákto ghäpanëka bisaos, tja'ëpon pëkkërra ma' ètëngalè tja-kantjaëpon sè è Ghäläghä. Kabidhän abä'na mangmang sè ambhäkta'a kerrëssa, sabäb èmot ďä' bäsëjaddhä mama'na; tjompo'na tako' ma' pas mangghi kalër èboedj. Tor polè abä'na kobätër, tako' pëssëna tja-kantjana, sè èpatoro' è tjompo'na èlang, manabi kerrëssa lastarè èbhäkta, sabäb sanjatana èngghänëka sè atoghoë. Sè-pëssè ghellä' èbäďďhäi talomer kënë', pas èsabä' èďälem peťtè kadjoë, sè seqďheng radjaëpon. Èattassa peťtè èngghänëka kennengan-nëpon panjangkë'anna kerrëssa. Dhinëng marghäna tja-kantjana mëlana paďa ĩmatoro' pëssë ka WIRJO, sabäb tja'na pëkkërra, è-ghika'ijä bädä sè andjägä, èngghi panëka kerrëssa sè pangaro, dhäddhi ta' kera sè èlanga. Djhoeghä sarrëna WIRJO sanget ad-dhrengnga sè terro ngatëngallaghiä kerrëssa ka tja-kantjana sè paďa akolemman, tjoťto'na pëkkërra, kerrëssa lastarè èbhäkta.

Antara satengnga eddjähm abittëpon djikar sè lëbät è lorong prapadhän ghellä', pas nattol ďä' djhälän radjä. WIRJO ngotja' ka sè binè': „Sanonto djhälänna pon njaman sarta naong. Djhä' sakënga djhälänna terros kanťa ghellä' ghärowa bhäi, pon tanto dhika so ana'na sè maboe'.”

Sapanëka djhoeghä kerbhoejjä ropäëpon bhoenga, marghä mangghi djhälän saè tor naong, mëlana padjhälänna semmo èpaghän-tjangan, kantos djikarra akadhiä sè èghoele'aghi.

Bädjä pokol satengnga sanga' rè'-narè' ⁽¹⁾ WIRJO ampon lëbät ďäri kotťa, pas nattol ďä' djhälän laèn sè aop djhoeghän, èngghi panëka djhälän ďä' dhisa Ghäläghä. Sarrëna djhälänna samangkën sadjän abit sadjän ngongghä'aghi, sabäb dhisa Ghäläghä panëka ďäri tasè' langkong 600 kakè otabä 180 mèter, mëlana kerbhoejjä sarat adindi' padjhälänna. Sareng kera ampon ollè saparo pardjhälänan, pas amboe èadä'na bäroeng. WIRJO sareng ana'-binëna ladjhoe toron ngënom tjaó è bäroeng ghika'ijä, dhinëng kerbhoejjä èngghi èota', èteďďhäi sareng èënomè.

Saampona paďa marè lessò, pas mangkat polè. Pokol sabelläs WIRJO saana'-binëna ampon para' napa'a ďä' dhisa Ghäläghä. Ghi' oe-djhäoe WIRJO sareng ana'-binëna ampon mërëng monjëna tabbhoeän, sè ètabbhoe kabit ghi' agghoe mola, andhädđhiaghi sen-nengnga sè paďa mërëng. WIRJO atanja ka ana'na: „Apa bā'na ta' ngëďing monjëna tabbhoeän, tjong? Tabbhoeän djäreja mē-

(1) rè'-narè' = bän-abän lagghoe.

nangka ngolek rêng-orêng sè padá akolemma kassa. Koddhi rowa' abás! labáng sakètèngnga èpadjháng so oen-dáoenan sarta èpasangè bháng-kembhangan so mandirá, ollè orêng sè akolemma padá'a senneng atèna."

Ana'na sè anjama DOERAHMAN pas ngotja': „Tanto bännja' djhádjhanna éko'issa, ta' engghi, ma'?"

Samarèna ngotja' sapanéka DOERAHMAN pas pa'-kopa'an dári pèragghá. Kana' èngghánéka tjé' agherrá sè èngghalá nattol, agher neddhá'a djhádjhán.

Ta' antara abit WIRJO sareng ana'-binèna ampon nattol dá' tjompo'èpon ISLA.

Katjatora papadjhangan è tattarop, è ampèr sareng è romana ISLA, saèna ngalangkongè dári sè è labáng sakètèng ghellá', akadhiá: oen-dáoenan ana-bárna, bháng-kembhangan, mandirána ber-gleberrán, ambhádhi maremma rêng-orêng sè padá akolemma. È romana, è ampèr sareng è tattarop sadhádja padá nganghoej lampoe ghántong. Laèn dári èngghánéka èadá'na labáng roma báda kwadéna, èngghi panéka kennengngannèpon komantan laké'-biné', bákto èpadjhádjhár. Lerres è paddhoena tattarop kennengnganna tabbhoeán sareng ghá-nadjághána. Sareng WIRJO saana'-binèna maso' è labáng sakètèng, ladjhoe báda orêng nab-bhoe tongtong, aberri' tandhá dá' nadjághá, manabi báda tamoj dáteng. È bákto èngghánéka djhoeghán tabbhoeán pas mongel giro, mènangka kaormadhán dá' WIRJO sareng dá' ana'-binèna. ISLA laké'-biné' ladjhoe kalowar, ngambá' trètanna. WIRJO sè biné' sareng na'-ana'na pas padá todjoe' è téker sè ampon èsadjjá'ághi è pèr-ampèr, dhinèng sè laké' ghi' ngotja' kerbhoejjá.

Ta' antara abit moj-tamoj sè ampon padá dáteng ladjhoe padá neddhá sambí ètoro'è ongella tabbhoeán. Sè padá neddhá saklangkong sennengnga. Sadján abit atambá bisaos moj-tamoj sè dáteng dári dhisa laèn.

È báda lem-malem komantanna laké'-biné' bhádhi èpangaraghá. Katjatora rêng-orêng sè padá nèngalé, adháráp èseddhi'na tattarop, salang sellek, sabáb padá terro nèngalana komantan. Kadjhábhá rêng-orêng sè padá nèngalé, èlowar pakarangan bännja' rêng-orêng sè awál-djhoewál teddhá'an ana-bárna, báda sè mokka' bároeng, báda sè namong nganghoej lèntjak malolo, báda djoeghá sè adhásar è tana. Rèng sè awál-djhoewál kantos ta' katèngal, dári roboekkèpon orèng sè lè-mellé; báb sè kadhi panéka ta' angghettonnaghi, sabáb rêng-orèng è dhisa Ghálághá naléka osom anjé nja'-bännja' ollèna padá, mèlana sadhádja sè nèngalé ampon tanto padá njèkep pèssé.

Ghi' pokol tello', rata tompa'annèpon mantan laké'-biné' ampon èsadjjá'ághi. Rata ghápanéka kaaghoenganna pardjadji soghi, ètarek djhárán sapasang sè saklangkong gánteng, èteggloedhi

orèng kaŋoewa. sabab manabi méréng monjéna tabbhoeân, ta' poron neng-enneng. adhi-bhoedhi bisaos.

Pokol empa' komantan laké'-biné' kalowar sè bhádhi éaraghá. Angghoejjá rāp-ghālrabhan: sarongnga komantan biné'na songkét, klambhina sottā ngennjer. seloppépon ésolan bennang emmas, ghellāngnga ghellāng emmas, è tjettagghā ngangghoej djhāmang sè tēp-karettēbhān. Mowana abeddhā' potē nalbek. lè'ér sareng lengngenna mabi bejdhā' konēng, bibirrá ēgintjoe. alēssa éparas ladjhoe épasangé lalaja. Sareng komantan laké'-biné' ampon épaongghā. ratana pas épadjhālān on-laonan. Dhinēng éboedjina rata rammé sareng tabbhoeân sè tjak-katjaghān ongella, asella monjéna mertjon salang padjhejdhār. Orēng sè nēngalé dhādhi salorong. Ana'na Wirjo sè laké' bhingong masé nēgalana komantan, masé nēgalana mertjon sè ésomet toro' djhālān.

Sareng mantan ampon maré éarak, pas ébhakta palēman ka tjompo'épon sè biné' polé, épaséla mēdjhet è baboet, épadjhādjhār éadā'na kwadé, padā tadā' djhoeng gessa'an, namong meddhet bisaos. Pokol doebellās tengnga malem komantan bhoeroe épalobār. Neng pēr-ampēr possa' sareng tamoj biné'an, è tarop sareng tamoj laké'an. Djhá'-sakeddhā' moj-tamoj éngghānēka éangka'è teddhā'ān ana-bārna sareng biddhāng. É bākto ghāpanēka ghā'-tangghā'épon bādjang.

Katjatora sareng dhālāng ampon molaé amaēnnaghi bādjangnga, moj-tamoj sareng rēng-orēng sè padā nēngalé pas sērep. sabab padā mērengngaghi tjarētaépon. É kala ghāpanēka tadā' orēng sè ghādhoeāna kasossa'an, sadhādjá sè padā nēngalé katara padā kalēboeren sè mērengngaghi kan dhāna bādjang. Manabi kalerressan dá' dhoengngēng sè lotjo, rēng-orēng sè padā nēngalé pas padā aghellā' salang pasowar. Dhinēng sè hoso' ongghoe ampon ta' kadhih aghellā' sama sakalé, sanaré kalerressan bādā lalotjonna, namong nēlēng bisaos sè mērengngaghi. Prappa'na mē-rammēna bādjang. rēng-orēng sè padā nēngalé pas abālessadhān masaklēan, mala bādā sè atjerrēng; dhinēng sabābbhā, marghā bādā'orēng kasorang dāteng nompā' djhārān ètjongklang. katara djhá' kabhoeroe, amboe éseddhī'épon karammēan éngghānēka. Satoron-na dāri djhārānna pas mēnta tolong dá' orēng kasorang, sè bādā éseddhī'anna negghoe'aghi djhārānna; abā'na maso' kaŋālem tattarop. katēngallēpon kadhi sè bādā ésaré. Sarrēna è bākto ghāpanēka possa' sareng rēng-orēng sè padā nēngalé bādjang, mēlana pamaso'na ka tattarop sanget njangsaraépon. Djhoeghā ta' abit kēngōng njellat sarta pas terros bisaos éntar ka Wirjo, sè ghi' prappa'épon boer-lēboerrā nēngalé bādjang.

Katjatora Wirjo sareng nēngalé SALÉ (orēng sè bhoeroe dāteng ghāpanēka SALÉ njamana) dāteng djā-ta' bādjá, takerdjhat, sangkana atēna tanto bādā pa-ponapa, mēlana ladjhoe atanja sapanēka: „Lé, bādā apa sēdā mē' dāteng ghoeng-nangghoeng bārijā?”

Sangkolan.

SALE njambhit sambhi to'koto': „Èdissa kalèr, Jo; madjoe, kalowar sakeddjihā', engkandhā'ana.”

WIRJO sareng mēreng otja'na SALE sapanēka, tabhābhēgghen, ta' ngotja' mēra-bhiroe, namong noro' boentē' SALE bisaos kalowar, lat-njellat ē orēng bānnja' sē atjet-lettjet nēngalē bādjang. Abā'na sanget sossa, tek-kettegghā asalamberrān, sabāb pangērana ampon tanto kampongnga mangghi kabhālāi radjā. Sanattollā kalowar, WIRJO pas ngotja' ka SALE: „Lē, dā'rāmna, mara, dhoeli kabālā, bādā kakalēran apa?” Sē atanja sapanēka WIRJO para' ta' mettoa sowara.

SALE njambhit: „Ella, dhisa Bāngkal para' ghemmeddhā ēka-kan apoj.”

WIRJO sareng mēreng otja'na SALE sapanēka, akadhīā sē ētap-por kēlap, rēto ta' andi' ora', otja'ēpon: „Dhisa Bāngkal para' ghemmeddhā? Marēna.....?”

Saamponna marē ngotja' sapanēka abā'na pas neng-enneng sakeddjihā', ta' abit atanja polē: „Tang bengko dā'rāmna, apa ēkello' sakalē?”

SALE: „Ella, bengkona bā'na ghemmet sakalē.”

WIRJO: „Lombhoeng so goedāngnga bhāko bārāmna, slamet, jā?”

SALE: „Ghemmet kabbhi; ēssēna bengkona bā'na tadā' sē ēken-nēnga tolong sēttonga.”

WIRJO: „Mandhār pēssēna tja-kantja rowa bhāi salameddhā.”

SALE: „Abā, bādhdhinna pēssēna tja-kantja djārēja ta' ēkēbā dā'anna' so bā'na?”

WIRJO: „Endjā, pēssē djārēja bādā ēdālem pejtē kadjoe ēsed-dhi'na katēdoengan.”

SALE: „Ađoe, ađoe, mon bārijā la tadā' karēna sakalē. Orēng kabbhi padā ngēra, djhā' pēssēna la tanto ēkēbā kannā' so bā'na. Teppa'na dhi-dhāddhinna apoj sēngko' la lebbhoeā ka bengkona bā'na, ijā parlo ngala'a kerrēssa, nangēng kalēboenna ta' maghi, sabāb tja'na kerrēssa ēangghoej so bā'na, dhāddhi sēngko' ngēra, pēssēna ta' boeroeng ēghibā sakalē. Kerrēssa djārēja sabbhānna ta' ijā ēsabā' ēattassa pejtē bādhdhāna pēssēna arowa? Molana rēng-orēng la' dīssa bāngal matorō' pēssēna ka bā'na, ijā amarghā bā'na andi' kerrēs pangaro, panolagghā kabhālāi.”

WIRJO: „Bhendēr otja'na bā'na djārēja, SALE. Sanjatana lan-taranna kakalēran djārēja dāri sēngko', molana dālem parkara djārēja sēngko' sē sala. Sēngko' la mangmang sē ngēbā'ā kerrēs arēja kannā', otabā bhenderrā, mon bi' sēngko' ēghibā, pēssēna mostēna ēghibā sakalē. Marēna ēdīmna sēngko' sē olcā pēssē ēghāntēaghīā?”

Saamponna marē ađon-djandon, WIRJO pas lebbhoe polē kadā-lem tattarop, padjhālānna asalēndoran, terros ēntar ka binēna, abālā bāb kakalērannēpon ēngghānēka. Bākto ka'ijā kēja moj-tamoj laēnna ēngghi ampon ngēra, djhā' WIRJO mangghi kasossa'an, ka-

tara dāri olattēpon. Ta' antara abit rēng-orēng sē padā akolemmān ampon padā mēreng sadhādjiā, mēlana tabbhocān sareng bādjiāng-nga ēpaamboe sakeddjiā'. E bāktō ghāpanēka ē tattarop pas sērep sakalēng adā', akadhā kata' ēsamboer. Rēng-orēng sē padā bādā ēghika'ijā mandheng dā' WIRJO lakē'-binē' sarta padā ghādhocān atē nēser.

WIRJO ngotja' ka binēna: „Boelā molēa kaaqā' sanonto kēja, dhika so na'ana'na neng-enneng ko'ijā dhāllōe, ngantos bālina boelā. Nangēng bilā-bilā boelā sē abāliā ko'anto, ghi' ta' kennēng tantoaghi, sabāb boelā ēko'issa empon tanto rēpot. Bilā boelā empon marē long-mapolong rē-karēna bengko sē katonon bān empon ollē maddhek bengko anjar, boelā pas ko'antoa, ngonēana dhika so ana'na.”

Kalerressan ISLA lakē'-binē' ēngghi dhāsar ahadjhāt nahana tarētanna sareng kan-ponakanna ē tjompo'na, saabiddhā WIRJO ghi' ta' ollē ambhādhi tjompo' bānnēan. Sareng WIRJO ampon ollē ēndjhāman djaran dāri kalēboen Ghālāghā, pas palēman asareng SALē.

Sareng WIRJO ampon mangkat, moj-tamoj laēnna sareng rēng-orēng sē padā nēngalē bādjiāng pas abāli kaqālem tattarop, nēngalē bādjiāng polē. Nangēng ampon ta' poron bhoenga akadhī la'ghellā'na, mēlana bādjiāngnga pas ēlobārraghi. Salobārrā bādjiāng, moj-tamoj sareng rēng-orēng sē nēngalē pas palēman, poe-lampoe padā ēpatē'ē sadhādjiā.

Sarrēna towan roema sareng laēnnēpon padā lessō, mēlana ē malem ghāpanēka sē tēdoeng padā kapatē, namong WIRJO sē binē' ta' poron njēddhā tēdoeng, amarghā sossa, mēkkērē tjompo'ēpon sareng rāng-bhārāngnga. Samalem bhentēng abā'na sē nangēs, kalagghoeānnēpon sareng ampon djhāghā, tēngalla bāko'.

V.

Katonon.

Katjatora WIRJO sareng SALē sē plēman, saamponna ra-kēra langkong satengnga eddjhām abittēpon sē njongklang djhārānna, djhārānna pas ēpadjhālān on-laonan, sabāb manabi ētjongklang terros, ampon tanto moghoek. Toro' djhālān WIRJO atanja ka SALē: „Lē, djhādjhāl, kandhā'aghi, dāri dīmma asalla apoj bān sapa sē anđi' lalakon?”

SALē pas akanđhā: „Apoj djārēja asalla dāri bengkona kalē-boenna. Teppa'na sē binē' ēntar mandī ka songaj, tja'na ana'na ēboeđi pas ēn-maēnan apoj. Ra-kēra pokol satenga pētto' bhāri”

apoj la dhaddhi: sarrëna è kala djärëja kabhenjerran bharat angën. dhaddhi apoj pas ngolap san-kassannaghi: ka dāpörä, kanghaungä so endäenna. Rëng-orëng lakë'an è baktö djärëja ghi' bänja' sè ta' molè dari saba, molana ta' saapa orëng sè däteng atatolong, sampè' apoj ta' kaladhinan. Abö-ëmböe angëna sadjan abit sadjan atamba bharat, molana apoj pas alatlat dā' ko-bengko è kangän-katjërä djädijä, sampè' orëng la padä tako', mon angëna ta' tjeddhoëä, la tanto ko-bengko è Bangkal bhakal katonona kabbbi. Dhinëng rëng-orëng sè atatolong la ta' mëkkërè sè katonon. tjoma ko-bengko sè ghi' ta' èkolap apoj è kangän katjërä bhäi sè èbhantölè èparobbbhöe, ijä bädä sè èsëramë aeng, sopprëna sopadja apoj ta' sampë'a alatlat dā' ko-bengko djärëja. Ontongna ta' abit pas rësè' tor angëna bädä tjeddhoëna: pata pokol bälloë' apoj pas reprep. Dhinëng abi'na bengko so andi'na sädä, bënja'na sapölö koren. Djärëja bengkona malölö, lä'n dāpör, lombhoeng so goedjäng."

WIRJO: „Eh, mon barija la tjalaka' ongghöe tang abä', ta' dha-këndhä, sabäb tang padä so bhäko arowa bhäi lebbi djhinadihin döe èboe ropëja, lä'n pössëna rëng-orëng sè èpatoro' dā' sengko'. La'rijana pössë djärëja so sengko' è abä' èdälëm tromel këne' èdälëm pettë, nangëng pössë tas-kertassa ngara la dhaddhi lölong kabbbi. Sengko' la ta' mëkkërè parkara tang di'andi' sè èkello' apoj, tjoma sè èkasossa, apa sè èghantëaghiä ka orëng nja'bänja' rowa. Ma' lang-palang dhalloë engko' rëja. Lè!"

SALÉ njambhit: „WIRJO, bä'na la djhä' sa-sossa loë-dälloë' parkara djärëja. Bä'na ta' ijä la tao dhibi', djhä' rëng-orëng la' dissa ghi' mosëm anjè bhoeroë rëja bänja' ollëna padä sarta bänja' sè lopot dāri apoj? La tanto kanja tja-kantja rëja ta' kërä ta' mëkkërè dā' bä'na, ijä sakadhärrä; pandä' bä'na ta' kërä sampë kalaparan. Kalamon è mosëm anjè däteng dijä rëng-orëng bänja' ollëna padä mara sè bhoeroë, insja Alla kabädä'anna tja-kantja sè ella padä njandhäng kabhäläi, abali onë polë. Tjoma sengko' satëja maënga'a ka bä'na, sakalë boëdina marë sè ngëbä'an kerrëssa djärëja. Jo, maskë bä'na èntara kamuna; sabäb bä'na ghoe ta' la tao dhibi', kerrëssa djärëja tao nolak balä' sè bhäkal dätenguga?"

Otja'na SALÉ èngghänëka sadjan mangennes atëna WIRJO, mëlana pas ènot dā' basëjaddhä mama'na, djhä' kasalameddhänna tjompo' sareng kampongna kantos ka èssëna sadhädjä, taghantong dā' kerrëssa èngghänëka. Sarrëna abä'na nerrak basëjattëpon mama'na, ambhäkta kerrëssa akolemmnan tor karana terro èdjhellënga tja-kantjana, mëlana mënangka hokomannëpon sè malang sara', abä'na mangkën njandhäng sossa radjä, bharang di'andi'na sareng pössëna tja-kantjana padä ghemmet èkello' apoj sadhädjä. Samangkën abä'na ampon karë kastana bisaos.

Toro' djhälän WIRJO kër-pëkkëran, njärë akal, kadhi ponapa

sè onènga angghantèlè pèssèna tja-kantjana. Ta' abit pas ngotja' sapanèka: „Bàrijā kēja ghoej-angghoejjā binèna ba'na. Lè, sè epatoro' ka sèngko', sèngko' mastè angghantèlè, sabab parkara èlangnga sèngko' sè sala, molana sèngko' wadjib nempoè djàrèja kabbbhi. Sanjatana bhender otja'na ba'na ghella', djha' sakènga kerrès rēja ta' èkèbā akolemmān, kèra sèngko' pèssèna tang tja-kantja ta' kèra èlang, bān sanaddjhān bādā'a bengko katonon, ngara ta' kèra kongsè alatlat ka bengko laènna, apa polè ka tang bengko: baddhinna lètjèghā bāsèjaddhā mama', djha' tang kerrès tao nolak bhālai?”

SALE pas njambhoengè otja': „Rèng towa rēja. Jo, ta' kèra njangkolè ana' bhārāng bā'-djhoebā': parkara pèssè kèra sèngko' sè andi' ta' kèra mēnta ghāntè, sabab parkara djrèja kadhadhinnā ta' kalabān èma'a. Salana ba'na ghoe ta' tjoma sè ngèbā kerrèsā èntar akolemmān, laèn tadā'. Apa polè sarèna rèng-orèng la'dissa padā radjā kaprotanganna ka sèdā, amarghā sèdā la bannja' pètolongnga ka tja-kantja rēja, dhaddhi rassana la tadā' djalanna sè andi'a karep mēnta'a bālina pèssèna, sabab mon mēnta pas anjana tadā' kaprotanganna sama sakalè ka sèdā. Sambī'anna bā'na apa sè èghantèaghiā: ollèa dīmna pèssè, djha' rèng bengkona, padina so bhākona la ghemmet èkello' apoj kabbbhi. Sèdā satèja tjoma andi' djikar sèttong, kerbhoej sapasang so sabā. Molana, Jo, sèdā la djha' sa-sossa parkara sè angghantèana pèssè djàrèja. Sèdā bi' partjadjā ka sèngko', tja-kantja rēja ta' kèra mēnta bā'na pèssèna, sabab mara sang otja' ghella', pèssè djrèja so bā'na ta' ètengnet epakannaghi ka apoj.”

WIRJO njambhit polè: „Ijā bhender otja'na bā'na djrèja. Lè, nangèng sèngko' mostè nempoè pèssèna tja-kantja djàrèja, ma'a mon ollè engko' tjè' agherrā sè angghantèana. Bā'na tao tang karep? Pabbrik ghoelā Soeko-Widi satèja parlo njèwa tana abèk bādān. La dhina tang sabā bi' sèngko' èpasèwā'a, bādā'a satèllo taon bān sèwana so sèngko' pas èpènta'a sakalèan. Mon ollè, sèngko' pas andi' pèssè ra-kèra 600 ropèja. Rassa sèngko' pèssè sadjārèja la tjokop ghābāj ghaghāntèn.”

SALE: „Karebbhā bā'na djàrèja sèngko' ngalem, nangèng parkara djàrèja ollèa èpèkkèr bi' landjhāng; marèna mon bā-sabāna la èpasèwā' ka pabbrik, bā'na ta' pas nèng andi' djikar sèttong so kerbhoejjā sapasang, pas apa sè dhaddhiā kasabbhā sèdā so ana' binèna?”

WIRJO: „Ó, parkara djàrèja ghāmpang. Lè, anggher sèngko' so tang kerbhoej èparèngè baris salamet bhāi, insja Alla nemmo kasap. Mon tang sabā lastarè empasèwā, sèngko' pas ngolia ka pabbrik. Endjā', mon engghoenna bāllong tji bhāi saarè, sèngko' masè ollèa. Bilā osomna orèng nebbāng tebbhoe, tang djikar empangangko'a tebbhoe ka pabbrik. Sè ngarè'aghiā relbbhāna la bādā, ijā arèja katjong sè kadowā arowa. Kèra sèngko' èlèna

bādjaran balloeng tji djareja la tjokop engkakan sèngko' so tang ana'-binè dālem rē-sarēna."

SALÈ: „Mon dā'rija sèngko' la ta' tao sè tja'-ngotja'a, apa tja'na bā'na bhāi, sabāb dā-padā orèng Bāngkal, bā'na kabilāng ter-penterran. Apa polè satēja, bā'na dālem kasossa'an arēja, la tanto lebbi bānija' akalla ètombhāng moso ghi' ri'-bāri'na."

WIRJO: „Ijā, mandhār kanta'a otja'na bā'na djareja, Lè, tang kabādā'an mè' ollè dhoeli abāli onè. La' rijāna mon tja'na rassana tang atè, masè ta' tjoma satēja'a bhāi sèngko' sè nemmoa tjobhā, rassana masè ghi' bādā'a polè, tapè sèngko' ta' kènè' atè, sabāb tarmè' tang kerrès pas èlang pangarona masaklèan bhāi."

Sarēna sè asa-gessa toro' djhalān padā saklangkong ghoematēna, mèlana ta' èkrassa, onèng-onèng ampon èpangghi nattolla ka Bāngkal.

Èghika'ijā Wirjo mangghi rèng-orèng lakè' padā èmo' long-mapolong rē-karēna pō'-tjompō' sè katonon. Sabānnè bādā sè mèkol perrèng, ladjhoe èbā'-sèbā', sabānnè bādā sè ngarkar aboe, njarè'-è rāng-bhārāng sè tabhendem. Wirjo sareng nèngalè tjompō'na ampon karè aboena, aèng tēngalla ta' kēngèng taghennè, krettegghā atēna: „Adoe, bādhlunna sara bārija! Ontongnga tatangghā sè padā bellās, djhā' anoa pas nompēnga kamma ana' binēna tja-kantja sè padā katonon bengkona rēja kabbbi.

Eh, tjakang ongghoe orèng Bāngkal: rēja' sè alalakon sampè' tenguga malem ghi' ta' amboe, aghābāj neng-kennengngan panga-obhān. Mon terros dā'rijā, ngara ta' ella' bārāmpa mēnggoe agghi, èdjinna' masè la adjhārekdjhegghāna polè bengkona. Eh, sanjatana orèng la'dinna' la rokon ongghoe."

Nalēka Wirjo kēr-pèkkèran kadhi ghāpanēka. SALÈ pas abālā ka tja-kantjana, djhā' pèssēna sè èpatoro' ka Wirjo ampon èlang èkello' apoj sadhādja.

Katjatora sareng sè ghādhoeān mèreng berta bāb èngghānēka, sakalangkong sossana, atēna akadhiā sè ètombhak sareng ghentong. Dhinèng sè èkasamboe'-samboe' orèng, Wirjo mè' pas bhoeroeāna ambhākta kerrēssa kalowar dāri kampongnga, sarengngan pèssēna ma' ta' èbhākta sakalè, halla saeddjhegghā ta' onèng ambhākta'an kerrēssa, sanarè ka'kamma'a, sabāb èngghi kerrès ghāpanēka sè andjāgā pèssēna. Mangkana rèng-orèng sè ghādhoeān obāng pas dhāmmang matoro' pèssè dā'ka Wirjo, èngghi amarghā ampon jākin, djhā' kerrès sangkolan èngghārowa onèng nolak kabhalāi tor polè sareng sè ghādhoeān ampon tanto ta' kēra èpakalowarè dāri tjompō'na. Kabidhān rèng-orèng sè ghādhoeān obāng manglo dā'ka Wirjo, amarghā pèssēna sè èlang, djhoeghā sareng èpèkkèr on-laonan, bekkasanna pas nēser, sarēna èlangnga pèssēna tanto ta' kēra klabān èma'a. Laèn dāri èngghānēka, bhārāngnga Wirjo tadā' sè katolongan sèttonga kanan, rāng-bhārāngnga dhibi' ghi' bānija' sè ta' èkello' apoj.

Ta' abit ladjhoe bádá orèng ambhákta peyyə kennengngannèpon panjèmpennanna obàngnga Wirjo sareng tja-kantjana èngghàrowa. Sareng rèng-orèng nèngalè peyyə bhoeroe, panjanana obàngnga tanto ghi' slamet, mèlana peyyə ghàpanèka pas èghàribbhoeng orèng bannja'. Djhoeghá rèng-orèng sè ghádhoeán obàng sadhádja padá karè angghàribbhoeng, peyyəna ampon al-saèl, amarghá trè-patrèna lotjot sadhádja; pèssè kertassa ghemmet èkello' apoj, namong karè long-lolongnga bisaos. Pèssè potèna ngalèllè, dháddhi salaka lantaghán. Wirjo ngotja' dá' rèng-orèng sè pada angghàribbhoeng èghika'ijá: „Tang tja-kantja kabbhi. parkara èlangnga pèssèna djàrèja taqá' laèn sè sala, kadjhábhá sèngko', dháddhi sèngko' sè katempoan, molana sèngko' wádjib angghantè'è pèssèna bá'na djàrèja kabbhi.”

Èantarana rèng-orèng sè aghribbhoeng ghella' bádá orèngtowa kasorang njambhidhi otja'na Wirjo: Wirjo, bá'na la djhá' sa-sossa mèkkèrè tang pèssè so pèssèna tja-kantja rèja kabbhi, sabáb èlangnga ta' krana ètengnet. Molana tjè' ta' pantessa, mon sèngko' sakantja'an pas mènta'a ghantè ka bá'na. Edálem katjalaka'an arèja salana bá'na taqá' laèn, tjoma dári korang tè-ngatèna sè pas ngébá kerrèssa èntar akolemma ka dhisa laèn. laèn taqá'. Molana, Jo, engko' sakantja'an djhá' èngghán radjána pèssè sadjhámpel, sakètèng nèng-tonnèng ta' kèra mènta ghantè, sèdà la djhá' tek-potek parkara djàrèja. Tjoma sèngko' sakantja'an satèja andi' pamènta ka bá'na, ijá arèja: sakalè boedina bá'na sopadja amarèana sè ngébá'an kerrèssa djàrèja kalowar dári kampong dijá; pandá', Jo, la'-tella'ana sakalèan tèja bhái bá'na sè njèkep kerrèssa djàrèja, sanaddjhán èntara adjhálán kamma. sabáb ontong-kalèrra kampong dinná' báda è kerrèssa bá'na djàrèja!”

Wirjo ngotja' polè: „Pandá', tja-kantja, parkara djàrèja la djhá' palandjhäng polè. Sarrèna satèja ghi' bannja' sè èlakonana, kemma sè ghi' maddhegghá bengko, kemma sè ghi' maddhegghá dápör so lombhoeng, bhängo' madjoe dhoeli alalakon bhái mè' ollè lekkas kennèng kennengngè. Satèja ta' ollè dör-makendör lako. sabáb maddhek bengko sapolo koren rèja bännè pangghabáján dhá-kèndhá, sarta kodhoe marè dálem sabátara mènggoe. La'rijána sèngko' la bhoenga ngatèla' bá'na kabbhi sè alalakon ambhá' patè. Tjoma tang pamènta ka bá'na kabbhi, sènga', amboei sè mèkkèrè sèngko' bän pèssèna bá'na sè èlang; parkara djàrèja mo-tenmo èboedi, bilá bengko rèja la marè kabbhi.”

Saamponna Wirjo marè tja'-ngotja' sapanèka, rèng-orèng sè bhoeng-ghribbhoeng ladjhoe molaè apangghabáj polè, kantos ghi' lagghoe potè tèmor. Kalagghoeännèpon sak-rosaghánna tjompo' sareng dápör sè katonon ampon marè èpo'-tompo' sadhádja: è kennengngannèpon ampon kèngèng paddhegghi tjompo' anjar polè.

Dhinèng amboena rèng-orèng sè alalakon namong bádjána asa-

rabhan sareng neddha bisaos. È baktò neddha'a, sè alalakon sadhādja pas akompol, namong Wirjo kabidhanna ta' poron apolong, sabab abā'na ghi' sossa, djhoegha sareng epol-apol kalabān kalēboenna, pas poron noro' neddha. Saamponna marè neddha rēng-orēng ēngghānēka pas molaē alalakon polē.

VI.

Kaghātēan sareng kadjhoedjhoerān.

Katjatora rēng-orēng sè padā alalakon maddhek tjompo'anjar, sèjang-malem sasat tadā' amboēpon. Èlalem samēnggōē tjompo' sè sapolo koren kantos dā' daporra sasat ampon marè sadhādja, kennengngannēpon è telassa tjompo' sè katonon. Rēng-orēng sè padā nompēng è tjompo'na tatangghāna ampon padā ngallē sadhādja dā' tjompo'na sè anjar bang-ēbang. Namong binēna Wirjo ghi' taksē badā è tjompo'na tarētanna è Ghālaghā, sabab Wirjo ampon asangghoep ngonēana samarēna maddhek tjompo'na.

Ta' ella' saponapa arē kantos ka lombhoeng sareng pakarangan-nēpon ampon ranta sadhādja. Sarengngan lombhoengnga ta' kosong, ampon aēssē padī, baberri'na orēng Bāngkal sè slamet dāri apo'. Kalerressan rēng-orēng è kampung Bāngkal padā bānija' ollēna padī, mēlana ta' ēman sē lowanga ēkabhadhi sandhekkā sakadharrēpon. Dā-padā lombhoeng anjar sè nja'-bānija'an ēssēna padī, lombhoengnga Wirjo, amarghā ta' namong rēng-orēng Bāngkal bisaos sè padā ēnga', somēlē tja-kantjana è dhisa Ghālaghā padā noro' ater sakadharrēpon. Pakakassa tjompo'na ēngghi ampon badā doe ta' saē kadhī dhingēn, sabab kas-pakakas dhadhingghānnēpon māna ampon ghemmet ēkello' apōj sadhādja.

Sareng tjompo'ēpon ampon marè, Wirjo pas agher sē ngonēana ana'-binēna, sabab saabiddhā alaēn, ollē teddha dāri ghā-tatangghāna. Manabi terrosa sapanēka bisaos, abā'na ta' senneng; abā'na ēngghi arassa, djhā' ghā-tatangghāna sè aberri' teddha sareng ēhlassa atēna, djhoeghā tja'ēpon pēkkōrra Wirjo ghi' asennengngan neddha bādhalā (kasabbhā) dhibi'.

Sareng ampon ollē pa'bhellās arē abiddhā dāri sē katonon. Wirjo ladjhoe asoroan orēng ēntar ka Ghālaghā, abālā dā' sē binē', djhā' abā'na lagghoē sē ēkonēana. Dhinēng è arē ghāpanēka Wirjo njabis dā' towan bessarra pabbrik ghoelā Soeko-Widi, bhādhi masēwa'a sabāna. Pokol sabellās abā'na ampon badā ēadā'na kantorān. Èghika'ija apangghi sareng rēng-orēng sè padā njēwa'aghia' sabāna djhoeghān, bānija'ēpon langkong dāri sēket orēng. Wirjo abit sē ngantos ghilirāna, sabab bānija' orēng sē dātengdjhāng dhingēnan.

Sareng ampon nattel da' ghilirannépon WIRJO, abá'na pas étem-
bháli kadálem kantoran. WIRJO lebbhoe sambí adijhalan nengkoné.
Édalem kantoran éngghanéka báda Towanna (Balándhána) kadóe-
wá padá ngadá'i mēdjá, sé éattassa possa' sareng bang-dhaloeláng
polé pössé. WIRJO sadján ngangsek kaadá', ladjhoe njeména.
Towan bessar pas maréksa: „Apa bá'na sé anjama ARMOEDIWIRJO?”

WIRJO: „Éngghi, Towan bessar.”

Towan bessar: „Sabána bá'na la maré éokor, étemmolékhá
kabbhi nem bháoe (4½ H.A.) lebbi báloeng roe, apa ijá?”

WIRJO: „Manabi éngghi, Towan bessar.”

Towan bessar: „Sarréna sabána bá'na kennengunganna djháoe
dári pabbrik, dháddhi sēngko' ta' bangal njéwa larang. Apa
ébaghi so sēngko' éséwá'a 180 ropéja kabbhi?”

WIRJO: „Bhoenten, Towan bessar, ta' éatorraghi, sabáb djoe-
nan-dhalem njéwa da' oréng laennépon 40 ropéja sabbhán sabbháoe,
dālem sataon, dháddhi manabi nem bháoe 240 ropéja. Djhoeghá
sarréna sabá dhi-dhālem kennengungannépon nambhán dári pabbrik,
sareng dhi-dhālem éatorraghiá 220 ropéja dālem sataon, djhoeghá
mabi perdjhāndjhian, Towan bessar”

Towan bessar: „Perdjhāndjhian apa?”

WIRJO: „Sabá dhi-dhālem épaséwá'a dālem tello taon abátté-
pon, sarengungan manabi báda belássépon djoean-dhālem, dhi-
dhālem terro njo'ona séwána masakaléan.”

Towan sé kadóewá sareng mēreng atorra WIRJO bhoeroe, pas
padá aghellá kak-ngalakak. Ta' abit Towan bessar atanja polé:
„Saeddjhegghá sēngko' ghi' ta' tao ngédingan pardjhāndjhian
mara djaréja. Apa bá'na ta' tao, djhá' pabbrik rangrang namén-
nan tebbhoe terros dālem tello taon é séttong sabá, laén djhákhá
mon sabá djaréja talébat langhoena?”

WIRJO: „Sabá dhi-dhālem, Towan bessar, saklangkong lan-
djhoéépon sarengungan kennengunganna semma' ka aēng.”

Towan bessar: „Ijá, sēngko' partjadjá ka otja'na djaréja. Nan-
gēng apa sabábbhá, bá'na ma' pas mēnta séwána sabána
sakaléng adá', bab djaréja édinna' ghi' ta' tao kadjhālanan.”

WIRJO pas adhoengēng dári kabitdhan kantos da' bekkassanné-
pon bab tjompo'na sé katonon, sareng kaparloanna obāng séwána
sabána éngghanéka.

Towan bessar: „Ó, mon bárijá'a bá'na laku oréng djhoedjhoer
ongghoe. Ijá mara sēngko' atolonga. Nangēng mon dālem on-
sataonna dhibi'na mēnta 220 ropéja, sēngko' ta' bangal. Tang
kabāngalan sabbhán taonna tjona 200 ropéja, dháddhi dālem
tello taon 600 ropéja, nangēng kodhoe ngangghoej pardjhāndjhian
kéja. Sarréna dhibi'na ghi' kowat, saabiddhá sabána épaséwá,
dhibi'na mosté ngoli ka pabbrik. Rassa sēngko' dālem ré-sarréna
dhibi'na tanto ollé opa mon sabáloeng tji otabá sadjhāmpel
bhái.”

WIRJO pas ngotja' „ëngghi" bisaos, sarrëna abä'na onëng, sanarë mënta'a tambä polë, sareng Towan bessar ampon tanto ta' kera ëberri'.

Sareng ampon dhaddhi, towan sëttonnga pas ambhadhi sorat pardjhändjhiän (kontrak) bäb parsëwä'an sabä ëngghänëka. WIRJO onëng nolës në'sakonë', mëlana sareng kontrak ampon marë, pas ëtëken. Saamponna, pas narëma obäng sëwäna sabäna, bännja'-ëpon 600 ropëja. Sareng ampon salëssë sadhdjä, pas palëman. Kabidhän WIRJO aromasa soghi ghädhoeän obäng sapanëka bännja'-na, djhögghä sareng ëmot, djhä' pëssëna ëngghänëka bhädhi tadä'ä dälem sabätara eddhäm agghi', abä'na pas sossa; sareng-ngan sabäna dälem tello taon abittëpon këngëng kotja' ta' noro' ghädhoeän.

Toro' djhālän WIRJO ngennes mëkkërë kabädä'ännëpon bhädhanna, së pas kadhi ghäpanëka; lantaranna namong däri ambhäkta kerrëssa akolemman ka dhisa laën. Dhingën sabelloenna mangghi kabhälai, abä'na ë Bängkal kabiläng orëng soghi, serrëng atatolong ka sasamana, mëlana ëadjhinë orëng bännja'; samangkën pas tabhalik sakalëng adä', ta' andi' pa-ponapa tor pas ngoli ka pabbrik; manabi ontong tjokop ëteddhä saana'-binëna sareng abä'na dälam rë-saarëna; mangka abä'na ghi' terro malessa dhädhä dä' tjä-kantjana, së ampon atatolong dä' abä'na kalana mangghi kakalëran. Bhärang dhädhingghälän däri orëng towaëpon ampon tadä' sadhdjä, kadjhäbhäna kerrës posakana. Engghi ontongnga abä'na ghi' ghädhoeän djikar sëtton sareng kerbhoej sapasang, së bhädhi nolongana njarë ëngonna dhibi' sareng ana'-binëna. Dhinëng parkara kerrëssa ghi' ta' ëpangghi pangaro bhoentenna, saamponna mangghi kabhälai.

Manabi së ghädhoeän ampon koko kapartjadjä'ännëpon ka kerrëssa, djhä' onëng nolak bala', tandhäna: sareng ëpakalowar däri kampongnga sakeddhjä' bisaos, tjompö'na dhibi' sareng tjompö'na tatangghäna pas ladjhoe katonon. Bäb panëka së mabhegghär atëna WIRJO. Pëkkërä: manabi obängnga ëngghänëka ampon marë ëdjärbädjarraghi ka tjä-kantjana, pas ngonëana ana'-binëna, saamponna ladjhoe ngabidhänä ngoli dä' pabbrik, kantos tello taon abittëpon.

Sarrëna abä'na kabit däri ghi' lagghoe mola ta' ëëlbhhoenë pa-ponapa, mëlana pas arassa lapar; ladjhoe todjoe' ë bäroeng ëseddhi'-ëpon pabbrik, neddhä. WIRJO së neddhä abäk bännja', amarghä ampon marë sossa, djhoegghä manabi ëbhändhing sareng dhingënnëpon, sabelloenna mangghi kakalëran, tangë katangarannëpon pëkkerra sareng njamanna paneddhäna. Däri olattëpon bisaos nalkennalanna ampon onëng, djhä' WIRJO ghi' bhoeroe marë kasossa'an.

Saamponna marë madjäri kabellina teddhäna pas palëman; nattolla ka Bängkal ampon bädjä pokol empa' lem-malem. WIRJO pas terros ëntar angghäntë'ë së-pëssëna tjä-kantjana së ëkello'

apoj, mala kantos sè aroba bharang ghaliän ètempoè saarghana djhoeghan. Tja-kantjana sadhädjä padä tatjengnga', nëngalè Wirjo sè pas ghädhoeän obäng sapanëka bännja'ëpon. Bab panëka anjata' aghi, djhä' Wirjo dhäsar djhoedjhoer atëëpon, sabab saopama ta' angghantëana, sè ghädhoeän ta' këra apa-panapa. Sarenggan polè pëssè sèwana sabäna ghäpanëka djhä' èangghoejä dhibi', sarrëna abä'na mangkën ghi' ghädhoeän bännja' kaparloan, ghoe ta' lan-kong saè. Djhoeghä ta' poron, sabab nempoè pëssëna orëng èngghänëka sareng Wirjo èangghiep wadjib. Rëng-orëng sè ghädhoeän obäng ampon narëma parkara èlangnga obängnga èngghänëka, sabab akadhi Wirjo, èkotja'a nengnet matjalaka'a tja-kantjana, panëka ta' ollè dhädhi. Mëlana sè ghädhoeän obäng karebbha ta' nampanana bälina obängnga, djhoeghä kareppëpon Wirjo ta' këngëng pëllang. obäng masë ètarëma; tja'ëpon, manabi ghi' ta' ollëa mabäli pëssëna tja-kantjana sè tanoro' èkello' apoj, abä'na ghi' ta' marem. mëlana bekkasanna sè padä ghädhoeän obäng ghellem djhoeghan nampanë bälina obängnga, nangëng mabi pardjhandjhiän sapanëka; manabi Wirjo mangghi kasossa'an pa-ponapa, tja-kantjana atatolonga soro djhä' tolak.

Rëng-orëng panëka tadä' sè onënga ka djhalanna Wirjo sè pas ollè pëssè 600 ropëja, sarrëna abä'na ta' tja'-ngotja' ka tja-kantjana, djhä' èngghänëka ollëna masëwä sabäna; sabab tja'na pëkkërä, manabi tja-kantjana onëng, djhä' pëssè sè bhadli ghantë ghella' ollëna masëwä sabäna, ampon tanto padä ta' poron nampanë. Parkara panëka sè onëng namong SALE, djhoeghä ètjo-pattjo, sopadjä ta' alä'-bälä'a ka ra'pasëra'a, sabelloennëpon pëssëna marë èdhoe'oem dä' tja-kantjana.

Mëlana kalagghoeännëpon SALE pas akan dhä dä' rëng-orëng sè padä ghädhoeän pëssè, manabi Wirjo sè ollè pëssè 600 ropëja èngghänëka, margha masëwä sabäna ka pabbrik Soeko-Widi abittëpon tello taon. Tja-kantjana sareng mërëng báb èngghänëka sadjänë atambä nëserra ka Wirjo, sabab dä-padä orëng Bangkal abä'na dhiingën sè ghi-soghian tor èormadhi orëng, mangka samangkën pas ngoli ka pabbrik. Tja-kantjana ampon rodjoe', sè mabaliä obang èngghänëka, sopadjä këngënga angghoej Wirjo dhibi', djhoeghä Wirjo matëfteng ta' poron nampanë, otja'na sapanëka: „Ella, dhina, tja-kantja, parkara pëssè djrëja la tegghoe' bhäi, sabab sapa tao, pola paghi' dhibi'na mē' nemino alangan apa bhä'apa, ma' ta' posang rë-sarëan polë; ella, la tjëlëngë bhäi!”

Kalagghoeännëpon ghi' beng-rëbeng Wirjo ampon mangkat dä' Ghäläghä, ngonëana sè binë' sareng na'ana'na. Sarrëna djikar sareng kerbhoëjädä bädä è tjompo'ëpon èparra, abä'na adjarät bisaos. Pramëla mangkat èpapettengngë, sopadjä nattola ka' kassa semmo lagghoe. Toro' djhalän Wirjo njarë akal, kadhi panapa sè abälä'a dä' sè binë', báb sabäna sè èpasëwä kantos tello taon, sopadjä sè binë' ta' takerdjähädä.

Pokol sanga' ampon nattol da' Ghalagha. Aba'na senneng nengalè ana'-binèna epangghi baras salamet tor ropapen ampon èlang sossana.

Sareng ampon padja apolong sadhadjä, Isla pas ngotja' ka trètanna: „Endjä, insja Alla bhärangna bā'na sè èkello' apoj lekkas bādä ghāntēna. Pōe apa, bengko la andi'. sabā bādä bān polè ghi' andi' djikar sō kerbhoej. Dhinēng parkara padjā bā'na ta' oša sa-sossa, sēngko' sē aberri'ā. Paghi' bilā padjina la dhādhi bān bānna' ollēna apaanjē, sabāgiān pas djihoewal rēlērē, ollē padjoe larang. Padjoena djarēja ghoe ta' pas kennēng kabelli kas-pakakas? Laēn dari djarēja kaka' ta' jja ghi' namenna bhako? Rassa sēngko' ngala'aghi ka ollēna kroso' bhāi, rāng-bhārāngna djarēja masē la abāliā.”

Binèna Wirio senneng mērengngaghi otja'na trètanna, mēlana sadjanē addhireng sē palēmāna, sabāb agher nolongana sē lakē alalakon. Djihoeghā kabhoenga'annēpon ēngghānēka pas èlang sakalēng adā', sareng Wirio atotoran, djiha' sabāna ampon èsēwā'aghi ka pabbrik dālem tello taon, sarengngan sēwana ampon tadja', marē èdjār-bādjarāgghi ka tja-kantjana, mēnangka ghāntēna pēssēna sē epatoro' ka abā'na. Wirio pas ngotja' ka sē binē: „Pon dhina na, sanaddjhan sabā epasēwa ka pabbrik, ta' dhādhi napē, anggher boelā ollē angghāntēlē pēssēna tja-kantjana bhāi atē pon senneng.”

Saēstona sē binē' ghi' ta' onēng, manabi pēssēna tja-kantjana tanoro' èkello' apoj, mēlana sareng mēreng kabar bāb ghapanēka abā'na sanget tapadjadja'ēpon. Djoeghā sanarē sabāna ampon epasēwā ka pabbrik sareng lakēna, abā'na sabbhār bisaos.

Dhinēng pamangghina Isla, Wirio èangghēp tadjihoedjihoer dhingēn, sabāb sanaddjhan abā'na ta' angghāntēana pēssēna tja-kantjana sē èlang, ampon tanto sē andi' ta' kēra mēnta balina, krana èlangna ta' klabān ēma'a: sarengngan polē sanarē nempōana sakalē, lerressa ètjētjēl ghan sakonē', sabāb pasēra onēng èbingkēng arē abā'na polā ma' parō ngangghoej èlang.

Wirio ngotja' ka ēparra: „Djha' sakēnga boelā ta' mabāli pēssē ghanēko, engghi ta' apē-napē, napē polē madjar njētjēl sē ta' ollēa. Nangēng, boelā pas ta' njaman neng-enneng mōn ta' dhālā'ā angghāntēlē. Mōn sanontō boelā pon senneng, sabāb pon ta' andi' baberrā' ka orēng; dhigghāl maskē sabā boelā epasēwā kabbihi ka pabbrik, ta' èkanapē; parkara sē èkaēngona boelā ngoliā bhāi. Namong nēko' panjō'on boelā mandhār ēpa-rēngana slamet, kowadhā alalakon, mē' ollē lekkas bādä ghāntēna rāng-bhārāng sē empon katonon.”

Sē binē' sareng mēreng otja'na lakēna sapanēka pēndjha' ollē radjā atē, ladjhoē ngotja' ka trètanna: „Ghi' Wirio rēja' haal parkara èlangna bhārāngna, sēngko' polē. Sarrēna satēja la narē', sedjdheng djha' mangkadhā mē' ollē èr-mabhen-er èdjissa.”

Saamponna marè neddha' tor kerbhoeijá ampon marè ékæ', WIRJO saana'-binéna pas paléman. Sabelloennépon mangkat WIRJO ta' loppa ngotja': tje' perragghá ka éparra laki'-biné' atas kasa'-annépon, sè ampon soddhi ngampé trètanna sareng kanponakanna.

VII.

Kampong Bångkal mangghi katjalaka'an polè.

Katjatora WIRJO saana'-binéna sè paléman, bádjá rop-sorop arè ampon nattel da' Bångkal. Sè biné' éngghäl toron dári djikarra, amarghá tje' agherrá sè terro nëngalana tjompo'épon sè anjar. Tjompo' éngghänéka sa', djhoeghá manabi ètèmbhäng sareng sè dhingén, tangé sè njapo'a. Pakakassa ghi' tadá', sarengngan ghi' ta' ékorap bhálaka. Edálem romana namong bádjá lèntjagghá dádoewa' sareng mädjana sèttong. Dhinéng kas-pakakassa sè dhingén, akadhiá: pettè kadjoe, kennengngannépon njèmpen obáng sareng bhäräng ghaliin, rëng-përéng kembhängan, kèrtjangkèrra sareng si-bási, sadhádjá ampon padá tadá' ékello' apoj. Sè biné' pas todjoe' é lèntjagghá. Sareng nëngalé tjompo'épon sè kèngèng kotja' tadá' èsséna sama sakalè, pas arassa tje' mellassa, ladjhoe njaptjap aëng têngal. Dhingén é romana bádjá lampoe ghántongnga sè tóra', samangkén aghántéan dbámar tjonglèt. Na'-ana'na éngghi sossa djhoeghá nëngalé tjompo'na pas bännéan bän sè dhingén. Na'-kana' éngghänéka ta' ngarté apanapa räng-bhärängnga ma' pas aghántéan sadhádjá. Randjäng kadjoea, katèdoengannépon na'-kana' ghellá', samangkén aghántéan lèntjak dádoewa', sè namong alaina' tóker salambär sareng abhántal sèttong ébäng, mangka dhingénna toman tèdoeng é kasor. Bádjá ana'na kasorang atanja ka emboe'na: „Emboe', arapa bengko rëja ma' pas bännéan bän ghi' bilán?”

Emboe'na sè ghi' beng-rembeng aëng têngal, njambhit:

„O, tjong. bengkona sè bilán, sè bhäghoes arowa bän kas-pakakassa kabbbhi la tadá', ékello' apoj, sèngko' so emma'na satéja talébát malaraddha.”

Na'-ana'na WIRJO tadá' sè ngartéa, panapa sè ékotja' „malaraf”, sabáb rëng-oréng é kampong Bångkal molaé dhingén mola tadá' sè malaradhá, sadhádjá padá kop-tjokop. Saamponna marè adon-djandon, na'-kana' éngghänéka pas padá tèdoeng é lèntjagghá ékelloné emboe'na: dhinéng WIRJO ghi' neddha' kerbhoeijá é kanjhängnga. Sareng ampon marè, pas lebbhoe ka romana. Sa-

maré sè biné' ampon lèng-ngalèng sè nangès, tako' mè' èpangghi sè laké', djhoeghà WIRJO onèng, djhà' binèna sossa, nangèng neng-enneng bisaos. Sareng sè biné' nèngalé lakèna lebbhoe ka roma, pas djhaghà sarta ladjhoe ngala' sobbhhoeghan dāri tarak-taggha, bhādhi atana'a, djhoeghà sareng sè laké' ta' èbāghi, otja'na: „Empon dhigghāl djhā' atana', boelā so dhika sanonto èsoro ngakan è bengkona SALE. Naddhā djhā' kō'assa'a, mè' ollé sambī ngēlangngaghi sossa!”

Saamponna na'ana'na ampon padā njēddhā sadhādja, WIRJO sareng binèna pas èntar ka tjompo'na SALE. Sanattolla ampon mangghi teddhā'an maré èsadjhi, mēlana pas terros padā neddhā apolong. Sareng ampon maré, sè biné' ladjhoe ngrèngkessè rēng-perèngnga, dhinèng sè laké' ghi' asa-gessa sambī kō'roko'an. SALE pas ngotja' ka WIRJO: „Sèngko' la atotoran dā' rēng-orèng sè la padā narèna bālina pèssèna, djhā' pèssè sè èbādjarraghi djārèja, ollèna bā'na sè njēwā'aghi sabāna ka pabbrik. Tja-kantja kabbhi padā nēser ka bā'na bhāreng ngēding bab djārèja. Sanja-tana tja-kantja djārèja kabbhi sēttonga tadā' sè andi'a èngeddhān, mēnta'a bālina pèssèna dāri bā'na, sabāb la padā tao, djhā' bā'na njandhāng kasossa'an kēja. Bā'na djārèja tadjhoedjhoer dhāiloe, Jo, sampé' èlakonè ngoli dhāghā tello taon”.

WIRJO njambhit: „Ella, ra, la djhā' ngā-ngēnga'è parkara djārèja polé; noro' ghoelina tang atè sèngko' ta' ngennèng sè ta' bārija'a. Tebbāssa satēja sèngko' senneng, tjoma karé ngantos apa sè tebbā'a dā' sèngko' èboedi aré. Nangèng sèngko' partja-dja dā' basējaddhā mama', anggher ghi' bādā tang kerrès bhāi, sèngko' ta' kènè' atè. Emboe'na, dhābek djhā' mōlca, pon malem! Ella, Lè, jā, sèngko' mōlca, la malem; kaso'en dāri sèngko' sè èri-berri'l.”

SALE: „Ijā, sèngko' bārija kēja. Pola bā'na la-kala mè' parlo pa-apa, la djhā' ghoeng-tangghoeng dhoeli asoroan kanna', sapa tao pola sèngko' kabhenderrān ngennèng atatolong.”

WIRJO: „Endja', sèngko' la ta' sèkkō polé, djhā' mēnta'a tolong pa-apa ka bā'na, sabāb bā'na, bārinna' kēja tja-kantja laènna la engangghèp rēng sorang.”

Saamponna maré apamēdhan, WIRJO sareng binèna ladjhoe palēman; sanattolla pas terros tēdoeng.

Kalagghoēannēpon ghi' petteng WIRJO saana'-binèna ampon padā ngēding sadhādja. Abā'na pas terros ka kandhāngnga, neddhāi kerbhoejjā, dhinèng sè biné' ngodi'i apoj, atana'a ghā-seggghāna lakèna sareng na'ana'na. Ra-kēra pokol ennem, WIRJO sareng ana'-binèna ampon padā asarabhān. Sanarè WIRJO ghi' ta' arassa lapar, djhoeghā sè neddhā èpabādānè, sabāb bhādhi alalakona è sabā kantos bheddhoeok. Saamponna maré asarabhān, WIRJO pas adjhālān ka sabā, sè ampon ètodhoeaghi mandoeer pabbrik, sambī nonton kerbhoejjā bhādhi anangghā'a. Ra-kēra

pokol sapolo bādā towan sinder kasorang dāteng, mariksa pangghābājānnēpon Wirjo. Towan panēka saklangkong senneng, nēngalē saēna klakoannēpon Wirjo sarta pas ēalem, mēlana abā'na sē apangghābāj sadjān bhādjheng. Bādjā bheddhoek binēna ngērēm nasē' ka sabā asareng ana' lakē'na sē wa'towa'an, ra-kēra omor sapolo taon. Mēlana kana' ghāpanēka ēbhakta, sopadjā laēn arēna, emboe'na ta' mambhoeā ngērēm dhibi', tjokop ana'na bisaos. Prappa'na neddhā, Wirjo atotoran dā' sē binē', manabi ēalem sareng towan sinder amarghā saēna kalakoannēpon, sarengngan abā'na kēngēng laot pokol empa', dhāddhi ghi' ollē alalakon ē tjompo'na sakeddjihā'.

Sareng Wirjo marē neddhā, sē binē' sareng ana'na pas palēman, sabāb tako' sē andhingghālā ana'na sē laēn bit-abit, sanarē ampon marē ēpatoro' dā' tatangghāna. Pokol satengnga empa' kalakoannēpon Wirjo ampon marē sarta ladjhoe palēman. Sanattolla ka tjompo'na, sabelloenna alalakon laēna, abā'na ghi' ngrabdhi kerbhoejjā dHINGEN, sabāb kēbān ghāpanēka sē alalakon ē sabā satengnga matē, mēlana kodhoe ērabdhi bi' saē. Saamponna marē neddhāi sareng ngēnomē kerbhoejjā, bhoeroe Wirjo pas alalakon laēnnēpon, akadhiā: andhāndhānē kas-pakkas tanēna sē ampon rosak, angghāngsē arēna ana'na sareng salaēnna. Bādjā rop-sorop arē bhoeroe amboe sē njambhoet ghābāj. Saamponna marē neddhā, Wirjo pas tēdoeng; sakēng lessōēpon sē apangghābāj saarē bhentēng ambhā' patē patēdoengnga kadhi sē ēbhāntēngngaghi. Sapanēka kalakoannēpon Wirjo ē rē-saarēna. Djhoeghā sanarē abā'na sē alalakon abhāntēng abā', ropāēpon bheggār bisaos, sabāb opana tjokop ēteddhā sareng ana'-binēna dālem rē-saarēna. Sapanēka djhoeghā der-sinder pabbrik saklangkong senneng nēngalē kabhādjhengngan sareng kasāēannēpon kalakoanna Wirjo, mēlana serrēng ngalem, andhāddhiāghi radjāna atēna Wirjo.

Sabbhān arē saplēmānnēpon Wirjo dāri kalakoanna bādjā pokol empa', sanattolla ka tjompo'na ladjhoe gher-mogher kadjoe, ēbā'-sēbā', ēkabhdhi kadjoe tono. Djhoeghā kennengngannēpon ka'-bhoengka'an sē ēpogher ēngghānēka ladjhoe ētamennē beltana wā'-boewā'an, sopadjā sapaghi'na kēngēng kala' asēlla; ta' antara abit ē pamengkangnga ampon bānnja' beltana wā'-boewā'anna sē ē-saē. Kadjhābhā dāri ēngghānēka Wirjo ambhādhī bhoen-kebbhoenan nē'-kēnē', ētamennē ngan-ghānganan, sareng ghāl-tongghālēpon. Sareng pakarangannēpon ampon ranta, pas molaē ambhādhī pakakassēpon tjompo'na, akadhiā: korsē sareng mēljā dāri eppak, djhāngka' dāri perrēng sareng erra'; saamponna pas ngorap tabingnga tjompo'na.

Katjatora bā-sabāna pabbrik sē bhādhī ētamennana tebbhoe ampon ranta sadhādjā, mēlana rēng-orēng lakē'-binē' pas molaē namen bibit ēghika'ijā. Ta' antara abit bit-bibit ēngghānēka ampon

paña tombõe sadhadja sarengngan paña loek-dhoeboek. Sareng towan sinder ngoladhi tombœnâ blit blibhit è sabâ gharabhanna Wirjo saklangkong saèna, pas ngotja' djhâ' da-paña kebbhoen tebbhoe è bhâba pabbrik Soeko-Widi, kebbhoen gharabhanna Wirjo ongghanêka sè palêng saè.

Sareng ampon osom nebbang, Wirjo pas ngangko' tebbhoe ka pabbrik, sè djhâœna rakêra pardjhalanan saeddjham. Ontongnga abâ'na ghadhoean djikar sareng kerbhoelj, sè kênggeng êka-sareng njarè kasappèpon. Lernes kerbhoelja ongghanêka kabilang kawat, djhoegha djikarra ta' èboewa' tebbhoe kantos sarat, sabab sè ghâdhoean aromasa nèser da' boe-obocannèpon: doe manabi èbhândhing sareng boewadhannèpon kar-djikar laèna, djikarra Wirjo sè nja' bânja'an boewadhannèpon. Sarrèna Wirjo ghi' bhoeroe sakalœan mangkên sè mowa' tebbhoe ka pabbrik, melana sanget ghetton sareng mèreng, djhâ' djikarra, kerbhoelja, boewadhanna, la-mala kantos ka rêng-orèngnga sakalè, bhâdhi ètembhanga. Ta' abit kantjana ngotja' sapanêka ka Wirjo: „La mara, ba'na maso' kaadâ', nangeng djhâ' pas terros, amboe eartas ghâlâdhak arowa ghâlloe!”

Wirjo ladjhoe materros djikarra, manghék è ghâlâdhak. Samangkên abâ'na onèng, djhâ' ghâlâdhak bhoeroe bannè ghâlâdhak bigasa, djhoegha saèstona tèm bhangan. Namong saparngèdhep abittèpon djikarra sareng saèssèna sadhadja ampon marè sè ètembhâng. Sambi matoron boewadhanna Wirjo apèkkèr sapanêka: „Bâramma sè ètemmoa djhâ' bârampa berrâddhâ tang boewadhân arêja? Parlona djikar saèssèna kabbihi sè ètembhâng, ta' ija terro taoa bârampa berrâddhâ tebbhoena? Mon barija bhâi masa ètemmoa, sabab berrâ'na kerbhoelj sè djikar rēja sèttong bân sèttongnga la tanto ta' paña.”

Saamponna marè ambhoengkar djikarra, Wirjo ladjhoe abâli, èngghi lêbat è ghâlâdhak sè ghellâ' polè. Sareng, nêngalè djikarra ètembhâng, Wirjo pas apèkkèr sapanêka: „O, ija, mon barija la tanto bhâi sè ètemmo berrâddhâ tebbhoena.”

Sarrèna Wirjo nètènè ghoe-ongghoe bab tèm bhangan ghellâ', melana pas ngartè, manabi berrâddhâ djikar sareng boewadhanna êka'a' (ètjengklong) berrâddhâ djikarra sè kotong, karè berrâddhâ boewadhanna malolo, èngghi panêka tebbhoena.

Sareng djikarra ampon marè ètembhâng, Wirjo pas adjhalan terros. Toro' djhalan pèkkèra sapanêka: „Bhâghoes ongghoe pakakas arowa. Melana towan sè andjâgâ tèm bhangan ghellâ' pas tao bhâi, djhâ' berrâddhâ tang boewadhân 20 pèkol, dhaddhi tjetjok moso tang pangèra: mon barija sèngko' ta' ètjo-kotjo.”

Sapanêka pangghabâjannèpon Wirjo, salandjhangnga arè mowa' tebbhoe ka pabbrik, melana lakona kerbhoelja sanget malarattèpon. Bâda djhoegha kebbhoen tebbhoe sè nambhan ka pabbrik tor djhalanna lêbat è djhalan dhisa sè rosak, njangsara manabi

èlèbādhi djikar; kerbhoej manabi lèbāt èghika'ijā, sè narèk djikar tjen-prettjennan, sabāb sapèsan dāri herrā'èpon boewādhiān, doe kalèna amarghā rođāna djikarra assrèng tatjellet ka tjellot, kantos kettjem ghān to'ot. Dhjoeghā sadhādjiāna kerbhoej bhoenten ta' èpanaròk ros-terrosan bisaos, bādā kalana dhjoeghā èpaamboe, èngghi panèka manabi nglerressè ngantos kar-djikar sè laèn, sè ghi' ètèmbhāng; sabāb bānnja'na sadhādjiā korang langkong sèket djikar. Sabādāna djikar ghellā' pas boe-amboe èadā'èpon pabbrik. Ghādhoëāna WIRJO èngghi sapanèka dhjoeghān. WIRJO ta' loppa sè neđdhiā kerbhoejijā tor sambi èènomè, sarengngan polè saandhina ètèngghā'i lala' ladjhoe èngala'aghi rantja' sè bādā dāoenna, èkabhādhi ghā-agghā. Dā-padā padjikaran sè mowa' tebbhoe, WIRJO sè tèn-paratènan ka boe-oboeānnèpon; èngghi dhjoeghā parkara panèka ta' angghettonnaghi, sarèna WIRJO apangrasa djiā' boe-oboeāna èngghānèka sè atato long abā'na njarè kasap sè ètèdđhā sareng ana-binèna. Djiā' sakèna abā'na ta' ghādhoëāna kerbhoej, ampon tanto kaclangan kasappèpon; mèlana abā'na saklangkong kaprotangan dā' boe-oboeāna èngghānèka. Rangrang WIRJO mòkolan kerbhoejijā, panapa polè kerbhoejijā dhibi' èngghi ampon toro' otja'. Anèna kerbhoejijā ghāpanèka, dhi-kadhiā sè ngartè dā' kareppèpon lorana. Engghān mèrèng kasa'na lorana bisaos. kopèngnga pas tek-kotegghān; dhinèng manabi lorana aberri' tandhā sakonè' bisaos, opama noddjhoenè èpasangana pangonong, kerbhoejijā pas adhekkong, terros nondoe'.

È nalèka sèttong arè bākto boe-amboe, WIRJO asa-gessa sareng tja-kantjana èadā'na pabbrik. Ta' abit pas bādā kantjana kasorang atotoran, manabi è dhisa Tjlorèng patana semmo nambhan dāri ghika'ijā, bādā kerbhoej ètjapo' panjakè' „salèkarang” *); panjakè' ghāpanèka sanget bhābhādjiāna.

WIRJO semmo takerdjhāt mèrèng totorra kantjana bhoeroe, ladjhoe atanja sapanèka: „Apa èdinna' bādā kerbhoej dāri dhisa Tjlorèng?”

Kantjana njambhit: „Bānnja', arowa ta' djikar dāri dissa.”

WIRJO ngotja' polè: „Wa, djārèja lalodjā. Sènga' bi' tèn-ngatè bhāi bān djàgā, djiā' kangsè kerbhoejijā bā'na ngakan rebbhā rè-karèna kerbhoej djarowa. Bā'na taoa, panjakèt djārèja talèbāt nolarè. Ontong sèngko' andi' tambhāna, pètodhoena mama' ghi' odi'na; nangèng tambhā djarèja mon terro njokodhā. kerbhoej sè èkennèng panjakèt kodhoe ètambhāi ghi' sabhoeroenna. Saopama kerbhoejijā sèdā ètjapo' panjakèt djārèja, li-dhoeli bhāi èntar ka bengko. La' bārijāna mandhār èdjhāoeaghiā bhāi, ta' ijā?”

Saamponna marè adon-djandon parkara panjakèt, ladjhoe teppa' dā' ghilirānnèpon djikarra WIRJO sè ètèmbānga. Mèlana WIRJO

*) Dālem bhāsa Blāndhā ènjamaè: *mond- en klauwzeer*.

bi' djkarra pas adjhālān ka ghalādhak tēmbhāngan. Sareng djkarra ampon marè èbhoengkar pas abāli polè dā' kenneng-nangnēpon orèng nebbāng, ngangko'a tebbhoe.

Bijāsaēpon WIRJO manabi palēman pokol empa' lem-malem. Sanatolla ka tjompo'na, kerbhoejjā pas ērabādhi kadhi sabbhān-nēpon, saamponna bhoeroe njambhoet lalakon laēnna; pandā' maskè è po'-tjompo' tadā' neng-ennengnga.

Prappa'na WIRJO alalakon pas katamojan SALÈ asareng Tjēna kasorang anjama LI A SIE. Tjēna panēka dhāghāng soghi, tjompo'ēpon è kotṭa. Dhiנגēnnēpon WIRJO serrēng adjhoewālān bhākona ka Tjēna bhoeroe.

SALÈ ngotja' ka WIRJO: „Jo, Tjēna rōja mellè paḍi dā' rēng-orèng la'ḍinna' sarta ella dhāddhi arghā; tjoma satēja karè angko'anna ka kotṭa; sarrēna tja-kantja laēnna satēja ghi' paḍa' rēpot angghārāp sabāna, bā'na apa ta' kobher djhā' ngangko'-aghiā?”

LI A SIE ladjhoe njambhoengē sapanēka: „Sokkor dhika ghel-lem bhāi, embādjarā lebbi ḍāri pabrik.”

WIRJO pas mēkkèr: „Masè njaman, sabāb pabrik satēja ta' kakorangan djkar; dhāddhi mon ghoen sēngko' bhāi sè ta' ngangko' tebbhoe, ngara ta' kēra dhāddhi kaṭēṭēranna lako. Laèn ḍāri djārēja, sarrēna satēja bādā panjakēddhā ēbin, mon tang kerbhoej ēḍālem sapolo arè ta' ma'-semma' dā' kerbhoej laēnna, tanto ta' kobātèr ètolare panjakèt.”

Saamponna marè apēkkèr sapanēka, WIRJO pas njambhit: „Èngghi, ba, kaelā poron, djhoeghān manabi sampējan dhām-mang, kaelā ngabidhāna lagghoe' ghi' agghoe sakalè.”

LI A SIE sakalangkong bhoenga, amarghā sè mangghi orèng sè ngangko'a paḍina. Saamponna marè nodhoeaghi kennengnang-nēpon paḍina sè bhādhi èangko'a. LI A SIE pas palēman mompa' ḍokarra.

Sareng WIRJO ampon amboe sè akon-lakon, pas èntar aḍon-djandon ka tatangghāna, todjoe' kong-nēngkong è pēnghir djhālān. Dhinēng sè èkadjandon èngghi bāb panjakēddhā ēbin èngghārowa. Sareng ampon ra-kēra ollè satengnga eddhām abittēpon sè asa-gessa, sadhā palēmana, WIRJO pas ngotja' ka tja-kantjana: „Pola mi' kerbhoejjā sēḍā sakè', dhāddhiā sakè' apa, sēḍā la djhā' pasengka polè èntar ka sēngko'. Anggher ta' sampè' kasēp bhāi, insja Alla sēngko' tao nambhāi.”

Saamponna marè aberri' nasēhat sapanēka, WIRJO pas palēman. Na'-ana'na ampon ēpangghi tēḍoeng sadhādja, namong karè sè binè' ghi' tos-antosān ḍātengnga lakēna. Sareng WIRJO ampon ḍāteng, ladjhoe neḍḍhā lakè'-binè'.

Saamponna marè neḍḍhā, WIRJO ladjhoe abālā ka sè binè' bāb sè ngangko'a paḍina LI A SIE otja'na: „Boelā ngabidhi

lagghoena bhāngo' ta' alakoa ka pabbrik dhalloe, krana ghellā' lem-malem boelā ngēding berta, djhā' bādā kerbhoej ghering, dhāddhi mon kerbhoej boelā epakompol so kerbhoej ghānēko pon tanto sē ēallē'ē. Napē polē boelā pon adjhāndjhi ka bābā Li A SIE, bhākal ngangko'aghāi paḍina ka kotṭa sarta ombhāllā aradjān so dāri pabbrik."

Saamponna marē aḍon-djandon Wirjo sareng binēna ladjhoe paḍā tēdoeng. Kōra doe eddjām Wirjo sē tēdoeng, pas takerdjhāt, amarghā arassa mēreng kasa'na kerbhoejjā, ta' pegghā' sē njē-monjēan. Pangrasana dhi-kadhiā sē amēmpē, djhoeghā saamponna marē tjek-kotjegghān tēngalla, ladjhoe djhāghā sarengngan pas terrang, djhā' monjē ēngghānēka monjēna kerbhoejjā. Pekkēra sapanēka: „Monjēna apa bhā'nēngan arowa. Bāddhinna tang kerbhoej ēkennēnga panjakēt?" Ta' talangkē polē abā'na pas alontja' dāri katēdoengannēpon, terros kalowar, djhoejdjhoek dā' kandhāngnga kerbhoejjā. Sanattolla ka kandhāng. kerbhoejjā pas ēlos-ellos; kerbhoejjā atolē ka lorana, pas amonjē, monjēna dhi-kadhiā sē bādā ēkasakē'. Wirjo sanget kobātērra, atēna dēk-gūdegghān kantos ta' teppa' mandjheng, tako' kerbhoejjā mē' matē. E malem ghāpanēka kalerressan tjellep, Wirjo ngetter amarghā katjellebbhen. Sambī po'ngopo' kerbhoejjā, apēkkēr sapanēka: „Ngara tang kerbhoej la ētjapo' panjakēt salēkarang arowa. Nalēka apolong so kerbhoej sē bānnja' ghellā' ēadā'na pabbrik, ngara kerbhoej rēja ngennēng ngakan rebbhā rē-karēna pakanna kerbhoej sē la gherring. Djhā' rēja' rebbhāna ta' lowang bhār sakalē. Bāddhinna sēngko' la tjaka'a polē? Marēna bārāmma? Mon lakar kerbhoej arēja ēkennēng panjakēt, la tanto laēnna, ē kampong la'ḍinna' bhākal katolarana kabbi. Ngara katjalaka'an arēja katoro'anna tang okoman, sē ngēbā tang kerrēs akolemmān ka Ghālāghā arowa. O, Alla, mandhār ēngghālā ēlang kasossa'an bhādhān-kaelā, tor moghā ēngghālā aghāntē kabhoenga'an, Ghoestē! Sala tjompo' bhādhān-kaelā kantos saēssēna sadhādja ampon katonon, panēka' aboc-ēmboe kerbhoej ampon kēngēng panjakēt. Mandhār ēngghālā ēparēngē bārās ja Alla!"

Teppa'na modjhi sapanēka. Wirjo ngosap aēng tēngalla, sē ghāghhār ta' ēkarassa. Ta' abit sē binē' njosol ambhāktā dhāmar. Wirjo sareng njolōē djhilāna kerbhoejjā, njatā djhā' kerbhoejjā leres kēngēng panjakēt. Abā'na pas ngotja' ka sē binē': „Nadḍhā dhoeli ghābājaghi djhāmo. Napē, praghina pon bādā, tjoma karē andhellāna bhāi. Lambā' mama' segghoet andjhāmoē kerbhoejjā sē sakē' bi' djhāmo ghānēko, robāna djhoejdjhoe bhāi."

Sē binē' pas ngodi'i apoī, sē lakē' ngaratjēk djhāmo. Sareng ampon marē ladjhoe ēandhel ēbādḍhāi tjētē. Sarrēna apoīja radja, sakeddjhā' bisaos djhāmona ampon ngalkal, bāoena njaregghā' dhāddhi sadāpor; saamponna ladjhoe ēsēlēn ka pennaj, ēpatjellep. E malem ghāpanēka djhoeghā kerbhoejjā ladjhoe ētjontangē djhāmo

kantos tello kaié. Saamponna marè édjhamec, Wirjo pas ghoeck-magghoeck eseddhi'na, sambì kèr-pèkkèran, bhà' kadhi panapa kadhadhiannèpon, manabi kerbhoejja pas matè.

Samalem bhentèng Wirjo sareng sè binè' ta' njèddhà tètòeng, noghoei kerbhoejja è kandhàngna, sabab nèser sè édhhigghàlaghià. Kettègghà atèna sapanèka: „Mon tang kerbhoej matè, makamma sò sèngko' èkembhàngana sarta èobbhàràna mènjan. Nangèng endjā', mandhār èparèngana slamet landjhānga omor kanan. Sè ella kadjhālānan lambā' ghi' bādāna mama', anggher ta' kasèp bhāi, tambhā rēja tadā' bālina. Bān polè, mandhār kerrès rowa bhāi ambherkadhāna, taoa nolak kabhālāi arēja, bāramma sè ella kalakon.”

Saamponna marè kèr-pèkkèran sapanèka, ladjhoe njontàngè djhāmo kerbhoejja polè. Ta' antara abit dheng seddhengnganna arè ampon njomar, djhoeghan sarrèna kalerressan onlem, arèna ta' katèngal, alam ropè kadhi atèna Wirjo. Gha-tatangghana ampon ngèra, djhā' Wirjo tanto mangghi kasossā'an, amarghā sabbhānnèpon, manabi ngèding ghi' lagghoe, pas terros apangghābāj è tjompo'na. Mangka è baktò ghapanèka è tjompo'na saklangkong seppè, Wirjo èpangghi bādā è kandhàngna kerbhoejja sambì doe'nondoe', dhi-kadhiā sè sanget sossana. Pèk-kèrra tatangghāna sapanèka: „Arapa bhā'nèngan Wirjo arowa? Apa sakè' amarghā sè alalakon mlarat, ma' kongsè tatètòeng édissa? Koddhi édjhāghā'ana on-laonan: „Wirjo, Jo!” Wirjo ladjhoe andjhengngat terros njandher ka tatangghāna, sè djheng-mandjheng è paghārrā. Tatangghāna ngotja': „Tja' sèngko' sèdā mè' sakè', Jo.” Wirjo njambhit: „Endjā', nangèng tang kerbhoej satèja sakè'.”

Tatangghāna: „Apa, kerbhoejja sèdā, sakè'?”

Wirjo: „Ijā, bāri' lem-malem sèngko' ghoe ta' adon-djandon parkara panjakèddhā èbin sè allèan arowa. Lā, malemma mè' dhāddhi tang kerbhoej pas ètjapo' panjakèt djrēja. Ijā, dhoelat sèngko' dhoeli ngèding sarta pas dhoeli entambhāi. Satèja la bādā pèndhā'na.”

Ghā-tatangghāna sè padā mèrèng bāb èngghānèka, padā nèser dāka Wirjo. Saamponna marè adon-djandon, rèng-orèng bhoeroe ladjhoe adjhālān ka sabāna. Sabānnè, sè ghi' bhoeroe mèrèng kabhār, sabelloenna èntar ka sabāna, njandā Wirjo dhi'ngèn. È arè ghāpanèka ampon tanto Wirjo ta' ngennèng èntar alalakon. Djhā' alalakona dhibi' èngghi kèngèng, nangèng ta' tètghā sè andhingghā kerbhoejja.

È bādā lem-malem Li A Sie pas dāteng ka tjompo'na Wirjo. bhādhi nangrosa marghāna Wirjo sè ta' neptebbhi djhāndjhina. Dhinèng Wirjo sareng nèngalè Li A Sie dāteng, ladjhoe ngotja' ka sè binè', sopadjā atoghoe kerbhoejja è kandhàngna, sabab abā'na mangghānna tamojja. Ta' abit Wirjo pas maso' ka ampèrra, ampon

mangghi Li A SIE lang-nèlang kerrès sangkolanna, sè èpakaè' è tabingnga bengkona. Lie A SIE ladjhoe atanja ka WIRJO sambì semmo sedjhi: „Bärümma dhika ma' ghi' ta' ngangko' paði kèja?”

WIRJO njambhit sambì mandheng ka kerrèssa: „Djhá' dháddhi gháline saos, ba, mólana kaoelá mangkèn ta' ngangko' kaghoeinganna paði, sabáb kerbhoej kaoelá ampon molaè malemna gher-ring. Antos bisaos sabátara arè agghi', ba!”

Baba: „Ngantosa sabátara arè agghi'? Njaman ghánèko. Anapè dhika mè' ta' ngoboe kerbhoej doe pasang?”

WIRJO: „Kaoelá ta' kowat sè mellèa. Kaoelá ta' ghádhoeán obáng.”

Baba: „Ta' andi' pèssè? Anapè ma' ta' kerrèssa anèko bhái djhoewál? Doe ghábájá napè dhika ngoboe kerrès nèko, sapèsan bännè angghoejjá dhika, kapèng doewa'na kerrès nèko ta' pantès bájá èko'into, patoddhá ékaandi' orèng soghi. Pon naðdhá èbelliá boelá bhái, èbághia brampa?”

WIRJO: „Ba, kerrès panèka sangkolanna mama' kaoelá, kaoelá sama sakalè ta' ghádhoeán èngeddhán maondhoerá kerrès panèka. Sapèsan sangkolan, doe kalèna manabi kaoelá maondhoer kerrès panèka sasat matè'è abá' dhibi', ana'-binè sareng èssèna dhisa Bángkal sadhádjá.”

Li A SIE: „Djhá' boelá'a, bhángo'an èdjhoewálá bhái, sabáb kerrès nèko tjatjat, tanghána: kabidhán bengkona dhika katonon, sanonto nèko' kerbhoejjá ghering. Pon naðdhá bi' boelá ékala'a saratos ropèja, sakèng boelá pon karè lèboer.”

WIRJO: „Sanarè bájá'a nabar sèboe ropèja sakalè, sareng kaoelá ta' kèra èdjhoewál.”

Li A SIE: „Empon, na, djhá' da'into, marèna mon kerbhoejjá ghánèko matè, pas napè sè èkabelliá polè. Naðdhá bi' boelá ékala'a 150 ropèja; èbághi napè enten. Kèra boelá orèng laèn ta' kèra bájá bángal nabár saghanèko.”

WIRJO ladjhoe sedjhi amarghá sè èpaksa èsoro andjhoewál kerrèssa, sambiddhá: „Pandá', ba, sanarè kaoelá sareng ana'-binè kaoelá matèa salang lompò sakalè, kaoelá ta' kèra andjhoewál kerrès panèka.”

Li A SIE: „Mon, bärinto engghi empon, nangèng dhika sènga' mè' kasta kaboeði. Tja'na pangrasa boelá, boelá pon sedjheng larangnga sè nabár kerrèssa ghánèko, doe dhika ghi' matètteng ta' maghi bhái. Bán polè boelá èntar ko'anto nèko enten ta' parlo dá' kerrèssa ghánèko bhái, boelá agher paði sè dhoeliá napa' ka kotta; marèna bilá dhika sè mola'ana ngangko'?”

WIRJO: „Manabi kerbhoej kaoelá ampon saè sadhádjá.”

Li A SIE: „Marèna bilá ra-kèra kerbhoejjá sè bárasa?”

WIRJO: „Ta' onèng, ba; doe kèra kaoelá masè ta' abidhá polè. Nara sapanèka bisaos: samangkèn arè Sennèn, ta' èngghi?

Ampon, pa'bheliás aré agghi' saos kaoela mola'ana ngangko' kaghoenganna paði."

Li A SIE: „Napè, pa'bheliás aré agghi'? Marèna barumma, sabáb kapal sè mowa'a paði ghanèko pon karè samènggoe sè datengnga."

WIRJO: „Parkara ghapanèka kaoela ta' onèng. Pandjā', korang dāri pa'bheliás aré, kaoelā ta' kèngèng ngangko', sabáb kerbhoej kaoelā manabi ta' tjè' saèna ongghoe, bi' kaoelā ta' èpalakoa rā'-berrā'."

Sarrèna Li A SIE ra-kèra bhākal ta' mangghia djikar laèn polè kadjhābhā djikarra Wirjo, dhādhi parmènta'anna Wirjo pas ètorodhi. Saamponna marè apardjhāndhiān, Li A SIE pas palèman nompā' dokar. Toro' djhālān pèkkèra sapanèka: „Endjā'na Wirjo arowa mè' djā-partjadjā ghālloe', djhā' kerrèssa djārèja sè tao masalamet abā'na. Nangèng orèng Djhābā la sasat kabbi sè partjadjā ka kerrès, lebbi-lebbi mon kerrès djārèja sangkolan. Tja' sèngko' mè' èkennènga belli dā-moḍā. Marèna sanaddjhān sèboe ropèja tja'na ta' èdjhoewālā. Nangèng elloe' so sèngko' èkalana laèn, sabāb sèngko' tjè' terrona sè ngaandjā' kerrès djārèja."

Sareng Li A SIE ampon palèman, Wirjo ladjhoe abāli ka kandhāngnga polè, andjhāmoe kerbhoejja. Abā'na sareng nèngalè kerbhoejja poron neddhā nè'-sakonè', saklangkong pèragghā, kantos abā'na dhibi' noro' arassa lapar sakalè, sabāb kabit mèrèng kerbhoejja gherring. ta' èlebbhoenè pa-ponapa sakalè, mala aroko' saos èngghi bhoenten. Mèlana saamponna marè neddhā, ladjhoe aroko' bhoel-sebbhoelān. Bādjā lem-malem kerbhoejja ampon kèngèng njanaè saè, sè ghādhoeān lakè'-binè' sanget bhoengana sarengungan pas asokkor ka Ghoestè Alla. Ropaèpon djhāmo (tambhā) dhādhingghālān mama'na mandhi ongghoe.

Katjatora è bādjā malemma Wirjo njeddhā sè tēdoeng, djhoe ghā djā-ta' bādjā djhāghā, parlo andjhāmoe kerbhoejja. Kalagghoeānnèpon ghi' petteng Wirjo ampon ngèding, ladjhoe terros ka tegghāl, njarè oen-dāoenan sè èkabhadhiā ratjèghānnèpon djhāmōna kerbhoejja, sabāb tjadhānganna ampon tadā'; dhinèng sè noghoei kerbhoejja sè binè'.

Pokol sabellās Wirjo ampon dāteng. ollèna oen-dāoenan saghāroendjhoe. Sanattolla ka tjompo'na ladjhoe èdjhèmmor. Kerbhoejja ètèngalè ampon sadjān saè. Sareng tja-kantjana è bādjā lem-malem palèman dāri sabāna. sadhādja pas padā njepper ka tjompo'na Wirjo, terro onènga, kadhi panapa kabādā'annèpon kerbhoejja sè gherring. Sareng onèng, djhā' kerbhoejja ampon saè sadhādja, paplèmanna ladjhoe padā arasanān, djhā' tambhāna Wirjo èngghinèka sanget mandhina.

Ella' sabatara aré kerbhoejja ampon kèngèng èdthingghāl alalakon. Sanarè abā'na ta' bannja' ollèna opa, èngghi ta' apanapa, anggher kerbhoejja saos saè, sabāb opāna ghāpanèka tjokop ètèddhā saana'-binèna. È naèka sèttong aré bādja ghoe-lagghoe, kalana abā'na

alako ka kebbhoen tebbhoe, ladjhoe èolok kantjana kasorang: „WIRJO, Jo, kanna', ra, sakeddjhá', tang kerbhoej rèja' laghoena nè-bánnéan so kerbhoej laènna, bhá' arapa ongghoe?”

WIRJO takerdjhat, sabáb tja'na pékkerra, mon ètjapo' panjakèt, tanto sakèng kaalléan dári kerbhoejjá dhibi'. WIRJO pas èntar nèngalè kerbhoejjá kantjana bhoeroe, sarta atanja: „La kabit bilá sè kanta rèja?”

Kantjana njambhit: „La molaè ghi' kaðoemalemmanna rowa sè ta' endá' ngakan, tja' sèngko' mè' ta' apa-rapa.”

WIRJO: „Panjakèddhá kerbhoejjá arèja semmo sara; dhoelat pas dhoeli ètemmo. Dhálloe' antos sakeddjhá', sèngko' ghi' ngala'a tambhá.”

E arè ghapanéka WIRJO ta' tolos sè alako ka kebbhoen tebbhoe, sabáb sareng nèngalè dháng-kandháng laènna, njata djhá' bánnja' kerbhoej gherring. Mèlana ladjhoe asoro aghábáj tambhá sè abák báñan ka binèna, sabáb panjakèt èngghanéka asalla dári kerbhoejjá dhibi'. Kalagghoeännèpon bhoèj-kerbhoej è kampong Bångkal ampon sasat paðá gherring sadhádjá, kantos rèng-orèng sè gháðhoeán paðá kobàtèr. Manabi kerbhoej sè gherring ghápanéka pas paðá matè sadhádjá, ampon tanto sè gháðhoeán sossa radjá, amarghá èngghi ghápanéka kantjana alako è sabá, njarè kasap, èteddjhá sareng ana'-binèna. Lantaran ghápanéka WIRJO samangkèn saklangkong rèpot kantos ta' sempat alako dá' kebbhoen tebbhoe, mala djhándjhina dá' LI A SIE ènggharowa kantos sèsèp sakalè. Sè atalong ka tja-kantjana klabán ongghoe atè, ta' ngètong lessona bháðháña, sabáb abá'na jakèn, djhá' kerbhoejjá tja-kantjana sè gherring èngghánéka amarghá katolaran kerbhoejjá dhibi'. Rè-saarèna WIRJO sasat taðá' tjokhána sè andjhámoè kerbhoejjá tja-kantjana. Sanarè bánnja'èpon kerbhoej sè gherring langkong dári sabidhák, djhoeghá sèttong taðá' sè ta' mèloa tambhá. Bhoenten ta' sadhádjána kerbhoej sè ollè tambhá dári WIRJO pas paðá saè, sè matè djhoeghá baðá, èngghi panéka kerbhoejjá kantjana kaðoewá, amarghá kasèp ta' dhoeli ètambhá'aghi. Dhinèng sè ta' matè, dalem pa'bhellas arè bisaos ampon bánnja' ollèna. Kabit dári naléka ghápanéka tambhána WIRJO sadján atambá kalonta kamandhián-nèpon. Ampon tanto bisaos rèng-orèng sè paðá gháðhoeán kerbhoej sè ampon saè, sanget kaprotangannèpon dá' WIRJO.

Kaotja'a kerbhoej è dhisa laèn, sè paðá ètjapo' ghágherring, sè matè aloesénan. Sareng WIRJO ampon baðá lagghangnga sè ngaladhinè bhoèj-kerbhoejjá tja-kantjana sè gherring, bhoeroe molaè ngangko' paðina LI A SIE. Ta' antara abít paðina LI A SIE èngghánéka ampon marè èangko' sadhádjá. Suamponnèpon WIRJO ladjhoe ngabidhi alako ka pabbrik polè. Ébá sapanéka manabi LI A SIE mellè pa-ponapa è kampong Bångkal sè parlo èangko' sareng djikar, WIRJO djhoeghán sè mowa' ka kotja, sabáb LI A SIE

èngghänëka ampon alangghänan, sarengngan polè bängal madjär larang.

Katjatora è kampong Bängkal samangkèn ampon para' osom anjè polè. Djhoeghä è bækto ghäpanëka sasat tadä' mella'na arè. Sèjang arè malem odjhän bisaos, tadä' amboena, kantos bännja' paði sareng bhäko sè paði rosak, andhädghiaghì sossana sareng pakëboena rèng-orèng sè ghädhoeän. Sabäb: paðina èantossaghiä ka tadä'na odjhän tako' amé' bännja' sè rosak, èanjèa, paðina ghi' belloen konèng kontjo' kanan. Abä-tambä soksok è kangan katjërta bäsabäna, manabi kalerressan odjhän, aèngnga kantos ngampak, ngellebbhi paði sareng bhäko. Kabädä'än è nalëka èngghänëka bhidhä sanget, manabi ètëmbhäng sareng è taon sè tapongkor.

È nalëka sèttong arè bädjä ghoe-laggheo lèr-kèlëran orèng lakè', binè' sareng na'-kana' sambì djhoeng-kèdjhoengan, paði èntar ka sabä, anjèa. È bækto ghäpanëka odjhänna ta' kadhih terrang, kantos bhäko sareng paði paði ronloe sadhädjä. Mèlana rèng-orèng sè ghädhoeän sabä paði ngöra, djhä' ta' bännja'a ollèna apaanjè.

Sareng arè molaè tëra', ondem molaè sèrdang, di-paði è sabä saparo sè tërep; manabi tamennan bhäko robbhoe sadhädjä. Tja'èpon orèng wa-towana dhisa Bängkal saeddjegghä ghi' ta' onèng osom anjè kadhi è bækto ghäpanëka apessa. Mangkèn paði ollèna anjè djhä' engghän èdijhoewäl, tjokop èteddhä sataon bisaos ampon ontong. Panapa polè bhäko. Ontongnga rèng-orèng Bängkal bädä sè ghi' naro pèssè, èngghi panëka ollèna adijhoewäl paði ghi' nalëka taon sè tapongkor. Djhoeghä sè loemra, manabi ta' osom anjè, ta' ghädhoeän obäng. Parkara panëka ampon adhättèpon orèng Djhäbä sè kabännja'an. Saèstona orèng Bhoemè panëka ta' patè ghädhoeän èman sareng ta' patè prèmpen, ta' patè ghellem kèr-pèkkëran landjhäng. Dälem bab parkara panëka ampon dhi-kadhiä na'-kana' kènè'. È bæktona mangghi kaontongan sareng kasennengngan, pas ta' mèkkèr ka arè boedina. Sènga' manabi pas mangghi kasossa'an, pas posang sè rë-sarëan. Sapanëka djhoeghä babätègghä rèng-orèng è dhisa Bängkal sè kabännja'an.

WIRJO ngotja' ka binèna: „Bärämma, lè', mon empon mara nèko kabädä'anna? Dhoelat boelä dhoeli angghantè'è pèssèna tja-kantja ghärowa, djhä' anoa bärämma? Èbä sabarinto sè andi' pèssè karebbhä ta' endä'ä narëma bälina pèssèna, sabäb tja'na pangrasana abä'na empon soghi. Sanonto rèng-orèng ko' ijä kabbhi paði njandhäng sangsara, sabäb osom anjè sanonto langngè' so bhoemè mon èbhändhinga so sè pon-empon. Djhä' sakènga boelä sampè' sanonto ghi' ta' angghantè'è pèssèna tja-kantja ghärowa, sèra tao, pola sè andi' mè' pas ango'ngo'an sarta boelä pas èkotja' orèng djhoebä', sabäb sanonto paði nemmo kasossa'an

kabbhi. Èbä sabärinto boelä sanonto maskè ta' èpokol, djherrä'ä ongghoe ngèbä'än kerrès anèko, sanaddjān ko'amma'a; pandä' kerrès nèko èpadhādhiä patoghoena bengko bhäi, sabäb boelä ènga' ka bäsèjaddhä mama', bärinto: „Mon kerrès djärèja èsabä' è bengko bhäi, tjong, artèna ta' èkèbäi dā' ma-kamma, tanto beng-kona so dhisa dinnā' terros ka èssèna kabbhi bhäkal kaparèngana kaontongan bān kaslameddhān.” Rassa boelä kampong ko'ijä masè sampè'a doe taon sè kakorangan, nangèng perkara ghänèko dhika ta' osa sa-sossa, anggher rèng-orèng ko'ijä bhä-djheng alalakon tor prèmpen bhäi, kèra boelä masè ta' èka-rassa'a, nangèng mon tadä' tjatjoghān anjar dāteng polè. Dhika ta' engghi pon tao dhibi', napè marghāna boelä so dhika ma' sampè' mara nèko bādāna. Djhoeghā pon dhigghāl, naqdhā paḍā pasabbhār bhäi. Bhäli' dhika pabhānter panjo'onna ka Ghoestè Alla, malar mandhār kanèspa'an so kamlaradhāna boelä so dhika ḍālem tello taon nèko dhoeliä èparèngana ghāntè kamoldjā'än bān kasennengngan, sabäb dhika pon tao dhibi', djhā' Ghoestè Alla nèko ta' aotang parnjo'onanna omaddhä, nangèng bärintoa, lè', naqdhā sambi èchtèjarè apangghäbāj, sopadjä panjo'onna ghänèko èkabbhoelāna, djhā' pas neng-enneng bärinto bhäi.”

VIII.

Akal djhoebä'.

Kaotja'a WIRJO sè njarè èngonna ana'-binèna rè-saarè sasat ta' man-plèman è sabä. Rèng-orèng sè paḍā nèngalè, tanto ghādhoè-än atè nèser, sabäb abā'na dhiḡèn kabilāng soghi tor èormadhi orèng, samangkèn ladjhoe ngoli saarè bhentèng, sè alalakon ambhāntèng abā'.

Ghi' taon sè tapongkor, sarrèna tja-kantjana paḍā adjhoeloe paḍi nè'sakonè' èbāng, dhādhi WIRJO ollè long-molong pèssè, èngghi panèka karèna sè èteddhā ḍālem rè-saarèna, mèlana sè binè' ollè tè-ngotè pakakas tjompo', akadhiä: lampoe ghāntong, kasor pès-tèpès sareng èn-laènnèpon.

Djhoeghā è taon mangkèn sabāna ta' klowar hasèllèpon. Ar-ghāna paḍi sareng bherrās larang; bherrās sè djhoebä' kantos ennem otabā pètong ropèja sapèkolla. Tja-kantjana WIRJO è Bāngkal kantos dā' Ghālāghā tadä' sè kobāsa'a njombhāng bher-rās otabā paḍi ka WIRJO polè, krana paḍā kakorangan dhibi'; sè èteddhā'ä ḍālem sataon ghi' ta' tanto djhā' mangghi. Bālāndjhāna WIRJO è rè-saarèna sadjān atambā, mèlana mangkèn ta' kowat mellè angghoejjā ana'èpon sareng rāng-bhārāng kaparloan è tjom-

po'na bhlāka. Djhoegha bāb panēka sareng WIRJO lakè'-binè' ampon ta' ēkasossa sama sakalè, tjoma modjhi èbingkèng arè bisaos mandhār pangorèbhānnèpon èparèngana tjokop. Podjhina panēka èbingkèng èngghi kabbhoel, djhoeghā sabelloenna abā'na mangghi kaontongan sareng kasennengnan. ghi' èghāndjhār kasossa'an dthingen.

Ra-kēra ella' tello boelān dāri osom anjè, WIRJO sareng towan pabbrik èpalako è kebbhoen tebbhoe èseddhi'na eppos (ebbra') Katapan, lerres è ghir sèrèng. Kennengnan bhoeroe nambhāna dāri tjompo'na ra-kēra pardjhālānan saeddjhām, mèlana sabbhān lagghoe, manabi mangkadhā dā' klakoannèpon, WIRJO ambhākta sango nasè'. Kabidhān WIRJO sè anangghālā è kebbhoen tebbhoe ghellā' asareng orèng doe polo, sabab sabā èghika'ijā lèbārrā langkong 40 bhāoe. È rè-saarēna rèng-orèng sè anangghālā korang ghān kaḍoewā katello. WIRJO hēran, mèlana lajihoe atanja po-napa sabābbhā. Kantjana atotoran, djhā' rèng-orèng sè amboe anangghālā, amarghā sakè' panas tjellep. WIRJO sareng mèrèng otja'na kantjana, pas ngēra, djhā' kennengnan èghika'ijā tanto ta' saè hāwāèpon, mèlana pas gāt-egghādhen, sabāb kobātèr takò' amè' anglo djhoeghā. WIRJO sanget terrona sè ngallēa dāri ghika'ijā, sabāb kabit alako èghika'ijā manabi malem serrèng lo-njelloan tjètak.

È nalēka sèttong arè sapalēmanna dāri kalakoannèpon, WIRJO arassa ta' njaman abā'. Karebbhā abā'na ta' tja'-ngotja'a ka sè binè', djhoeghā binēna onèng, djhā' lakēna ta' dhāmmang, sabāb rangrang djandonna tor tēngalla abāk tjelkong. mangka ghi' ri-bāri'na ta' sapanēka.

Sè binè' semmo sossa, lajihoe atanja: „Dhika napè ta' dhāmmang, engghi, Jo?”

WIRJO takerdjhāt mèrèng patanjana binēna. amarghā abā'na terro ngalēnga; djhoeghā pas njambhit: „Engghi, tjètak boelā njello, ngara polana ghellā' alalakon è panassa. Nangèng enten ta' apè-napè; kēdi' èghibā tēdoeng bhāi, insja Allah èlang.”

WIRJO ampon ta' njaman èber sarengnan takò' sè njeddhinga aèng. È malem ghāpanēka abā'na ghi' bhāri' ampon mapan tēdoeng, mēmpēna ta' ro-karoan. Kalagghoènnèpon sadjhāghāna tēdoeng, abā'na ghi' arassa gheddhoer, djhoeghā èpaksa bisaos èntar anangghālā ka Katapan, sopprēna sopadjā porona kalowar pello sabāb tja'na pèkkèrra, manabi ampon mello, tanto pas dhāmmang.

Sanattolla dā' Katapan WIRJO mèrèng kabhār, djhā' kantjana kaḍoewā, sè anangghālā ghi' mēnggoe sè ampon, malemma matè, lantaran anglo panas tjellep. WIRJO lajihoe apèkkèr: „La bhender ongghoe totorra orèng, djhā' kennengnan dinnā' rèja ta' bettjè' hāwāna. Djhā' rèja', orèng rās-bārās ghi' ta' tahan alako èdinna', djhā' la sēngko' polè kowadhā. Nangèng dhina, arè tēja èdjā'-kadjā'ā bhāi. Lagghoe' sēngko' njo'ona ngallè ka kenneng-

ngan laèn bhāi. Eh, sèngko' mandhar ta' gherringa bhāi, marèna mon sèngko' matè, pas sapa sè njarèaghiā èngouna sang ana'-binè."

Pokol sapolo towan sinder dateng, marèksa pangghabājannèpon WIRJO. WIRJO ladjhoe èntar, sabāb bādā sè èatorraghiā. Towan sinder sareng nèngalè WIRJO, pas atanja: „Bādā apa, WIRJO?"

WIRJO ngotja': „Moghā ta' dhāddhiā dhoekana pandjhenneng-ngan, towan, manabi sareng pandjhennengngan èédhinè, molaè lagghoeèpon kaoelā ta' anangghalā'ā èka'into polè, sabāb kaoelā mangkèn saki' panas tjellep. Dhinèng manabi ghi' épaksa alako èka'dinto, ta' bhoenten polè panjakèt kaoelā sè atambā sanget; pasèra onèng, manabi andhāddhiāghi taladjāna, pas pasèra sè mèjara'a ana'-binè kaoelā, towan."

Towan sinder: „Bā'na noro' sakè' sakalè, Jo! sèngko' ta' ngèra sama sakalè, sabāb bhādhāna sedqheng barāssa. Mon bārijā Katapan rèja lakar ta' bettjè' ongghoe hāwana. Ghi' pa'bellās arè-anna sè alako èdinna' doe polo orèng, mangka sè bāras satèja tjoma karè kaennem. Mon dā'ijā tana rèja sakalè boedjina la ta' ètamennana polè."

Saamponna atodhoe kennengngan laèn ka WIRJO towan sinder pas ka kebbhoen laènnèpon. È arè ghāpanèka WIRJO sakalang-kong njello, tjètakkèpon akadhiā sè bhengka; kolè'na panas tor ta' poron kalowar pello. Sareng ampon pokol empa' lem-malem abā'na palèman ka tjompo'na. Toro' djhālān pèkkèrra sapanèka; „Dhoelat sèngko' la ta' osa abāli ka lèboenna panjakèt arowa polè. Mon kèdi' sèngko' njèddhā tèdoeng, tanto lagghoe' dhāmmang tor nge-nèng alako ka kebbhoen è paghoenongan. Edjissa hawana la tanto bhāi sè bhāghoes."

Djhoeghā èbādja' malem WIRJO ta' poron njèddhā tèdoeng, mèm-pèna ta' ro-karoan sarta ta' pegghā' njaramtjam. Sè binè' kantos takerdjhat, ladjhoe djhāghā atanja: „Apanè, Jo?" WIRJO pas noro' ngèdng.

Abā'na amèmpè, apangrasa nèngalè bhādja' saklangkong radjā-èpon, tjolo'na anganga, ngolteggā abā'na. Polè apangrasa nèngalè matjan sanget nako'è, njarp kerbhoejja, pas èghidhing ka alas romboe. Saamponna marè kèr-pèkkèran mèm-pèna, pas ngotja' ka sè binè': „Lè, boelā ghi' bhoeroe amèmpè talèbat nako'è: dhoelat dhika pas ghā'-djhāghā'an djhā' anoa boelā atambā sara. Sanonto tjoma karè tjètak ghi' tjè' njellona, rassana masè bhengka bān gherroengan kerrèng, sabāb talèbat ardjhāng. Mèngkèn, ngala'aghi aèng, boelā terro ngènom!"

Sè binè' pas djhāghā ngala' ghendhi. Sareng WIRJO ampon marè ngènom, sè binè' ladjhoe aghāghā tjètaggā lakèna sambi ngotja' sapanèka: „Adoe, mè' tjè' panassa kolè'na dhika, Jo. Marèna bāramma?"

WIRJO: „Engghi boelā lakar arassa tjè' panassa. Kastana boelā sè endā' èpalako è Katapan. Djhā' sakènga boelā ta'

anangghälä öko'issa, tanto ta' kera saké' bärinto. Sakalé boedjina boelä ta' ghellemna mon ésoro alako ko'assa polé."

Ta' abit Wirjo pas njédjhä polé. Djhoeghä pas njarantjam, mala sambi atèng-bhántèng sarenggan njabäna ngangsor. Sè biné' sanget kobätér, kantos ta' njédjhä tédjoeng; sè laké' ladjhoe ésapo'é mabi eddék, érangkebbhi sarong, soepadjä porona metto pello. Sanaré ampon kandhel sapo'épon, Wirjo ta' kadhih metto pello sakalé, pagghoen bisaos ngobhällä kollé'na.

Kalagghoeannépon Wirjo djhähä, pas kalowara, saddjhäna èntara alalakon ka kebbhoen tebbhoe, djhoegha bettèssa arassa tadä' ora'na sarenggan tjétagghä kapèlengnen, mèlana ladjhoe marobbhoe polé. Abä'na sè saké' ampon ollé samènggoe, djhoeghä ghi' ta' saé, sè biné' sanget sossana, sabab lakèna takó' mé' maté. Ngabidhi robbhoe kantos pan-saponapan aré sè étedjdhä è rè-saarèna tjokop bisaos, djhoeghä abit-abit, sarrèna Wirjo ta' ngennèng alalakon, dhädhi ta' atampa pèssè sakalé, sèmpennanna tadä'; tja-kantjana padä nèsér mèkkèrè Wirjo sabhäläna, djhoeghä ampon karé nèserra bisaos, sabab ta' ngennèng adjhoeloe pa-ponapa, amarghä padä kakorangan dhibi'. Wirjo dhibi' ta' dhädhi sè atampa'a loe-djhoeloea tja-kantjana, sabab abä'na onèng, djhä' kabädä'annépon èngghi ghi' dä-padäna abä'na; otja'na ka sè biné' sapanèka: „Sènga', lé' pattjoan, dhika sama sakalé addjhä' nampanè báberri'na tja-kantja nèko, sabab sanonto padä ta' ka-tjokobhän; napé polé ghi' bädä bhäräng sè épaghädhiä, maské tadä' èngghi' djhä' tampanè."

È kala sèttong aré bädä ghi' agghoe binèna èntar ka kottä, maghädhiä ghoej-angghoejjä. Sadätengnga däri kottä, pèssè ollèna adhi-ghädhi ladjhoe èkabäländjhä, djhoeghä ta' kantos saponapa abid-dhä ampon tadä'. Saamponna pas maghädhi odhengnga sè laké', ladjhoe sarengnga dhibi', pas kalambhi tjellengnga na'-ana'na. Wirjo sè gherring ghi' tadä' pèndhä'na. Lerres panassa bhädhänna ampon èlang, djhoeghä manabi pa'bhelläs aré agghi' bisaos ma-sè ghi' ta' kèngènga alalakon, sabab bhädhänna ghi' gheddhoer, mala manabi terro ka' tèngka'ana, kodhoe atongkeddhän. Wirjo tjé' èmanna mèkkèrè ghoej-angghoejjä, bi-lebbi angghoejjä na'-ana'na, sè épaghädhi, sabab ghäpanèka ollèna tèngoté, saamponna tjompo'na katonon. Räng-bhärängnga ampon tanto èlang sadhädjä, sabab sanaré Wirjo saä, èngghi ta' kera sè kowadhä nebbhoes. Sarrèna pèssèna ollèna adhi-ghädhi ampon karé satji, mèlana abä'na pas maté akkal. Sè biné' ghädhoeän èngeddhan maghädhiä tjotjo'na, djhoeghä atèna arassa berrä', sabab tjotjo' èngghänèka dhädlingghälän däri emboe'na. Nangèng manabi ampon tadä' sè étedjdhä polé, doe kadhiä panapa, tanto lastaré djhoeghä sè épaghädhi.

Katjatora è kala sèttong aré bädä lem-malem prappa'na Wirjo tang-ghentangan è lèntjagghä sambi ètoghoei sè biné', ladjhoe

katamojan Li A Sie òngghàrowa. Li A Sie panèka sè negghoe' ghādhīān è kotta, mèlana onèng. djhā' WIRJO serrèng maghādhī ghoej-angghoejja, tja'na pèkkèrra: „Satèja sèngko' nemmo djhālān sè ngaollèa kerrès sangkolanna WIRJO rowa. WIRJO satèja la tanto bhoeto pèssè. Dhālloe', so sèngko' èakalanna bi' sèlè'.” Li A Sie ladjhoe atanja ka WIRJO: „Napè dhika sakè', Jo? Wa, marèna bārāmma, sanjatana boelā sè èntar ko'anto nèko parlo ka dhika èsoroa ngangko' paḍi ḍāri Litjin.”

WIRJO njambhit: „Kadhi ponapa djhā' kaelā ghi' anglo; ampon saboelān langkong ka mangkèn sè ta' kèngèng apangghābāj sakalè, ba. Èbingkèng arè bisaos manabi kaelā ampon ghāngghāng.”

Li A Sie sareng mèrèng otja'na WIRJO sapanèka, pas masossa, sambhiddhā: „Nèserra, pon tanto dhika ta' ngennèng njarèaghi ègonna ana'-binèna. Marèna sè èkakan è rè-saarèna saabiddhā gherring napè?”

WIRJO: „Adhi-ghādhī, ba. kantos rang-bhāring kaelā ghemmet; manabi kaelā terros sapanèka bisaos, ampon tanto rang-bhāring kaelā èlang sadhādjā.”

Li A Sie: „WIRJO, dhika ta' osa tèr-kobātèr ka èlangnga bhāringnga ghānèko, kraua sè negghoe' ghāghādhīn boelā. Maḍdhā so boelā ètèmpoana doe taon. Laèn ḍāri ghānèko pola dhika sanonto ma' parlo ngèndjhāma pèssè, maḍdhā nèko' bādā. Parkara serrana, bilā dhika ngennèng apangghābāj ko'ijā!”

WIRJO: „Anggher pandjheunengngan kasokan rè-lèrè bisaos, èngghi saè, ba. Manabi èparèngè, kaelā terro njo'ona njambhoet sapolo ropèja saos.”

Li A Sie: „Èngghi, nèko'. Nangèng dhika kodhoe aberri' sorat tandhā otang ka boelā. Enten, bānnè pè-napè, tjoma sorat ghānèko mènangka saksè, djhā' dhika bhender andi' otang sapolo ropèja ka boelā. Dhika ghoe ta' tao nolès, ta' èngghi? Maḍdhā dhika nèken èko'into!”

Saamponna marè nèken sorat tandhā otangnga, WIRJO pas nampanè pèssè sapolo ropèja. Abā'na sareng binèna saklangkong bhoenga, amarghā mangkèn pas ta' parlo maghādhī tjotjo'na binèna, djhoeghā ta' ngartè, Li A Sie mèlana powa aberri' èndjhāman pèssè. djhā' bādā sopprèna laèn. Sareng ampon marè nampanè pèssè sè sapolo ropèja, WIRJO pas ngotja' kaso'on ka Li A Sie, otja'na: „Atas partolonganna sampèjan panèka, ba. kaelā mator sèboe doe èboe saklangkong. Moghā-moghā èbingkèng arè kaelā onènga males kasaèanna sampèjan. Torè, manabi kaelā ampon dhāmmang ongghoe, dhiggghāl kaelā sè ngangko'a kaaghoenganna paḍi ḍāri Litjin ka dhālemma. Pandā', ba, molaè mangkèn djikar kaelā ampon prasasat kaghoenganna baba.”

Li A Sie njambhit: „WIRJO, pèssè sapolo ropèja ghānèko dhāddhiā bārāmpa arè, sakeddjhā' agghi' tanto pon taḍā'. Nangèng dhika djhā' tèr-kobātèr, mon taḍā', asoroan bhāi ka bengko.

Nèko' dhika so boelä edhina'ana sorat otang pa' mëgghi', èssèna ghân sapolo ropèja. Mon dhika parlo ngëndjhama pèssè polè, sorat nèko tèken dhälloe, saemponna pas soro aterraghi ka bengko, dhika karè nampa pèssèna bhäi. Pandä', Jo, sarrèna abä'na dhika ghi' ghedddhoer djhä' man-ëman sè lowanga pèssè, ngakan kakanan sè makowat bhädhän mè' lè pas bäräs ongghoe. Bän polè mon ta' tjè' sèhadhdhā ongghoe, dhika djhä' endi apangghabāj." Saemponna marè ngotja' sapanèka, Li A SIE pas palèman.

WIRJO sè sakè' ghi' ta' poron saè ongghoe, serrèng matkomadhen bisaos, sabäb ta' onèng ngontal eppil. Doe boelän abittèpon WIRJO sè anglo, otangnga ka Li A SIE ampon dhäddhi 40 ropèja. Djhoeghā abit-abit èngghi èparèngè bäräs djhoeghā. Sareng ampon kèngèng alalakon, WIRJO pas ngabidhi njètjèl otangnga ka Li A SIE samènggoe saropèja. Pèkkèrra sapanèka: „Li A SIE la tanto endä' nampañè tang panjerra samènggoe saropèja, sabäb abä'na masè tjè' bettjè'na ka sèngko'." Pangèrana WIRJO sè sapanèka kalèro.

Sareng WIRJO ampon samènggoe abittèpon sè alako ka LIE A SIE, LIE A SIE pas ngotja' sapanèka: „WIRJO, sarrèna pon samènggoe abiddhā sè alako ka boelä, dhika ollè bädjārān nem ropèja. Nangèng otangnga dhika ko'abbhi 40 ropèja; bädjārānna sè nem ropèja ghänèko bi' boelä èpotongngaghia ka otangnga, dhäddhi sanonto karè tello polo empä'."

WIRJO ta' njana bhär sakalè, djhä' Li A SIE andi'ä pola sapanèka. Sareng WIRJO tja'ngotja'a, Li A SIE pas adhoelloei ngotja' sapanèka: „Pandä', Jo, parkara nèko dhika ta osa nja'-bännja' djanḍon, mala dhika kodhoe asokkor, krana bi' boelä dhika ta' èpèntaè boedoe'. Dhinèng mon dhika ta' narèma parkara bädjārānna sè èserra'aghi kabbhi ka otangnga, pon madhdhā lonasè sanonto kèja'."

WIRJO: „Djhä' engghān èkabhdhdhiä madjar otang kaeelä sè andi'ä, ba, bädjārān kaeelä tjokop èteddhā rè-arè bisaos, ampon ontong'."

Li A SIE: „Mon dhika ta' kellar, kerbhoejjä ghärowa bhäi djoewäl'."

WIRJO semmo seddhi mèrèng otja'na Li A SIE bhoeroe, pas njambhit: „Kerbhoej, èdjoewälä ba? Doe mon ghäpanèka tadä', ta' parsasat kaeelä kaclangan kasap, sapanèka. Bhoenten, sanarè kadhiä ponapa, bi' kaeelä ta' èdjoewälä."

Li A SIE: „Mon dhika ta' ghellem andjoewäl kerbhoejjä, kerressa ghärowa bhäi, madhdhā so boelä èkala'a 150 ropèja."

WIRJO: „Ba, kaeelä dhimèn ta' ampon mator ka sampèjan, djhä' kaeelä ta' ghädhoeän nèjat sama sakalè sè andjoewälä kèrrès èngghärowa, sanarè èpondhoehdhā saponapa sakalè."

Li A SIE: „Pandä' boelä pon ta' tao napè, Jo, boelä nèng taoa

ghenna'na pèssè sè èndjham dhika ghàrowa bhái. Sarrèna dhika ta' kowat madjár, dalem nem mænggoe dhika kodhoe alako ka boelá, opana ghábáj ra-serrana otangnga. Lagghoe' dhika mastè däteng so djikarra ko'anto!"

WIRJO: „Marèpon kaolá sareng ana'-binè' kaolá ta' neqdhá'a sapanéka, ba?"

LI A SIE: „Parkara ghánèko la dā'rāmna tja'na dhika, sabáb boelá pon sedheng sè atatonlong sopadjá dhika nemmoa panjandhāghān pèssè, sakèng dhika dhibi' sè ta' ghellem atoro' otja' boelá. Molana boelá pas ta' tao sè tja'-ngotja'a polè." |

Saamponna marè ngotja' sapanéka, LI A SIE pas lebbhoe ka romana.

WIRJO ladjhoe ngac', kerbhoejjá, terros palèman. Pèkkèrra toro' djhālān sapanéka: „O, báddhinna LI A SIE rowa dā'rijá bábbategghá! Mon bárijá la bhender totorra mama'. Kabidhānna abā'na tjè' njamanna djanḍonna, akanta sè nèser ongghoeān, marèna ta' tao djhá' njekkella."

Sanattolla ka tjompo'na, sareng sè binè' nengalè lakèna ropà-èpon sossa, ladjhoe èsangka sakè'. WIRJO pas atotoran sapanéka ka sè binè': „Pa empon, lè', boelá èkellè'a Tjèna bangsat ghàrowa. Boelá èsoro alako abiddhá nem mænggoe ta' klabān ollè bádjārān sakètènga, mènangka ra-serrana otang ghàrowa. Nangèng boelá ta' lola sè pas alakoa ko'assa ta' kalabān èopaè.

Lagghoeān boelá alakoa ka pabbrik polè. Parkara otang boelá ètjètjèla sabbhān mænggoe ghān doe ropèja, enḍá' engghi, ta' enḍá' empon. Dhāddhi abā'na bilān sè lās-mabellās ka boelá ghàrowa, anḍi' karep laèn, terro ka kerès boelá, nangèng ko'imma, na, djhālānna boela sè maondhoerā kerrès."

Kalagghoeānèpon WIRJO pas molaè alako ka pabbrik, ampon ta' mardoeli dā' ka otja'na LI A SIE sama sakalè. Katello arè-anna LI A SIE sareng Tjèna kaḍowá, padá tokang boedjoe', èntar ka tjompo'na WIRJO, asaddjhā nanaghiá. WIRJO è bákto ghāpanéka taḍá' è tjompo', báḍá ètengnga sabá. Molana namong sè binè' sè mangghi'i.

LI A SIE ngotja' ka sè binè' sambhi ngo'-marongo': „Boelá èntar ko'anto parlo nanaghiá ka lakèna."

Sè binè' njambhit: „Ba, kaolá samangkèn ghi' ta' ghāḍhoeān obāng, mangkèn, pana, antos ḍhingèn; bhoenten, ba, è mænggoe däteng ka'ijá WIRJO ampon báḍá njabis ka'kassa; tja'èpon ngatorana ghān doe ropèja samænggoe, kantos lonas."

LI A SIE: „Napè, doe ropèja samænggoe, boelá ango' ta' èserra'ana sama sakalè. Boelá ta' parlo li-bāliān ko'anto tjoma parlo pèssè doe ropèja ghānèko. Pandá', anḍi'a ta' anḍi'a, WIRJO sanonto mostè anglonāsè otangnga sè tello polo empa' ropèja!"

WIRJO sè binè': „Marèna ka'imma sè ollèa, ba; djhà' engghän radjäna pèssè saengghänèka, saringgit saos kaelä mangkèn ta' ghadhoeän.”

Li A SIE: „Mon bärinto madhä epporraghi bhäi.” Sè ngotja' sapanèka Li A SIE pas lebbhoe ka bengkona WIRJO, ngala' kerrès sangkolanna WIRJO sè ètjangkè'aghi è tabingnga, terros èbhoendhoe' sareng raming. Dhinèng WIRJO sè binè' sareng nèngalè Li A SIE ngala' kerrèssa, èngghäl aranran, djhoeghä kala, sabab Tjèna kaðoewäna sarengnga Li A SIE pas nadjhä' WIRJO sè binè', kantos doettjol däri Li A SIE pas terros ongghä ka doekarra. Dhinèng Tjèna kaðoewäna ladjhoe noro' boentè'; sareng ampon padä ongghä sadhädjä, sè katello terros palèman ka kotja, doekarra ètjongklang bisaos.

Katjatora WIRJO sè binè' nangès rit-djherriðhän, mèkkèrè kerrèssa sè èkèbä boeroe Li A SIE, kantos ghä-tatangghäna padä njandher sadhädjä. Djhoeghä padä taða sè onènga marghäna WIRJO sè binè' sè nangès; èngghi sanarè onènga, ta' kèra bängal apa-ponapa, sabab Li A SIE Tjèna soghi.

Bädjä lem-malem WIRJO palèman däri kalakoannèpon, mangghi sè binè' sanget sossana. Sambì sèghoemen sè binè' atotoran ka WIRJO, djhà' kerrèssa èkala' Li A SIE. WIRJO sareng mèreng totorra binèna, sanget anaksona, mowana mèra kadhi däri. Djhà' sakènga Li A SIE katjapo' ka abäna kalana sè ngala' kerrèssa, ollè dhaddhi mè' èpatè'è. Sareng èlang seddhina, WIRJO pas sanget sossana, sabab tako' kerrèssa mè' terros ta' abäli. Pèkèrra sapanèka: „Marèna bärämma akalla sèngko' sè ngaollèa tang kerrès polè. Sabab mon sèngko' ta' madjäri, la tanto tang kerrès ta' kèra èbäghi. Mangka satèja sèngko' ta' negghoe' pèssè sakalè. Ngèndjhäma ka tatangghä èdlinna', sèngko' tako' ta' kel-lar njerräc. Pasang nemmo pèssè, nangèng mon Li A SIE pas ngotja' ollè mellè, sarta Tjèna kaðoewäna pas njaksè'è, djhà' bhender mellè ka tang binè, sèngko' pas ngotja'a apa?”

WIRJO ampon matè akal mèkkèrè parkara èngghänèka. Dhinèng rèng-orèng è Bängkal sè mèreng bab èngghänèka, sadhädjä padä kobätèr, tako' kampongnga mangghi katjalaka'an polè. Manabi ta' mangghia pètolongan däri perdjädji Bäländhä, ampon tanto kerrèssa WIRJO ta' kèra èkaollè, sabab Li A SIE Tjèna soghi. Djhoeghä kadhi panapa djhällänna sè pas bädä'a pardjädjji Bäländhä kasokan atatolong. Ampon tanto mlarat. Kamalemmanna WIRJO lakè binè' padä taða sè njèddhä tètöeng, kèr-pèkkèran kerrèssa bisaos, Tjèna pangèrana, ampon tanto ta' kèngèng arep bälina polè. Sarèna kerrèssa samangkèn ampon taða' è tjem-po'na, dhaddhi WIRJO ta' onèng rangèra kadhi ponapa ontongkalèrra bhädhänna èbingkèng arèna. Orèng sadhisa Bängkal padä noro' sossa sadhädjä.

IX.

Partolongan sè ta' èkèra sakalè.

Samalem bhentèng WIRJO ta' poron ngèddhā tēdoeng, njarè akal kadhi ponapa kerrèssa sè èkaollèa polè. Dhinèng sè èkako-bàtèrè, takò' LI A SIE pas mongkèr. Sanarè abā'na njo'ona partolongannèpon towan sinderrā pabbrik otabā towan Pètor (1) sakalè, masè ghi' tadā'ā ghoenana, manabi LI A SIE pas ngako mellè, panapa polè manabi sambi asaksè Tjèna kaḍoewāna. Laèn dāri ghāpanèka, panapa kèrana towan sinder otabā towan Pètor kasokan atatolong ka abā'na, orèng mèsken, bān sè èghoeghāt Tjèna soghi? Sarengngan ollè dhāddhi LI A SIE bānnja' kennalan-nèpon djā-pangradjā.

Kalagghoeānnèpon sadjhāghāna tēdoeng WIRJO ghādhoeān ènged-dhān terro èntara ka tjompo'na LIE A SIE, mèlana ladjhoe adhāndhān. Angghoejā ta' bhidhā sareng angghoejā koli, sabāb ghoej-angghoejā sè dhingèn, sè èangghoej akolemmān ka Ghālāghā ampon marè èpaghādhi sadhādja; tjoma pangalemmanna bhersè. Ra-kèra pokol pètto' ghi' agghoe, bākto WIRJO para' mangkadhā pas katamojan tja-kantjana, sè dhāddhi pangadā'na SALÈ. Saamponna moj-tamojja padā todjoe' sadhādja, SALÈ ngotja' ka WIRJO: „Sèngko' so tja-kantja rèja kabbhi, Jo, sè èntar kanna' parlo njan-dā'ā sèdā, amarghā kerrèssa sè èkala' LIE A SIE. Nangèng endjā' ta' malolo djārèja bhāi; sèngko' sakantja'an padā kobātèr, takò' amè' kampong dinna' nemmo kasossa'an polè mara bilān arowa, krana kerrès la tadā' èdinna'. Molana sopadja èlopottaghiā dāri kabhālāi sèngko' so tja-kantja rèja mapolong pèssè sakonè' èbāng, èghābājā sombhāngan ka sèdā, mè' kennèng èpanebbhoes kerrèssa ka LIE A SIE. Rèja' pèssèna. Dhinèng mon sèdā ta' ghellem nampanè, sèdā njamana matjalaka'a tja-kantja èla'dinna' kabbhi. Masa sèdā andi'ā, èngeddhān kanja djārèja, la tanto endjā'.”

WIRJO njambhit: „Kabhenderrān djārèja, Lè, karana sèngko' satèja lakar èntara ka bengkona LIE A SIE; mon sèngko' sambi njambi pèssè, rassa sèngko' tang kerrès tanto pas èbāghi. Sarrèna parkara djārèja sapèsan dhāddhi ontong-kalèrra sèngko', kapèng ḍoewā'na ontong-kalèrra tang tja-kantja kabbhi, dhāddhi pèssè rèja so sèngko' èkebā'ā bhāi, embādjarraghiā ka LIE A SIE, nangèng sabārijā kèja, sèngko' adjhāndjhiā, dhoemèn sèngko' andi' tja-kantja rèja enserra'ana kabbhi.”

SALÈ bhoenga atèna amarghā WIRJO sè ghellem nampanè pès-sèna sarta ladjhoe njambhit: „Parkara djārèja, Jo, mo-temmo èboedi, anggher otangnga sèdā la lonas bān kerrèssa djārèja la èkaollè polè, sèngko' sakantja'an la senneng.”

(1) Towan Asistèn-Rèsidèn.
Sangkolan.

WIRJO: „Mon bārijā sèngko' saëboe doe èboe kaso'on atas partolonganna bā'na so tja-kantja laënna rēja. Nangèng sèngko' ghi' mangmamg mon ta' ollèa pètolongnga pardjadji Bālandhā, masè ghi' ta' èkaollèa.”

Saamponna moj-tamojja palèman, WIRJO pas mangkat ka kotṭa. Sareng rē-kèrra ollè saprapat eddhām sè adjhālān lèrres è lāndjhālān tèko'an, WIRJO pas nēngalè Bālandhā kasorang djheng-mandjheng è pēngghir djhālān. WIRJO ngèra, djhā' èngghānēka towan pangradjā, katara dāri pètjiēpon, pēngghirā mabi plèpèt pasmèn; mēlana abā'na èngghāl nēngkong. Towan sareng ngoladhi bādā orèng nēngkong èseddhi'na, pas atolè, sarta marèksa: „Man, apa bā'na tao, dīmima dhisa Bāngkal rēja?”

WIRJO: „Ka'into, kandjeng towan, semma'. Ghān tjongabhān èadā' ka'dinto ampon katèngal.”

Towan: „Pola bā'na orèng dāri Bāngkal?”

WIRJO: „Èngghi, kandjeng towan.”

Towan: „Apa bā'na kennal dā' orèng njama WIRJO?”

WIRJO: „Dhi-dhālem dhibi', kandjeng towan, sè èsambhāt WIRJO.”

Towan: „Mon bārijā kabhenderrān. Sèngko' ngèding berta, tja'na bā'na andi' tambhāna panjakèddhā èbin, apa ijā?”

WIRJO: „Èngghi, kandjeng towan; dhi-ngèn nalēka è Bāngkal bādā lalarannēpon kerbhoej, dhi-dhālem sè nambhāi, èngghi bherkat djoenan-dhālem, bānnja' ollèna, kandjeng towan.”

Towan: „O, bāddhinna! Bārāmna sèngko' satēja djhā' mēllēa tambhāna djārēja, mon bādā sèngko' mēnta'a satos bhoetol, apa bā'na asangghoe? È kampong lao' dīssa bānnja' kerbhoej ghering sampè' rēng-orèng dhisa sossa kabbi, amarghā la ta' nemmo boekona tambhā.”

WIRJO: „Èngghi, kandjeng towan, djhā' èngghān namong satos bhoetol, sanarè langkong sakalè, dhi-dhālem asangghoe ngatorana dā' djoenan-dhālem, anggher dhid-dhālem èparèngè kopè kotong bisaos. Djhoeghā djoenan-dhālem ta' mabi mon-dhoet, kandjeng towan, sabāb dhi-dhālem sè ambhādhi tambhā ka'dinto ta' abhāndhā sakètèng.”

Towan: „Bā'na satēja èntara kamma?”

WIRJO: „Dhi-dhālem ka kotṭa'a, kandjeng towan, bādā parloēpon.”

Towan: „Djhā' èpanjorodhā ka lagghoe' bhāi kaparloanna djārēja bārāmna, apa ta' èkenneng, sabāb sèngko' terro mēnta'a satēja kēja tambhāna djārēja. Endjā', mara bi' sèngko' èbelliā.”

WIRJO: „Marèpon kadhi panapa, kandjeng towan, dhi-dhālem smangkèn sanget parloēpon sè ka kotṭa'a. Èngghi djhoeghā manabi djoenan-dhālem kasokan atatolong dā' dhi-dhālem, kaparloan dhi-dhālem kèngèng antossaghi dā' lagghoe'pon.”

Towan: „Parkara apa, koddhi kabälä, pola sèngko' mè' ngen-nèng atatonlong.”

WIRJO pas mator tok-lantogghä bisaos, djhä' kerrès sangkolan-nèpon èkala' Tjèna sè anjama Li A Sre, kantos abä'na sareng rèng-orèng è dhisa Bångkal sadhädjä sanget sossaepon.

Towan: „Kaparar ongghoe Li A Sre djäreja. La dhina, tello arè agghi' kerrèssa djäreja la arep bälina polè; sèngko' ijä kennal ka orèngnga. Apa kerrèssa djäreja bhäghoes ongghoe? Bäramma robäna?”

WIRJO ladjhoe njarèta'aghi kabädjä'ännèpon kerrèssa.

Towan: „Mon ta' klèroa sèngko' lambä', nalèka ghi' kana', ta' kanta'a sè la tao ngatèla' dä' kerrès djäreja.”

WIRJO: „Ollè dhäddhi djhoeghã, kandjeng towan. Kerrès ka'dinto sangkolan däri mama' dhi-dhålem, sè ampon onèng aolongan man-ka'kamman, ghi' nalèkana dhäddhi djongos. Mala kerrès ka'dinto serrèng èoladhi towanna sareng para wan-towan laènnèpon. Ropaèpon somèlè para towan-towan senneng ngoladhi kerrès ghäpanèka.”

Towan: „Mama'na sèdä sapa njamana?”

WIRJO: „MOESTARI, kandjeng towan.”

Tawan: „MOESTARI, MOESTARI. Pola mama'na lambä' tao ngaboelä dä' towan rèsidèn MAARTEN, jä?”

WIRJO: „Èngghi, lerres, kandjeng towan.”

Towan: „Pola bä'na WIRJO, jä! Dhålloe', sèngko' atanja'a, bä'na bhä' ghi' ènga'a, djhä' towan rèsidèn MAARTEN kaghoengan pottra lakè', anjama sinjo Nico?”

WIRJO: „Èngghi, èmot, kandjeng towan; ka'dinto reng-sarengngan dhi-dhålem amaèn. Dhi-dhålem serrèng èpanaè' djhåmbhoe sareng pao; manabi padjhoedhoenna dhärana kotor, dhi-dhålem djhoeghån sè ambhersè'è. Sinjo ka'dinto saklangkong lèboerrä dä' mano'. Ta' karè na'kana', kandjeng towan bessar sinjo Nico ka'dinto, nakallèpon poko'.”

Towan: „WIRJO, bä'na apa partjadjä, djhä' sèngko' pottrana towan rèsidèn MAARTEN sè dä'ngodä'ån, sè anjama sinjo Nico djäreja? Djhädjhäl sèngko' djhelling patètè. Bäddhinna bä'na tang reng-bhärengngan ghi' lambä' rowa! Sèngko' safèja djhoemenneng Aspiran Kontellir.”

WIRJO sareng ngèding totorra sapanèka sakalangkong bhoengana, djhoeghã abäk tako', amarghã sè ngotja' nakalla poko', mèlana ladjhoe mator sambi njembhä: „Kandjeng towan, ta' langkong dhi-dhålem njo'ona saporä, däri dhi-dhålem sè tor-mator ta' pantes ghi' bhoeroe mongghoe dä' slèrana djoenan-dhålem. dhi-dhålem ta' onèng ongghoe, sarrèna tjè' ta' èmoddhä manabi djoenan-dhålem, pottrana Kandjeng Towan Rèsidèn MAARTEN.”

Aspiran: „O, endjä', WIRJO, ta' dhäddhi apa, mala sèngko' senneng mon noddjhoenè ènga' dä' tang klakoan nalèka ghi'

kana'na. Bă'na è bākto djārēja ta' ijā la atowa'an so sèngko', sarta bi' papa bă'na èsoro noro' sèngko' dā'kamma'a bhāi. Ta' bă'na lambā' sè tokang ngèbā'aghi tang boekoe so lèi, mon sèngko' ka sakola'an, sarta mon la pokol sabellās bă'na ngambā' sèngko' kalabān dōkar. Apa bă'na ghi' ènga', kalana èn-maènan so sèngko' è pamengkang sè lèbār rowa, mon mama so papa prappa'na asarè? Bă'na lambā' ghoe ta' la tao otja' Bālāndhā nè'-sakonè', ta' ijā, Jo? Apa satēja ghi' bādā ènga'na?"

WIRJO: „Èngghi bādā nè'-sakonè'."

Aspiran: „Dhālloe', sèngko' terro anja'-tanja'a ka bă'na; nalēka mama'na amboe sè ngèrèng papa tja'na bānnja' ro-tarona pèssè. Rassa sèngko' mon bhender kanja djārēja, bă'na satēja tanto soghi, apa endjā'?"

WIRJO: „Doe, kandjeng towan, soghi ponapa. Lerres nalēka mama' dhingèn andhingghāl dhoennja, bānnja' dhādhingghālān-nèpon qā' dhi-dhālem. Djhoeghā sapanēka, kandjeng towan, dhi-dhālem pas kakalèran, tjompo' dhi-dhālem sareng kas-pakakassa sadhādja ghemmet èkello' apoj, kantos dhi-dhālem kapaksa njēwa'-aghi sabā dhi-dhālem ka pabbrik, engkabhdhi ghāntēna pèssēna tja-kantja dhi-dhālem è Bāngkal, sè pađā èpatoro' dā' dhi-dhālem; sabāb obāng èngghānēka tanoro' katonon sakalè."

Aspiran: „Ijā, sèngko' la ngèding kēja. Mon bārijā'ă bă'na la noron ka mama'na onghhoe."

Sapa sè njana'a djhā' sèngko' taoa atatemmo polè so bă'na. Rowa' tang dōkar la dāteng, madjoe' sèngko' aterraghi ka bengkona; sèngko' parlo ka tambhāna kerbhoej djārēja, Jo. Bă'na la djhā' tēr-kobātēr parkara kerrēssa djārowa. Dhina, sèngko' sè mēnta'-aghiā bālina ka Li A Siē, lagghoe' otabā sađoemalem. Pađā' parkara djārēja sèngko' tangghoeng."

WIRJO: „Kandjeng towan, saghoenong anak bhoengaèpon atè dhi-dhālem, sabāb kerrès ka'dinto sanarè bādā'ă mellè saponapa bisaos, sareng dhi-dhālem ta' èdjhoewāl. Mēlana dhi-dhālem sanget ghoe-matēna ka kerrès ghāpanēka, kandjeng towan, sarrēna dhi-dhālem ampon jakèn, djhā' kerrès ka'dinto sè maontong dhi-dhālem."

Aspiran: „Madjoe, ka, djhā' mangkadhā, sabāb sèngko' nèser dā' rèng-orèng sè pađā gherring èbinna, tanto tè'-dāntē'an dātengnga tambhā."

Saamponna marè adon-djandon, sè kađoewā pas adjhālān soko terros ka Bāngkal. Toro' djhālān pađā ngēnga'è nalēkaèpon pađā ghi' kana'; sè asa-gessa saklangkong rapa'.

Katjatora WIRJO sè binè' sareng nēngalè lakēna abāli sarta ngèrèng Towan pangradjā kasorang, tor ropāèpon dhi-kadhiā sè ampon kennal abit, sanget ghettonna. Sanattolla ka tjompo'na WIRJO pas abālā ka sè binè', djhā' Towan èngghānēka towan Aspiran Kontellir, asmaèpon towan MAARTEN; pottrana towan rēsi-

dèn MAARTEN, tëlas lorana mama'na. Dhinèng kasokanna bhādhi mondhoe dhā tambhāna kerbhoë gherring. Sè binè' sareng mēreng otja'na lakèna sapanèka, pas tak-kètòk nolongè ambhādhi tambhā. E bākto ghāpanèka towan Aspiran aghi-lèngghi è bengkona WIRJO. Towan Aspiran saklangkong nēserra ngoladhi romana WIRJO sasat tađā' paponapana sama sakalè; mēlana pas kaaghoengan nōjat bhādhi atatolonga klabān ongghoe atè ka WIRJO, panapa polè serrèna salèrana ngaghāli djhā' WIRJO orèng djhoe djhoer bābā-tègghā.

Ta' antara abit WIRJO sè ambhādhi tambhā ampon marè, ollè doe bellās bhoetol; ghāpanèka namong èkabhādhiā partjobhā'an bisaos dlingèn. Manabi njokot. WIRJO namong njo'on kèrēmè bhoetol kotong, bānnja'na sakasokanna towan Aspiran. Sareng tambhāna ampon marè èbādhiā, sareng towan Aspiran ladjhoe èpakon sabā' ka dokarra; WIRJO sareng towan Aspiran èparèngè persèn doe bellās satengnga ropèja, sambi adhāboe sapanèka: „Rèja', kala' bā'na kennèng ghābāj kabellina roko'.”

WIRJO: „Bhoenten, dhigghāl, kandjeng towan, sabāb dhi-dhālem ta' toman adjhoe wālān tambhā.”

Aspiran: „Ella, ra, Jo, la tampanè bhāi! Bā'na sanjatana tabettjè' dhālloe, bān bā'na ta' ija' tao dhibi' tja'-otja'anna orèng: „Pa-sapa'a tadjhoe djhoer dhālloe, di-boedina matè ngondjhoer.” Bhender bā'na ta' toman adjhoe wālān ka orèng mēskèn, nangèng mon ka Naghārā apa djhoe bhā'na. Naghārā aparèng obāng bānnja' ka sèngko', èdhika' aghi kabelli tambhāna èbin sè gherring. Dhādhi bā'na satèja prasasat pardjādina Naghārā; pèssè djārèja mēnangka gādji par-mola'anna. Mon tambhāna bā'na njata djhoe dhoe, ella tanto sèngko' mellè bānnja'.”

Saamponna towan Aspiran marè adhāboe sapanèka, WIRJO pas magghoe kakeddjhā'; pèssè doe bellās satengnga ropèja ghellā' pas ètampanè. Pèkkèrra sapanèka: „Djhā' rèng Naghārā la tanto ta' kèra kakorangan obāng. Sarrèna towan Aspiran adhāboe mon-dhoe dhā tambhā bānnja' sokkor la njata djhoe dhoe, bettjè'na sèngko' satèja long-mapolong oen-dāoenan, sè parlo èangghoej, pola ma' pas djhoe dhoe ongghoe tang tambhā.”

Sareng WIRJO marè nampanè pèssèna. ladjhoe mator kaso'on dā' towan Aspiran; pas èterrossaghi mator polè bāb parkara kèrèssa.

Towan Aspiran adhāboe: „Ella, ra, dhina, parkara djārèja sèngko' tangghoeng. Mon ta' lagghoe', doe malem, sèngko' ngara bādā napa' kannā', ngaterraghiā kèrèssa djrèja, sabāb sèngko' ghi' terro arembhāghāna so bā'na, bārāmra bā'na èboedi arè sè sen-nengnga pangorèbhāna saana' binèna. Sanjatana, WIRJO, sèngko' ta' tèghā adjhelling bā'na so ana' binèna malarat mara rèja, sabāb rèng towana bā'na lambā' ta' dā'ijā. Bā'na apènterran bān tja-

kantjana sè laèn, sabāb dhāddhiā nè'-sakonè' bā'na tao matja bān nolès; molana ta' pantes sakalè bā'na sè pas ngoliā, alalakon saarè bhentèng ambhāntèng abā'; bā'na tanto nemmo, djhā' sakè-nga njarè pangghābājān, sè djhāng addhoeān dā' abā'na bā'na."

Saamponna towan MAARTEN marè aboe-dhāboe sapanèka, pas bhoebhār, djhoeghā ta' pas djhoedjhoek ka dhālemma, ghi' terros ka dhisa kennengngannèpon kerbhoej sè gherring.

Katjatora rèng-orèng sè ghādhoeān kerbhoej, sareng nèngalè towan Aspiran raboe, saklangkong bhoengana, sabāb laku ampon abit sè èrep-arep raboena, amarghā èbin sè gherring ampon bān-nja' matè. Dhinèng laènnèpon, manabi ta' ollèa pètolongan tam-bhā, masè ta' kèngènga arep odi'na polè.

Saraboena towan Aspiran dā' ghika'ijā, ladjhoe aparèng pètodhoe dā' rèng-orèng sè ghādhoeān èbin gherring, kadhi ponapa ang-ghoejāna tambha ghellā'. Salèrana tjo-mattjo sanget dā' kalèboen-na, sopadjā ngatorana reppot, kadhi panapa kakauna tambhā bhādhhianna Wujo ghapanèka.

Saamponna marè aparèng nasèhat nja'-bānnja', towan Aspiran pas bhoebhār, raboena ka dhālemma ampon rop-sorop arè.

X.

Partolongannèpon Pangradjā.

Katjatora towan Aspiran saklangkong lessona, djhoeghā ta' èpèkkèrè sama sakalè, amarghā ampon karè adjhāndjhi dā' WIRJO, djhā' mangaollèaghiā kerrèssa dālem saarè doe arè. Saamponna marè asèram, towan Aspiran pas adjhāndhān, terros mèjos ka tjompo'na Li A SIE. Djhoeghā ta' pas terros, ghi' per-sepperran dgingèn. Kalana nattol ka bengkona Li A SIE ampon semmo malem. È ampèrra tjompo'na Li A SIE bādā lampoe ghāntongnga nem mēgghi'. padā èsomet sadhādja, tèra'na tar-kentaran. Tēm-bo'na èrengghā sareng ghāmbhārrā orèngana-bārna. È dālem romana bādā mèdjā sadhiānnèpon (ettoe'), sè bānnja' dhāmar lilinna ana-bārna. Lerres è kangan-katjèrra sadhiān bhoeroe bādā artjana KONG HOE TOE, èngghi panèka podjhāngghā bhāngsa Tjèna, sè bitjaksana. Bāktō towan Aspiran raboe, è ampèrra tadā' orèng sakalè, mèlana towan Aspiran pas lat-ngoladhi èssèna ampèrra bengkona Li A SIE dgingèn. Sareng ampon sabātara abiddhā sè bādā è pèr-ampèr ghi' tadā' orèng ngalèmbā' djhoeghā, ladjhoe aologhān: „*Spada! Spada!*” (1) Ta' abit ladjhoe bādā orèng kaso-

1) Djhā' tjara'a Madhoerā dhi-kadhiā: *pangapora (ghlānon)*.

rang kalowar, ropana nakabánna Li A SIE. Towan Aspiran maréksa báda-tadá'na sè ghádhoeán tjompo'. Sareng nakabán mator báda, ladjhoe épakon ngelok lorana. Sakeddjhá' agghi' Li A SIE pas kalowar. Saamponna maré atabi' towan Aspiran pas éatorè lèngghi.

Ta' antara abit ladjhoe báda nakabán katello, sè kasorang ambhácta roko' manéla, kasorangnga ambhácta korék sareng báddhána lolong, kasorangnga polé ambhácta etté, éatorraghi ka towan Aspiran.

Saamponna padá njomet roko'na (towan Aspiran sareng Li A SIE), towan Aspiran pas adháboe sapanéka: „Ghellá' ghi' agghoe báda oréng kasorang dári dhisa Bángkal angghoeghát sampéjan.”

Li A SIE: „Báddhiina, angghoeghát parkara ponapa, towan?”

Aspiran: „Tja'na sampéjan ngétjo' kerréssa oréng éngghánéka, panapa bhender?”

Li A SIE: „Kaoelá éghoeghat ngétjo' kerrés? Maréépon, pandjhennengngan panapa partjadjá? Pandjhennengngan ampon ngagháli dhibi', towan, djhá' kaoelá somalé ta' soghi, nangéng ta' kakorangan; panapa sè ékaterroé, kaoelá masté katekkan. Kasapakakas é ampér panéka bisaos, towan, djhá' édjoewalá ampon langkong doe éboe ropéja. Kadhi ponapa sè olléa dháddhi djhá' kaoelá ngétjo' kerrés.”

Aspiran: „Éngghi, kaoelá partjadjá ka otja'na sampéjan éngghánéka. Bhoenten pola sampéjan mè' sakéng mellé kerréssa oréng éngghárowa?”

Li A SIE: „Lá, éngghánéka sè éngghi, sarengngan báktona kaoelá mellé, báda sakséna. towan, éngghi panéka épar sareng sapopo kaoelá. Manabi pandjhennengngan kasokan maréksa'a, nara éologhá.”

Aspiran: „Ampon, ta' parlo. Kaoelá éngghi partjadjá ka otja'na sampéjan. Saponapa sè ébelli? Manabi sapanéka sampéjan bári' lem-malem éntar ka tjompo'na ARDJODIWIRJO.”

Li A SIE: „Kerrés éngghánéka sareng kaoelá ébelli satos séket ropéja. Djhoeghá sarréna sè ghádhoeán ghi' andi' báberra' ka kaoelá 34 ropéja, dháddhi kaoelá namong madjár 116 ropéja.”

Aspiran: „Obáng sè 116 ropéja ghápanéka ta' éngghi WIRJO dhibi' sè nampané; saamponna kerressa bi' sampéjan pas étampané ta' énggini?”

Li A SIE: „Éngghi, lerres kadhi dháboena ka'into.” Li A SIE ladjhoe mésean, sabáb bhoenga, ékéra parkara éngghánéka ampon saé djhalánna. Tor sama sakalé ta' arassa. djhá' kèngéng tjan-ghák otja'na. Towan Aspiran ladjhoe njentak sakaléan, dháboena: „Li A SIE, sampéjan oréng djahat, sampéjan ngétjo' kerréssa WIRJO, katara dári otja'na dhibi' ghi' bhoeroe.”

Li A SIE: „Kadhi panapa, towan, pandjhennengngan mè' pas bángal ngarané, kaoelá oréng djahat?” Sè ngotja' sapanéka para' ta' mettoa swara.

Aspiran: „Lakar èngghi; kaoelä kan bängal ngaranè sampèjan orèng djahat, polana sampèjan lètjèk otja'na. Éparra sareng sapopona èngghärowa pađa nerrangngaghi dā' kaoelä ghellä', djhä' nalëka sampèjan mellè kerrès èngghänëka. Wirjo tadä' è tjompo'na. Sè nampanè pèssëna tja'na sè binè'. Mangka sampèjan ghellä' ngotja' Wirjo dhibi' sè nampanè pèssè ”

Tjèna: „Èngghi, djhoeghä”

Aspiran: „Djhoeghä, djhoeghä panapa? Pandä', kerrès ghäpanëka parèng dhoeli pakalowar, mon bhoenten, samangkèn djhoeghän sampèjan sareng kaoelä èmaso'aghiä ka seppir.”

Li A SIE sareng mèrèng dhäboena towan Aspiran bhoeroe, olattèpon pas potjet, ta' kèngèng tja'-ngotja' ponapa polè.

Aspiran: „Parèng, dhoeli pakalowar, sabäb kaoelä ta' parlo bit-abit ëka'into'!”

Li A SIE pas lebbhoe ka romana padjhälänna laonan, ngala' kerrëssa; saamponna pas èsabä' è mèdjä, sambi ngotja' sapanëka: „Panëka' kerrëssa, towan, djhoeghä manabi kèngèng, kaoelä terror-matora polè; ëdälem parkara panëka kaoelä sama sakalè ta' aromasa sala. Kadhi panapa sè ollëa dhäddhi, kaoelä, Li A SIE, Tjèna sè ghi-soghiän kadhibi' è kotta ka'ijä èghoeghät ngètjo' kerrès, sè namong arghä 150 ropëja. Saponapa'a, towan, obäng 150 ropëja ghäpanëka mongghoe ka kaoelä. Pandjhennengngan ta' ampon ngaghäli dhibi' djhä' kaoelä ta' namong ëadjhinè rèng-orèng kènè' bisaos, nangèng kantos dā' Towan Pëtor èngghi todoes ka kaoelä. Kaoelä ango' èlanga pèssè langkong sèboe ropëja, towan, ètèmbhäng sareng kaoelä ètarka tjo'-ngètjo'. Manabi pandjhennengngan ta' partjadjä, njara kaoelä bängal sompa, djhä' kaoelä sakontjo'na oboe' ta' aromasa ghädhoeän sala sakalè dälèlem parkara panëka. Dhinèng rèng-orèng sè andjhoeroekkaghi kaoelä ghäpanëka ampon tanto sakèng bädjhi' ka kaoelä otabä sakèng ta' kellar nangalè kasoghiän kaoelä ”

Towan Aspiran Kontellir pas mondhoet kerrès dāri mèdjä sambi aghäboe sapanëka: „Parkara pèssëna sè sèboe ropëja èngghänëka pon tegghoe' sampèjan dhibi' bhäi, ba, sabäb parkara panëka sareng kaoelä ta' èbhädhä radjä. Djhoeghä manabi sampèjan èbingkèng arè atèngka kadhi panëka polè, sareng kaoelä pas èbhädhä radjä, mèlana sampèjan marè è sakalè boedina.”

Bätara saparapat eddjähm dāri bākto bhoeroe towan Aspiran ampon bädä è dhälèmma, alèngghi ëdälem kamarra sambi lang-nèlang kerrëssa Wirjo, sabäb saklangkong lèboerrä; panapa polè salërana pas èmot dā' nalëkana ghi' kana'na. Djhä'-sakeddjhä' mèsëm, sabäb arassa bhäddjhrä sè kèngèng ngaollèaghi kerrëssa Wirjo ta' klabän mlarat. Orèng sè ghädhoeän dhiqdhä' pèragghä, manabi nèngalè kerrëssa ampon ëkaollè polè, kantos matè rassana ta' kèra loppä dā' towan Aspiran, sè ampon onèng atatolong ka bhädhänna. Ghälina towan Aspiran sapanëka: „Lagghoe' ghi'

agghoe kerrès arèja èaterraghiä ka Bångkal, sabäb WIRJO tanto sè rep-arebbhän, krana sèngko' la karè asomadjä. Nangèng bettjè'na opas bhäi èsoroa ngaterraghi, sèngko' èntara lem-malemman, sabäb sèngko' ngantosa reppoddhä kalèboeni Tjlorèng, parkara tambhä rowa. Rassa sèngko' kalèboenna kennèng arep dätèngnga sabelloenna pokol doebelläs."

Saamponna marè kèr-pèkkèran sapanèka, kerrès pas èbhoendhoe' mabi dhäloebång koran, sarta èsabä' è rok-soroghänna mèdjä panjerraddhänna. Sareng towan Aspiran ngèntebbhä rok-soroghän bhoeroe, pas ngoladhi sorat nompang èattassa bång-dhäloebång bännja'. Sorat èngghänèka dāri kantjana sè anjama towan DE JAGER. Saamponna marè èmaos, towan Aspiran pas adhāboe: „Ijä ongghoe, sèngko' ghi' ta' malesse towan DE JAGER sè mènta orèng, èpadhāddhiä mandøer bhäko. Marèna ðimma sè nemmoa? Ó, dhälloe', mon bārijä, WIRJO bhäi so sèngko' èadä'aghiä, sabäb la pènter alako bhäko. Laèn dāri djārèja rassa sèngko' masè malarat sè nemmoa orèng kanja WIRJO bettjè'na bän tjakangnga. Tjoma sossana ghi' ta' karoan djhä' ghellem, sabäb abä'na tjè' takö'na sè andhina'a dhisa paðempa'anna dārāna. Doe ètarèa bhäi, sapa tao, pola mè' powa. Dhinèng paghi' saopama terro molèa polè ka bengkona, kèra sèngko' towan DE JAGER ta' kèra nglanglang."

Saamponna marè ambhādhi serrat bāngsolan, towan Aspiran pas asarè. Sabelloenna njèdjhä, ghi' kèr-pèkkèran bāb kerrès sè èkala' LI A SIE, sareng pangghābjānnèpon dhibi' èdālem saarè ghellä'.

Kalagghoeännèpon ghi' agghoe towan Aspiran pas makon opas kasorang nompā' djhārān ka Bångkal, ngaterraghi kerrès. Sanat-tolla konkonan, WIRJO èpangghi ghi' bhoeroe dätèng njarè oen-dāoenan, sè èkabhādhiä tambhä, saklangkong bännja'èpon. Saamponna opas marè andjhoeloeaghi bhoendhoe'än, sareng abälä, djhä' towanna raboeä mangkèn lem-malemman, ladjhoe palèman.

Katjatora bhoendhoe'än bhoeroe sareng WIRJO pas èbhäktā ka romana sarta ladjhoe èboekka'. Sabelloenna mokka', abä'na ampon ngèra, djhä' bhoendhoe'än bhoeroe tanto aèssè kerrèssa. Djhoeghä sareng èmot dā' somadjāna towan Aspiran, djhä' kerrès èngghänèka èaterraghiä dhibi, atèna pas bādā mangmangnga. Frappa'na mokka' bhoendhoe'än, ana'-binèna pas lebbhoe ka romana, terro onènga èssèna bhoendhoe'än ghellä'. Sareng bhoendhoe'än ampon èboekka', njata djhä' ta' aèssè bhārāng laèn, kadjhābhä kerrès sangkolanna, sè èrampas LI A SIE èngghārowa. WIRJO sareng ana'-binèna sanget pèragghä, kerrèssa ètjèjom, èso'on èsabä' ka tjètāgghä, otja'na: „Djhä' bānnèa kandjeng towan sè atatolong ka sèngko', la tanto kerrès rèja ta' kèra èkaollè polè. Eh, sanja-

tana la belläs ongghoe kandjeng towan dä' sèngko' so dä' tja-kantja dinna' kabbhi."

Ghā-tatanghāna WIRJO paḍā èntar ka tjompo'na (WIRJO), amarghā èghika'ijā rammè orèng aghellā'ān. Sareng ghā-tatanghāna onèng, djhā' kerrès sangkolanna WIRJO èkaollè polè, ladjhoe atotoran ka laènnèpon, kantos berta èngghānèka sakeddjhā' bisaos ampon bārātta dhāddhi sa-Bāngkal. Sadhādjana orèng paḍā bhoenga, djhoeghā ta' loppa tjo-mattjo ka WIRJO, sopadja kerrèssa ta' èbhākta'a man-ka'kamman polè, sabāb salameddhā dhisa Bāngkal sareng saèssèna sadhādja bāḍā è kerrèssa èngghānèka. WIRJO ladjhoe asalameddhān nangghā' tabbhoeān, ngormat kerrèssa. Dhinèng rèng-orèng sè ghi' bhoeroe palèman dāri sabāna ghi' dāri djhāoeān ampon mèrèng monjèna tabbhoeān, djhoeghā taḍā' sè onènga djhā' pasèra sè asalameddhān. Djhoeghā sareng nèngalè labāng lowarra tjompo'na WIRJO èpasangè oen-dāoenan ana-bārna, pas ngèra, djhā' tanto WIRJO sè asalameddhān, tja'na pèkkèrra: tanto kerrèssa la èkaollè polè. Saamponna marè di-mandi sareng adhāndhān, rèng-orèng bhoeroe pas èntar ka tjompo'na WIRJO, noro' anga-bhoenga djoeghān. Dhinèng sè èkadjanḍon taḍā' laèn, kadjhābhā namong ngalem kasācannèpon towan Aspiran Kontellir, sè kasokan atatolong klabān ongghoe atè ka WIRJO, kantos kerrèssa abāli polè.

Katjatora kalèboen sè èdhika'aghi areppot bāb tambhā, ampon njabis dā' towan Aspiran. Sanattolla ka adjoenanna, pas mator nja'-bānnja' dā' towan Aspiran bāb ollèna tambhā sè doebelläs bhoetol. Towan Aspiran ladjhoe marèksa: „Dhāddhi djhoedhoe njamana tambhā djārèja?"

Klèboen: „Èngghi, kandjeng towan, djhoeghā dā' èbin sè ghi' bhoeroe gherring. Rèng-orèng ka dīssa sadhādja paḍā mator kaso'on dā' djoenan-dhālem sarenggan njo'on, moghā-moghā djoenan-dhālem kasokana aparèng tongghāllèpon, sè langkong bānnja'."

Aspiran: „Ijā, djhā' kobātèr: lalla bā'na la molè kaadā', sèngko' satèja èntara ka Bāngkal, ngonèana tambhā polè; kabālā dā' tja-kantjana, djhā' sèngko' lagghoe' ghi' agghoe makèrèma tambhā polè dā'kassa."

Towan MAARTEN neptebbhi ongghoe kawādjhānnèpon kaan-tennaranna, ta' mèkkèrè kamalaradhānnèpon salèrana, tor-ta' ngètong lessò: sè èghali sèjang arè malem namong kasalameddhānnèpon orèng doemè'na bisaos. Sabelloenna mangkat dā' Bāngkal towan Aspiran ampon makon koli sabātara, ambhākta bhoetol koṭong kaadā' sè èkabādjhā'ā tambhā. Pokol doewā' sèjang ampon mèjos dā' Bāngkal, nètènè dōkar. Ghi' dāri djhāoeān towan MAARTEN ampon myarsa ongella tabbhoeān, ghālina sapanèka: „Ngara WIRJO asalameddhān, sabāb kerrès sangkolanna la èkaollè polè. Nangèng la ta' manglò sè talèbādjhā bhoenga sampè' nangghā' tabbhoeān, sabāb abā'na so tja-kantjana tjè'

partjadjana ongghoe, djhâ' kerrèssa tao nolak kabhalâi sè bhâkal dâtengnga. Dhâddhi sanjatana tjê' ghâmpangnga pasennengnganna atèna orèng dhisa rèja! Djhâ' rèja', parkara kanta rèja bhâi bhoengana dhâghâ akanta sè kaghâghârân mertjo. Orèng dhisa rèja bhoedhoe, doe sapa sè ngaobhâna kadjhâbhâna antennarra Naghârâ. Mon tadâ' ngaobhi la tanto èkaèn-maènan bân orèng sè djhâng pènterran bân bhângsa tèghâ'an atèna." Towan Aspiran talèbât sennengnga ghâlina, amarghâ sè ngennèng atatolong bân mabhoenga orèng sadhisa Bângkal.

Ta' antara abit towan Aspiran ampon nattol dâ' tjompo'na WIRJO. Katjatora sareng rêng-orèng sè bādâ' èghika'ijâ nèngalè towan Aspiran raboe, pas saklangkong rammè'pon, sabâb sareng towan Aspiran lebbhoe ka tattarop, ladjhoe padâ asorak, sabânnè bādâ sè pa'kopa'an, sakèng dâri bhoengana. Rêng-orèng ghâpanèka robâna ampon ta' mèkkèrè tako' sè èdhoekanana. Sabâb bijâsana, manabi bādâ pangradjâ raboe dâ' dhisa pangormaddhâ rêng-orèng doemè' ta' sapanèka. Marghâèpôn tadâ' laèn, namong sabab towan Aspiran mapalèman kerrès sangkolan sè pangaro èngghârôwa, dhâddhi prasasat aparèng kaontongan dâ' rêng-orèng Bângkal sadhâdjâ. Towan Aspiran ènggahi ta' dhoeka, sanarè èormat kadhi èngghânèka, mala rêng-orèng èdhika'aghi terros sè anga-bhoenga. Sareng ampon alèngghi, ladjhoe èatorè dhâ'ar djhâdjhân ana-bârna èsoghoeaghi dâri kangan-katjêr djhâng ghântjangan. Salèrana pas èmot ghi' nalèkana ghi' kana', sè toman adhâ'ârân djhâdjhân kadhi ghâpanèka. Sarrèna towan Aspiran ghi' kaaghoengan parlo laèn ka WIRJO, mèlana pas ngadjhâk WIRJO, arembhâghân è pèr-ampèrra wâ' doewâ'an. Towan Aspiran ladjhoe alèngghi è lèntjak, dhinèng WIRJO asèla è tana, ta' djhâoe dâri ghika'ijâ. Towan Aspiran pas adhâboe ka WIRJO: „WIRJO, sèngko' aberri tao ka sèdâ, parkara tambhâna arowa njata bhâghoes, nangèng dâ' èbin sè ghi' bhoeroe gherring. Molana satèja sèngko' mèn'ta'a polè ka bâ'na lebbi bânja'. Sèngko' la makèrèm bhoetol kotong dâ'anna', mènangka bādghâna. Sarrèna sèngko' ghi' bânja' orosan sè laèn, ijâ parkara dînes, dhâddhi ta' ngennèng bit-abit èdijâ."

WIRJO: „Parkara pamondhoet tambhâ dhi-dhâlem ta' mator bhoenten, mator èngghi, sabâb doe ponapa polè kadhi dhi-dhâlem sè èbhâdhiâ les-bâles dâ' djoenan-dhâlem, sarrèna dhi-dhâlem ta' ghâdhoèân pa-panapa polè, kadjhâbhâ tambhâ ka'dinto. Djhâ' èngghân namong èngghânèka, kandjeng towan, klakoan ta' saponapa, sanarè dhi-dhâlem èpakona alalakon sèjang-malem, anggher bādâ dhâboe djoenan-dhâlem bisaos, dhi-dhâlem ampon ta' atangghin polè, sarrèna djoenan-dhâlem ampon aparèng kabhoenga'an dâ' dhi-dhâlem sareng dâ' ana'-binè dhi-dhâlem, sè ta' dâ-mandâ. Parkara tambhâ dhi-dhâlem ampon asa'dijâ, mala kaboelâna mangkèn ghi' prappa'na ngandhel ka'dinto. Lagghoe' ghi' petteng

dhigghāl dhi-dhālem dhibi' sè ambhākta'a dā' kotta, èboewā'a djikar. Otabā manabi djoenan-dhālem ngèdhinè, dhi-dhālem dhibi' sè madāpa'a dā' Tjlorèng."

Aspiran: „Bā'na la ngala' onghhoe dā' bābāteggā orèng towana. Mama'na MoESTARI, ijà bārijā, opama bādā orèng ta-mènta ka abā'na, lā, rēja ghi' loen-belloen la bādā apa sè èkaparlo orèng djārēja. Mon sēdā ngennèng ngaterraghi dhibi' dā' Tjlorèng djārēja lebbi bettjē', sabāb rēng-orèng la'dissa tjē' kabhoeroena sè ollēa tam-bhāna èbinna. Pa' arē agghi' dhibi'na ollē aghābāj sampē' pa' polo otabā sèket bhoetol polē. Pandā', Jo, parkara djārēja apa tja'na bā'na, lebbi dāri sadjārēja, ijà bhāghoes. Bān mon marē, pas ater-raghi kassa kēja."

WIRJO: „Èngghi, saē, kandjeng towan."

Aspiran: „Sēngko' mon ta' klēroa la adjhāndjhi ka sēdā, djhā' tambhāna embelliā ghān saropēja sabhoetolla. Rēja', tampanē dhālloe sèket ropēja, dhinèng sakarēna mo-temmo èboedī."

WIRJO: „Panēka tabānnja' dhlngèn, kandjeng towan, sabāb kla-koan dhi-dhālem tadā' laèn kadjhābhāna njarē oen-dāoenan, ma-nabi mangghi pas èandhel. Sakētēnga dhi-dhālem ta' abhāndhā."

Aspiran: „Endjā', Jo, tampanē ella! Bhender bā'na ta' malarat bān ta' abhāndhā, nangèng kabhoenga'anna orèng sè andī' èbin gherring pas bārās, djārēja ta' èkennèng belli saèket ropēja. Sam-bi'anna sēngko' ta' la ngotja' ka dhibi'na, djhā' djārēja bānnē tang pèssē dhibi', nangèng Naghārā sè aparèng, Goepmèn apa-rèng pèssē bānnja' ka sēngko', èdhika'aghi kabelli tambhāna èbin gherring djārēja. Ella, ra, la kala' bhāi dhāddhiā tang pamēnta, sambi' mē' kennèng ghābāj bān-lambāna brāghāddhā slamed-dhāna arēja; karēna tebbhoessaghi dā' rāng-bhārāngnga bā'na sè èpaghādhi."

WIRJO: „Èngghi, kandjeng towan, dhi-dhālem mator saēboe doe èbce kaso'on dā' djoenan-dhālem, moghā-moghā dhi-dhālem ghi' onēnga males kasaēannēpon djoenan-dhālem, langkong dāri tambhā èngghānēka."

Aspiran: „Djārēja tabhālik. Jo; sabhenderrā sēngko' sè mostē aberri' panarēma ka sēdā, sabāb Goepmèn la tanto sè ngalem tang pangghābājān, sabāb bin-èbin sè gherring pas bānnja' bārās. Bārijā kēja rēng-orèng sè andī' èbin, la tanto radjā kaprotanganna ka sēngko', dhāddhi sēngko' ollē alemman doe kalē: sapēsān dāri Naghārā bān doe kalēna dāri orèng doemē'. (1)

Satēja sēngko' terro tja-ngotja'a bāb laèn. Bāri' sēngko' la ngotja', djhā' sēngko' ta' senneng ngatēla' kabādjā'anna bā'na sè pas mara rēja. Sēngko', Jo, mon ènga' lambā' kalana ghi' kana', ghi' boer-lèboerrā èn-maēnan so bā'na, pas ta' dhāddhi sè nga-

(1) Tjarēta panēka ampon dhingèn ghi' sabelloenna bādā atcran dokter hēwan sareng matrē hēwan *Red*.

tèla'a bǎ'na alalakon rat-malarat ghǎlloe dhǎghǎ ènga' sapè; krana bǎ'na djhǎ' sakènga njarè kasap laèn sè lebbhi dhǎmmang tor sè aradjǎ'ǎn bǎdhǎllǎ dǎri klakonna sè satèja, kèra sèngko' tanto nemmo. Molana salè-ollè sèngko' atatolonga ka sèdǎ. Mon ghellem mara toro' sang otja': „Neng bhǎbǎ Djember sèngko' andi' kenalan, njamana towan DE JAGER, djǎrèja dhǎddhi towan bessarra bhǎko. Ghi' roe-bhoeroe rèja abǎ'na mènta orèng ka sèngko', sè pènter alako bhǎko, bhǎkal èpadhǎddhiǎ mandoer goedǎng. Towan djǎrèja endjǎ' ta' ngotja' addhoe aqǎ' ka sèngko', tapè asoradhǎn. Soraddhǎ djǎrèja bhoeroe bǎri' sè ètemmo, bhǎreng sèngko' njabǎ'ǎ kerrèssa sèdǎ èdǎlem rok-soroghǎnna mèdjǎ tolès. Dhoe-mèn sèngko' marè matja sorat djǎrèja, mè' pas ènga' ka bǎ'na. Bǎ'na ta' iǎ la pènter alako bhǎko? Marèna bǎrǎmma satèja, ghellem, apa endjǎ'?”

WIRJO: „Wa, marèpon kadhi ponapa, towan, saèstona dhi-dhǎlem sanget berrǎ'èpon sè andhingghǎllǎ dhisa ka'into, sabǎb mama' adhingghǎl dhoennja èka'into, sabǎ dhi-dhǎlem sè èsèwǎ pabbrik èngghi bǎdǎ èka'ijǎ djhoeghǎn. Panapa polè tja-kantja dhi-dhǎlem, kandjeng towan, ampon tanto ta' rembhǎk, manabi dhi-dhǎlem pas njèngla'a dǎri dhisa Bǎngkal.”

Aspiran: „La bhender tang pangèra, tanto bǎ'na ngotja' mara djǎrèja. Nangèng mara, ra, pèkkèr, Jo, bǎ'na andi' tangghoengan ana'-binè. Mon ghi' atoghoèǎ èd'ijǎ bhǎi, bǎ'na so ana'-binèna dǎlem tello taon bhǎkal malaradhǎ oq'ina; bǎn polè sarrèna bǎ'na alalakon dǎri metto arè sampè' tjompet arè, la tanto kakowadhǎnna sadjǎn abit sadjǎn korang. Nangèng mon pas dhǎddhi mandoer bhǎko, è persilla towan DE JAGER, la tanto senneng, sabǎb klakoan ta' berrǎ' kanǎ è sabǎ, bǎn sèngko' bǎngal nantoaghi, djhǎ' bǎ'na bhǎkal andi'ǎ lora bhǎghoes atèna. Apa, gǎdji èd'issa radjǎ, tjokop mon engghoenna èkakan bǎ'na so ana'-binèna bhǎi. Saopama bǎ'na ghoe'-agghoe' andi' èngeddhǎn terro molèa kannǎ' polè, rassa sèngko' towan DE JAGER ta' kèra njekkadhi. Parkara sabǎna djrèja, ghǎrǎp bilǎ bǎ'na molè kannǎ' polè. Dhǎddhi klabǎn djhǎllǎn bǎrijǎ, kabǎdǎ'ǎnna bǎ'na lekkas abǎli onè kanǎ lambǎ' polè. Bǎn polè bǎ'na djhǎ' loppa, djhǎ' sèngko' sè nemmo soraddhǎ towan DE JAGER djǎrèja prappa'na njabǎ'ǎ kerrès sangkolanna bǎ'na djǎrowa.”

WIRJO: „Lerres dhǎboe djoenan-dhǎlem, kandjeng Towan. Sa-èstona dhi-dhǎlem ta' kèngèng atoghoè èka'dinto sabit-abiddhǎ, manabi dhi-dhǎlem ghi' akarep njarèa kasap sè langkong radjǎ. Panapa polè sarrèna djoenan-dhǎlem ampon adhǎboe, djhǎ' serrattèpon towan DE JAGER ghi' bhoeroe èpangghi sareng djoenan-dhǎlem prappa'na njabǎ'ǎ kerrès sangkolan dhi-dhǎlem kaqǎlem rok-soroghǎnnèpon mèdjǎ djoenan-dhǎlem. Ghoe ta' ampon njata, kandjeng towan, manabi kerrès èngghǎnèka sè nodhoei djhǎllǎn- nèpon kaontongan sareng kaslameddhǎnnèpon dhi-dhǎlem saana'-

binè, lerres akadhi bāsèjattèpon mama', nalèka para' èponlhoedhā omor. Melaèpon dhi-dhālem ator'a bisaos sapètodhoena kerrès dhi-dhālem "

Aspiran: „Dhāddhi bā'na ghellem, WIRJO?"

WIRJO: „Èngghi, kandjeng towan, doe matora kadhi ponapa polè. Sanarè dhi-dhālem aromasa berrā' sè adhingghālā dhisa Bāngkal sareng tja-kantja dhi-dhālem sadhādjà, djhoeghā dhi-dhālem mostè ngèrèng dhāboe djoenan-dhālem. Bilāpèon dhi-dhālem sè èdhika'aghiā mangkat, towan?"

Aspiran: „Dhālloe', antos ghālloe, sabāb sèngko' ghi' asoradhāna dā' towan DE JAGER, bilā-bilā bā'na sè mangkadhā èberri'āna kabār. Bān polè mon panjakèddhā èbin ghi' ta' èlanga, bā'na djhā' endi mangkat. Sarrèna parkara arèja la salèssè, ella, sèngko' molèa."

WIRJO: „Èngghi, kandjeng towan. Abdhi-dhālem mator saklang-kong kaso' on atas kabellāsannèpon djoenan-dhālem."

Toro' djhālān ghālina towan Aspiran sapanèka: „Bhender kanta tang pangèra bāri' rowa. WIRJO so tja-kantjana la tjè' partjadjàna ongghoe, djhā' ontongnga bhādhāna taghāntong ka kerrèssa rowa. Ngara djhā' sakènga WIRJO ta' partjadjà dā' ka pangaroanna kerrèssa, amè' sèngko' sè ghoeng-ngoghoengan ghellā' rowa tadā' parlonā."

Katjatora rèng-orèng sè anga-bhoenga, sareng towan Aspiran ampon bhoebhār, ladjhoe ngarèbbhoeng WIRJO, padā terro mè-rengnga panapa sè èdhāboeaghi towan Aspiran. Sareng rèng-orèng ghāpanèka mèreng kabhār, djhā' WIRJO bhāddhi ondhoerā dāri kampongnga, sadhādjà pas padā sossa. Dhinèng laènnèpon sè tadā' èghika'ijā, sareng mèreng bāb èngghānèka, ladjhoe padā èntar ka WIRJO, anjata'aghi lerres-bhoentenna berta èngghānèka. Sè èkasossa rèng-orèng Bāngkal amarghā kerrès sangkolanna WIRJO, sè bhāddhi tadā'ā èghika'ijā sareng sè bhāddhi kaèlangana orèng ngartè sè serrèng aberri' rembhoek sareng pètodhoe dā' orèng dhisa Bāngkal. Pèkkèrra sapanèka: „Bilān djhā' engghoenna èkèbā akolemman sakeddjhā' kanan, èdinna' la nemmo tjalaka' radjà, bhā' bāramma dhāddhina, mon kerrès djārèja pas ondhoer terros dāri dinnā? Sanjatana WIRJO takabhoeroe dhālloe' sè pas mator èngghi dā' kandjeng towan Aspiran Kontellir. Djhā' sakènga mator ghi' arembhāghāna so tja-kantja rēja dhālloe, endjā'. Mon satèja doe bāramma'a polè, sabāb la dhāddhi otja."

Rèng-orèng ghellā' ladjhoe padā ngoman ka WIRJO, sopadjā maboeroenga karebbhā sè dhāddhiā mandoe bhāko, sarengngan padā adjhāndjhi, bhāddhi atitolonga bāb pangorèbhānnèpon. Pandā', karebbhā tja-kantjana. WIRJO ta' osa alalakon. ngakan tēdoeng, anggher abā'na ta' aghindjheghhān dāri Bāngkal.

Dhinèng WIRJO èngghi sanget terrona sè norodhāna pangoghoengnga tja-kantjana, djhoeghā ta' kèngèng, sabāb ampon karè

mator èngghi dǎ' towan Aspiran; panapa polè sarrèna ampon jakèn, djhǎ' kerrèssa sè nodhoeaghi djhālanna kaontongannèpon. WIRJO ladjhoe akanhdǎ bǎb towan Aspiran sè mangghi sorat èadǎ'na orèng bǎnja', bekkasanna pas ngotja' sapanèka: „Mara pèkkèrè, tja-kantja, apa sèngko' ngennèng nolak parkara djārèja, sabǎb lakar tang kerrès dhibi' sè abherri' djhālanna kaontongan ka sèngko'?”

Saamponna WIRJO marè sè akanhdǎ, pas bǎdǎ haddjhi towa kasorang, njellat katengnga, ngotja' kadǎ sapanèka: „Tan-trètàn! bǎ'na kabbhi tanto padǎ ngèding otja'na WIRJO ghi' bhoeroe, sarta tanto la padǎ ngartè kabbhi karebbhǎ. Molana, tan-trètàn, bǎ'na kabbhi ta' ngennèng mellang kakarebbhǎnna WIRJO djārèja, sabǎb la klabǎn takdirra Ghoestè sè amorbhǎ djhǎghǎt, abǎ'na sè ondhoerǎ dǎri dhisa dǐnna', njarèa kasap ka naghārǎ laèn. Apa polè ghellǎ' abǎ'na la angghellǎrraghi, djhǎ' mostè noro' djhālàn sè ètodhoeaghi kerrès sangkolanna, sabǎb bāsèjaddhǎ rèng towana, ontongnga bhǎdhǎnna taghǎntong ka kerrèssa djārèja. Pandǎ' èdǎlèm bǎkto satèja, kerrèssa WIRJO ghi' kodhoe njèngghǎ dǎri dhisa Bǎngkal ghǎlloe. La kanta djārèja bǎngsèddhǎ ka sè andi'. Djārèja, tan-trètàn, mastè ètorodhi. Krana mon kerrès sangkolan djrèja èpaksa ètahan èdǐnna' bhǎi, dhisa Bǎngkal bǎn saèssèna kabbhi, mastè kadǎtengngan kasossa'an polè. Molana bǎ'na kabbhi la djhǎ' kèr-pèkkèran WIRJO sè ondhoerǎ dǎri dǐnna'; bhǎli' madjoe' podjhiaghi dǎ'ka sè Aghoeng, moghǎ-moghǎ abǎ'na saana'-binèna bǎdǎna è naghārǎna orèng, èparengana bǎrās salamet landjhǎng omor èpastèa atemmo so tja-kantja rèja bǎn mandhǎr taoa ako-bengko èdǐnna' polè. Sarrèna kerrès sè pangaro djārèja satèja la para' tadǎ'ǎ dǐnna', madjoe ormat klabǎn kabhoenga'an, sabǎb djārèja la klabǎn kasokanna Alla Ta'ala, sè tao aberri' djhālanna kaontongan bǎn kaslameddhǎn dǎ' ka sè andi', bǎn ka sèngko' kabbhi èdǐnna'.”

Saamponna haddjhi bhoeroe marè tja'-ngotja', rèng-orèng sè padǎ mèrengngaghi pas bheggħār sakalèng adǎ' sarta ladjhoe padǎ modjhiaghi WIRJO, moghǎ-moghǎ èlastarèaghiǎ mangghi kanog-grahanna Pangèran, alantaran dǎri kerrèssa ka'rowa. Kantos malem rèng-orèng sè padǎ jǎk-ghijǎghǎn è tjompo'na WIRJO. Dhinèng WIRJO, sanarè ampon rèpot sè ngaladhinè tja-kantjana, ghi' kobher bisaos sè sambǐ nolongè binèna sè ambhǎdhi tambhǎ; sabǎb: sapèsan tako' sè lètjèghǎ dǎ' towan Aspiran, krana ampon karè adjhǎndjhi, kapèng doewǎ'èpon krana terro ollèa atatolong dǎ' rèng-orèng Tjlorèng, sè ghǎdhoèǎn èbin gherring.

Kalagghoeǎnnèpon sabelloenna tja-kantjana djhǎghǎ tètòeng, WIRJO ampon marè ngàè' kerbhoejjǎ, sè ngaterraghiǎ tambhǎna dǎ' dhisa Tjlorèng. Dhisa èngghǎnèka sèdgheng nambhǎnna dǎri tjompo'na. Saplèmanna dǎri Tjlorèng, abǎ'na njepper dǎ' ghǎdhin sakeddjhǎ', nebbhoes ghoej-angghoejjǎ sè binè' sareng na'-ana'na.

Sareng ampon nattol ka tjompo'na, bit dhäboena towan Aspiran, ladjhoe ngella tambhä polè pan-saponapan polo bhoetol. Sakèng mandhina tambhäna èngghänèka, panjakèt èbin è dhisa Tjlorèng dälèm pa'bhelläs arè ampon bännja' korangngèpon.

Ta' abit saponapa ampon bädä sorat däri towan DE JAGER, njebbhoe>taghi manabi Wirjo tolos èpadhädhi mandoer, sarengngan salè-ollè sopadjä èngghälä mangkat. Gädjina kabidhän 40 ropèja saboelän tor polè ollè tjampo' prèi (tjampo' kongsi).

Sareng Wirjo narèma kabhär èngghänèka, pas andjhoewäl: kas-pakakassa tjompo'èpon, kerbhoejjä, djikarra sareng pakakas tanèna. Abä'na sanget berrä'na sè maondhoerä kerbhoejjä, amarghä ampon bännja' pètolongnga dä' abä'na, langkong-langkong èdälèm bākto abä'na malarat. Èngghi ontongnga kerbhoejjä èbelli kantjana, sè dhäsar pratèn dä' èbin, dhädhi atèna Wirjo pèndhä bädä bhoengana.

Wirjo lakè'-binè' ta' kellar rassana sè andhingghälä kampongnga, ponapa polè tja-kantjana, sè ampon pan-saponapan taon läng-saghoeloeng sèjang arè malem sareng abä'na, padä tjè' ta' tëghäna.

Sareng ampon nattol dä' bāktona sè mangkadhä, para' sadhädjäna orèng Bängkal padä èntar ka tjompo'na Wirjo, njangoè podjhi slamet sareng bhädhi ngaterraghiä.

Katjatora sareng Wirjo saana'-binèna ampon mangkat, bännja' tja-kantjana sè padä nangès. Dhinèng sè ta' ngater, kantos djhäoe sè mandheng sarengngan modjhiaghi moghä-moghä Wirjo saana'-binèna kaparèngana bäräs slamet tor onènga apangghi polè. Sareng ampon ta' katèngal, rèng-orèng èngghänèka bhoeroe padä palèman.

IXI.

Persil bhäko „Rabä-Tanto”.

Samangkèn kaoelä bädä è kotja Djember. Katjatora kotja panèka 50 taon sè tapongkor ghi' dhisa. È sakalènglèngnga possa' sareng alas sè djhrembhen. Orèng Bhoemè sè ambhähbät alas èkabhädhi sabä otabä tegghäl, namong kasorang kaðoewä tor kennengnganna tja-njalattja, ka'ijä sakonè', ka'issa sakonè'. Djhoeghä sareng è tana Djhäbä sadjan abit sadjan kakorangan tana sè èkabhädhiä persil kopi, bhäko sareng laènnèpon, para Bäländhä persil ladjhoe molaè noro' ambhähbät alas è bhäbä Djember, èbhädhi persil. Saamponna las-alas sè djhrembhen èngghänèka marè èboekka' sadhädjä, èpadhädhi persil kopi sareng bhäko, pas bännja' para Bäländhä persil sè aengghoen è bhäbä Djember. Sadjan abit sadjan bännja' para sodhaghär sareng dji-pardjädji

sè apo'-tjompò' èghika'ijà. Èdàlem sèket taon abittèpon Djember ampon dhàddhi kottà, sarengnan sadjān abit sadjān atambā rammè, panapa polè saamponna bādā seppoer, sè mowa' hasèlla tana èngghādijā dā' Sorbhādijā otabā dā' Panaroghān. Dhinèng kottā Djember ghāpanèka kennengnangnèpon lerres è tana rampa. Bā-sabā è kangan-katjèrra para' sadhādijā' ètamennè paḍi sareng bhāko, namong è tana paghoenongan sè bānnja' tamennan kopina. Samangkèn kaelā terro èntara dā' persil bhāko, sè ta' djhāoe ḍāri kottā. Dāri Djember kaelā nompa' eppir, mangkattèpon ghi' agghoe. È bāktò ghāpanèka samèlè ghi' lagghoe, kaelā ampon arassa panas, panapa polè manabi ampon bheddhoek otabā lèngsèr masè ta' kowadhā panassèpon. Eppir sè ètompā' kaelā djhārānna ros-koros, djhoeghā paboeroena bhānter, amarghā djhalānna lapang tor è kangan-katjèrra bānnja' bhoengkana asemma sè rampa', ngaobhi lorong. Toro' djhālān monjēna ghoengsèngnga djhārān ghāpanèka ta' pegghā' sèng-karèngsèngan. Djhā'-sakeddijā' koesirra ngetṭegghi djhārānna, sopadja' paberka'na sadjāna santa'. Sè katèngal è kangan-katjèrra djhālān ghellā': sabā saklangkong bānnja', sabānnè ètamennè djhāghoeng otabā tebbhoe, sabānnè ètamennè paḍi, djhoeghā sè nja'-bānnja'an ètamennè bhāko. È sabā sè ètamennè bhāko èngghānèka ta' rang-korang koli sè alako. para' sadhādijā' orèng Madhoerā, èadjengngè mandòerra. Ta' katjatora der-sinderrā bhāko sè nompa' bēndi èntara ngomèsi, bādā sè njalèp kaelā, paberka'na djhārānna tjē' ghantjangnga. Manabi ampon nattol dā' kennengnan sè èntarana, bēndina èsabā' è èmbong èbābāna ka'-bhoengka'an, sè noghoel koesirra; dhinèng towanna pas so'-njalosso' ka ko-bhāko ngomèsi tanemman ngèras sambi no'-ngono'è doer-mandòer otabā li-koli sè males. Èdhi'-seddhi'na bhāko èngghānèka bānnja' dāng-goedāng panjēmpennanna karoso' ngangghoej ata' kadjhāng. Manabi ḍāoenna bhāko ampon èpetṭèk, ladjhoe èsoddjhin, pas èdjhoemmor kangsè kerrèng. Dhoemèn ampon kerrèng, pas ènjamaè kroso'; ladjhoe èrempos, saamponna pas ètampè. Manabi ampon marè ètampè, pas èboewā' djikar dā' goedāng essèng, èngghi panèka kennengngan-nèpon maḍdhāi kroso' ghāpanèka mabi ghālāngsè. Ta' djhāoe ḍāri dāng-goedāng ghellā' bādā tjompò'na nē'-kennè' pan-sapona-pan mēgghi', èngghi panèka tjompò'na doer-mandòerra goedāng. Ta' abit kaelā ampon napa' ka „Rabā-Tanto". Dāri djhāoeān kaelā nēngalè tjompò' gheddhoeng sèttong, tja'èpōn ghāpanèka tjompò'na sinderrā bhāko. Dhinèng dhālemma towan „besarra" persil radjā tor djhembhār. Njamana towan bessar èngghānèka towan DE JAGER. Sanattolla dā' seddhi'na dhālemma towan bes-sar, eppir pas èsoro amboe, sabāb kaelā terro djār-klēndjārā èghika'ijā. Kadjhābhā kasorang kaelā ta' ghādhoen kennalan polè, èngghi panèka ana' sarèjangnga WIRJO, orèng dhisa Bāngkal Sangkolan.

ëngghärowa. Sapalëmanna (saamboena) WIRJO däri Rabä-Tanto, DOERAHMAN, ana' sarëjangnga, ëd hingghäl ëpangabdhì dä' towan DE JAGER. Sakëng temmenna tor pënterra, bhoeroe omor bälloe-belläs taon ampon ëpadhädhi manðoer goeðäng sareng towanna, tjompo'na ëseddhi'na kabessaran.

Samangkën kaoelä ngabidhänna akan dhä kabäðä'ännëpon WIRJO, saabiddhä dhädhi manðoer goeðäng è persil Rabä-Tanto. Sanat-tolla ka'kassa, WIRJO pas ngadhep dä' towan besser, saamponna ladjhoe molaè apangghäbäj. Ta' antara abit ampon katara kapënterrannëpon bäb miðing bhäko, sapanëka djhoeghä bäb pandjägäna kroso' ëðälëm goeðäng ngalangkongè däri tja-kantjana sè laën. Saabittëpon WIRJO ta' onëng doettjol däri kër-pëkkëran, panapa sè ëlakonana ëpëkkër sè klabän massa' dhi ngën, saamponna bhoeroe ëdjhälännaghi. Abä-tambä bäbategghä djhoedjhoer tor bhäðheng, mèlana abä'na pas dhädhi kapartjadjä'ännëpon towan DE JAGER. Li-koli sè ëorëngë WIRJO sadhädjä padä lëboer dä' abä'na, nglangkongè däri li-koli laënnëpon dä' manðoerra bäng-sëbäng, sabäppëpon ëngghi bäðä. Lerres abä'na kerras parëntana dä' li-kolina, djhoeghä djhoedjhoer ta' onëng merressan bhäbäna; bhidhä sareng doer-manðoer laënnëpon, serrëng njetjot ombhällä bhäbäna, ëghäbäj tambäna pangasëlanna dhibi'. Mëlana li-koli ghäpanëka pas sakè' atè dä' manðoerra, djhoeghä les-bälëssa pas tèbhä dä' persil. Sarrëna WIRJO ëkalëboeri sanget sareng li-kolina, mèlana doer-manðoer laënnëpon pas bäðjhi'. Panapa polè sareng nëngalè WIRJO serrëng ollè alemman däri towanna, salo'è atambä somëngngët ka manðoer sëttong ëngghänëka. La-mala serrëng WIRJO ëghoeghät (ëkella) dä' towan besser, djhoeghä ta' meðdhäs, sabäb sareng towan besser ta' ëangghep. Sakëng däri bäðjhi'na tja-kantjana, kantos bäðä manðoer kasorang sè mëtenna ka towan besser, sopadjä WIRJO ëleppasa däri pangghäbäjännëpon. Panëka djhoeghä ta' akakan. Bäðä tja-kantjana WIRJO sè anëjat ngambä'ä WIRJO è boeng-soboengnga, ëtokolana ëpakongseä lëtja'; nangëng bännja' sè ta' bängal, lantaran ampon mèrëng djhä' WIRJO ghä-dhoeän kerrës sangkolan sè talëbät maladhi dä' orëng sè asaddjhä sala. Abit-abit sarrëna pëtënnana orëng sareng towan besser ta' ëettjosë sakalè, pas tadä' orëng sè la'ngella'an WIRJO polè. Dhinëng bäb bertana kerrës sangkolannëpon WIRJO, sadjän abit è Rabä-Tanto sadjän misoewoer, mala kantos bärätta dhädhi sa-Djember.

Sareng sabätara abittëpon WIRJO sè dhädhi manðoer è persil Rabä-Tanto, ladjhoe molaè osom bhäko. Sanarè tamënnan bhäko è-saè, panapa polè è bhäbäna WIRJO, kantos andhädhiaghi sen-nengnga towan besser, djhoeghä di-boedina lako saamponna marè osom bhäko, ondernëmëng ghi' maksa rogi. Panëka mar-ghäna, sabäb è bäkto osom kroso' bännja' goeðäng katonon. Däri

segghoeddhā katonon, kadhāng dālem sataon bādā goeḏāng sē kantos èobāi tello kalè. Namong goeḏāngnga WIRJO èparèngè lopot ḏāri apoj. Towan bessar sareng der-sinder laènnèpon sanget ghettonna, mèkkèrè bāb èngghānēka. Dhinèng manabi noro' pangèrana tja-kantjana, mèlana goeḏāngnga WIRJO èparèngè salamet ḏāri apoj, sabāb WIRJO ghāḏhoeān kerrès pangaro. Sadjān abit WIRJO sadjān èadjhinè sareng tja-kantjana.

È nalēka sèttong arè bādā ghoe-lagghoe, lerres kalagghoeāna bādā goeḏāng katonon, bādā manḏoer towa kasorang njabis ka towan bessar, mator onèng bāb kapangaroannèpon kerrèssa WIRJO; djhoeghā towan bessar ta' ngangghèp sama sakalè ḏā' atorra manḏoer bhoeroe, mala èkalā'-ghellā'. Tja'na ghālina towan DE JAGER, mèlana goeḏāngnga ḏoer-manḏoer laèna serrèng katonon, sabāb li-kolina bānja' sē sakè' atè ka manḏoerra, djhoeghā towan bessar ta' mangghi djhālān sē ngorosa. manḏoer sē ka'kemma sē èkasakè'è atè li-kolina èngghānēka. Ta' abit pas bādā sinder mator ḏā' towan DE JAGER, sopadjā WIRJO èallèa ḏā' kennengngan, sē goeḏāngnga serrèng katonon. Atorra sinder bhoeroe èngghi èkabbhoeli, mèlana ta' antara abit WIRJO ladjhoe èallè ḏā' ghika'ijā onghhoe.

Sareng sabātara mènggoe abiddhā WIRJO bādā è kennengngan sē anjar, karoeseoēn sadjān abit sadjān ollè korang, abit-abit èngghi pas salamet, taḏā' goeḏāng èsoleddhi orèng kadhi ḏhingēna; bāb panēka andhādhiaghi ghettonna orèng bānnjā'. Doer-manḏoer laènnèpon sadjānè jākèn, djhā' kerrès sangkolanna WIRJO pangaro onghhoe, djhoeghā towan bessar ta' partjadjā sakontjo'na oboe' bhālāka'a. Pamangghina towan DE JAGER: manabi goeḏāng è bhābāna WIRJO taḏā' sē katonon, ghāpanēka ta' sakèng ḏāri kerrèssa, nangèng ḏāri orèngnga dhibi'.

Djhoeghā è nalēka sèttong arè towan bessar nèmbhāli WIRJO, djhoeghān, marèksa'a parkara èngghānēka. Sareng WIRJO ampon ngadhep, towan bessar ladjhoe marèksa: „WIRJO, apa bhender dhibi'na tja'na rēng-orèng rēja andi' kerrès sangkolan sē pangaro kowa?”

WIRJO „Èngghi, towan bessar. Manabi djoenan-dhālem kasokan ngoladhāna, sareng dhi-dhālen èkala'a; bhoenten ta' sakèng karana terro èèdhirraghiā, towan bessar, sabāb bāb panēka èpamangghi abdhi-dhālem ta' saè, tjoma djoenan-dhālem ma' ollè ngaghāli.”

Towan bessar: „Ella, la dhina, laèn arè bhāi. Satèja sèngko' terro atanja'a ka bā'na, tja'na orèng, kerrèssa djārèja tao masalamet dhibi'na, sanaddjān bā'na bādā'ā ḏimma. Apa bā'na partjadjā, Jo?”

WIRJO: „Èngghi, towan bessar, sabāb dhi-dhālem ampon serrèng nètènè, tor ampon onèng rassana bādā bhoektèèpon, djhā' onèng maslamet dhi-dhālem. Bhoektè sē njata, èngghi dhi-dhālem sē pas mangghi kalakoan èka'into panēka.”

Towan bessar: „Apa bá'na sè pas dháddhi mandoer èdinna' rēja ta' alantaran dári partolonganna towan MAARTEN? Dháddhi mon tja' sèngko' bännè dári kerrèssa djàrēja. Nangèng apa bá'na partadjá cngghoe, Jo, djhá' dāng-goedāng sè ètegghoe' bá'na kan taqlá' orèng njomet, alantaran dári kerrès sangkolanna djàrēja?”

WIRJO: „Parkara panéka dhi-dhālem ta' bāngal mator, towan bessar, djhoeghá dhi-dhālem jákèn, manabi kerrès dhi-dhālem ka'dinto njellebbhi dā' ondernēmeng kaaghoengan dhālem.”

Towan bessar: „Kèra-kèra apa sè dháddhi lantaranna è pan-bārampan kennengngan ma' segghoet kadháddhiān goedāng katonon, WIRJO? Pola dhibi'na mè' tao sabábbhá?”

WIRJO: „Èngghi, onèng, towan bessar, djhoeghá dhi-dhālem tako' sè tor-matora dā' djoenan-dhālem, tako' mè' ta' èangghèp. Sarrèna samangkèn djoenan-dhālem dhibi' marèksa bāb ka'dinto, dháddhi dhi-dhālem bāngal mator salerressa. Saèstoèpon towan bessar, parkara katononna dāng-goedāng ka'dinto sè sala man-djoerra.”

Towan bessar: „Mandoerra? Apa marghána bá'na mè' pas andi' panarka bārijá bhái?”

WIRJO: „Djoenan-dhālem ollè dháddhi ta' ngaghali. towan bessar, manabi sè kabānnja'an djoer-mandoer ka'dinto ta' djhoe-djhoer. dhoedjan merressan sareng njettoelhan bādjarānnèpon likolina.”

Towan bessar: „Doe ma' dháddhi ghellem ères-perres bārijá so mandoerrá?”

WIRJO: „Marèpon, sè ta' porona kadhi ponapa. djoenan-dhālem ngaghali dhibi'. Manabi djoenan-dhālem kasokan mondhoechá katerrangngānnèpon. sapanéka: „Opama badā koli arao tamennan bhāko. Lā, panéka manabi ampon marè tor sanarè ampon rēdjik raōānnèpon, mandoerra ghi' maksa ta' poron narèma. badā saos sè èpèddhoeaghi. Dháddhi, sarrèna li-koli ka'into bhoedhoe, towan bessar, kobātèr bādjarānnèpon tako' mè' ta' èparèngngaghi. pas sè sabāgiān èdjhoeloeaghi ka mandoerrā, anggher klakoānnèpon ètarèma bisaos. Manabi sapanéka, bhoeroe mandoerrā poron narèma. Kalabān djhālān sapanéka, towan bessar, ampon tanto bisaos li-koli sè ères-perres bādjarānnèpon bhoeroe, pas sakè' atè. mèlana pas terro makalèra mandoerrā klabhān djālān marogi ondernēmeng; è bakto malem goedāngngèpon mandoer sè dhoedjan merressan koli pas èobbhār. Sabāb tja'èpon sè koli ampon tanto mandoerra ollè dhádhoečan dári djoenan-dhālem otabā mon ta' kalerressan pas èleppas. Èngghi ta' manglo, towan bessar, li-koli ka'into sè pas sakè'a atè, amarghá sè alalakon saarè bhentèng akatang è panassa, mangka sareng ampon narèma bādjarān, ta' onèng narèma ghenna'. Ghi' bānnja' tongghallèpon, towan bessar, bāb sè kadhi ka'dinto.”

Towan bessar: „WIRJO, otja'na bá'na djäreja bädä mäso'na ka tang akal, nangèng sènga', bá'na mèsètè tao dhibi', mon sèngko' anjata'aghi parkara djäreja, mangka pas ta' nemmo bhoektè pa-apa, otja'na bá'na djäreja mastè makan towan! Ngartè!”

WIRJO: „Sae, towan bessar; manabi dhi-dhålem mator lètjèk dā' djoenan-dhålem, djhā' engghān polè épaođi', épātè'è sakalè dhi-dhålem ta' mator bhoenten. Djhoeghā manabi djoenan-dhålem bhādhi anjata'aghiā ator dhi-dhålem, kasokana djoenan-dhålem ngangghoej kaadhilān, sopadjā tadā'ā è tongka' tadā'ā è dāi. Manabi djoenan-dhålem ampon marèksa klabān adhil, dhi-dhålem bāngal keftoghān lè'èr, djhā' bhādhi mangghia bhoektè sè njata.”

Towan bessar: „Parkara djäreja sèngko' la tanto marèksa sè kalabān adhil; bá'na ta' osa tēr-kobātèr. Ella, kassa, nangèng sènga', djhā' tor-totor ka orèng parkara djäreja!”

Sareng WIRJO ampon njerot, towan bessar ladjhoe tjengngeng padā'na mēdjā tolèssa, ghālina: „Parkara rēja mohal sèngko' sè ta' ngēdīng kabhār. Bārijā kēja der-sinder laēnna, ta' ollè dhādhi sè ta' taoa, djhā' 'èdālem ondernēmeng la'dinna' bānnja' doer-mandoe sè djahat. Nangèng sèngko' satengnga partjadjā ka otja'na WIRJO ghellā'. Satēja sè ékasossa sèngko' sè ngorosa parkara djäreja bārāmma, sopadjā doer-mandoe laēnna ta' anđiā atè tambhoeroēān. Pa, la dhina, ka, sèngko' ta' sa'sossa'a parkara djäreja. Pandā', sèngko' njareā bhoektè sè njata, sampè' nemmo, bān pa'sapa'a éantarana doer-mandoe sè apangghābāj ta' djhoedjhoer, kanđa otja'na WIRJO arowa, djādijā lalakan!”

Saamponna marè kēr-pèkkèran sapanēka towan DE JAGER pas terros mējos ngomēsi pabhakoan. Kabidhān sè éparèksa li-koli sabātara, épèlè wa-towana, saamponna ladjhoe laēnnēpon, kantos para' sadhādijāna li-koli sè éparèksa. Sè éparèksa dā-adā'na ngalèng, dāri tako', djhoeghān di-boedjina ngako, otja'na: „Lerres, towan bessar, dhāboe djoenan-dhålem. Dhi-dhålem kodhoe alalakon abhāntèng abā', djhoeghā manabi ampon bādjarān, ta' onèng narēma ghenna', bādā bisaos sareng mandoeerra sè épotong, épotong ka'dinto, épotong ka'dinto; korang parèksa panapa marghāna. Dhinèng manabi dhi-dhålem sakantja'an bāngal mamadhoel bāb panēka dā' djoenan-dhålem, dhi-dhålem sakantja'an ta' kera salamet, alalakon ta' mangghi era saharè ampon rēdjik, panapa polè manabi sala. Dā-padā mandoe towan bessar, namong WIRJO sè è-sačan sareng djhoer-djhoedjhoerān.”

Towan bessar kantos malem sè ngoros parkara èngghānēka. Bekkasan kanjata'an, manabi atorra WIRJO èngghārowa lerres sadhādijā, sarengngan doer-mandoe sè atèngka ka dhi èngghānēka ampon épangghi sadhādijā. È bādā lem-malem towan DE JAGER pas ngompollaghi sadhādijāna doer-mandoeerra ka dhålemma. Sareng ampon apolong, towan bessar pas adhāboe sapanēka: „Doer-

mandoer, sèngko' la anjata'aghi dhibi', djhā' èantarana bā'na kabbhi, bādā sè ta' djhoedjhoer atēna, dhāddhi tokang boedjoe', dhoedjān merressan bādjarāna li-koli, sampè' li-koli rēja bānnja' sè sakè' atē, pas ngobbhār goedāng, aghābāj rogina ondernēmeng. Bān sèngko' la tao doer-mandoer sè kemma sè atēngka mara djārēja, ijā arēja: sèttong Astro, doewā' KARTODJONO bān tello' SOEKIMAN. Doer-mandoer sè katello rēja satēja kēja so sèngko' èleppas sarta mastè dhoeli ondhoer dāri dīnna', sabāb sèngko' ta' terro ngatēla'a mowana polè." Sè adhāboe sapanēka sambi nodhing dā' doer-mandoer sè katello bhoeroe, sopadjā èngghālā ondhoer. Doer-mandoer panēka pas kalowar on-laonan klabān kasossaen, amarghā kasta, sè apangghābāj ta' klabān sadjhoedjhoerrā. Dhinèng doer-mandoer sè laèn, nondoe' bisaos, sabāb tako' èlep-pas djoeghā. Namong WIRJO sè bāngal onga' mandheng bisaos dā' towan bessar, djhā' matora, sapanēka: „Kadhi panapa, towan bessar, lètjèk ator dhi-dhālem ghellā' ghi' agghoe èngghārowa?”

Saamponna doer-mandoer sè katello ondhoer, towan bessar pas adhāboe ka sè laèn: „Doer-mandoer sè laèn! bā'na kabbhi taoa, molana bā'na ta' èosèr sakalè dāri dīnna', endjā' ta' krana kanjata'an djhoedjhoer, endjā', sakèng sèngko' ghi' aparèng ampon ka bā'na. Molana bā'na kabbhi bi' tē-atē apangghābāj, sèngko' ghi' lèk-nèlèghāna klakoanna bā'na. Laèn arè, bilā bādā goedāng katonon polè, mandoer sè andi' tangghoengan djārēja la tadā' saporana, so sèngko' mostè èleppas. Molana kēnga'è ongghoe tang otja' rēja. bān djāgā, djhā' sampè' bādā goedāng katonon polè. Dhinèng mandoer sè ella njata djhoedjhoer dālem pangghābājāna, ta' osa tēr-kobātēr. Ella, mara satēja la abāli polè dā' klakoanna bāng-sèbāng!”

Saamponna marè èdhāboei sapanēka, doer-mandoer ghāpanēka pas kalowar dāri kantorān, terros palēman. Nasèhattēpon towan bessar bhoeroe ètoro' ghoe-ongghoe sareng doer-mandoer, tandhāna kabit dāri nalēka ghāpanēka saterrossēpon pas rangrang, mala kènggèng kotja' tadā' goedāng katonon sakalè, sarengngan polè li-kolina pas padā ta' angghāndhoe' atē ka doer-mandoerra.

WIRJO saklangkong bhoengana, amarghā atorra dā' towan bessar bādā bhoektēna, dhāddhi bānnè ghābājān. Sarrēna samangkèn tadā' goedāng katonon polè, dhāddhi towan bessar sanget kaprotangan dā' mandoer WIRJO, sè ngatorè djhālān lantarāna kaslameddhan. Mēnangka tandhā kaprotangannēpon, gādina pas èpaongghā 20 ropēja, dhāddhi 60 ropēja saboelāna; lantaran ghāpanēka abā'na ollè long-molong sabāgiān dāri gādina. Saamponna notop taon. WIRJO ghi' ollè persèn polè dāri towan bessar sakalèng adā' bānnja'èpon 300 ropēja. Sanarè doer-mandoer laèn-nēpon èngghi padā ollè persèn, djhoeghā ta' bānnja' kadhi WIRJO, amarghā goedāngnga WIRJO èngghānēka sè palèng bānnja' ollēna

kaontongan tor ta' onèng rassana katonon sama sakalè. WIRJO sanarè ollè alemman, panapa polè persèn bännja' dāri towan bessar, bhoenten ta' pas males, sadjānè atambā bhādjheng. È osom kroso' doe kalèna Rabā-Tanto talèbāt bännja'na ollèna kroso', abhādhi ghettonna ra-lorana, sabāb saeddjheghā ghi' ta' onèng rassana ollè bhāko bännja' sapanèka. Bännè namong goe-qlāngnga WIRJO bisaos sè possa' sareng kroso', terros ka sè laèn-nèpon èngghi sapanèka djhoeghā. Ghi' taon sè pon-ampon li-koli sareng doer-mandøerra ondernèmeng Rabā-Tanto padā les-males sadhādja; samangkèn sareng WIRJO dhāddhi mandøer èghika'ijā, kabādā'ānnèpon pas aobā, sadhādja ladjhoe padā nèroè kabhādjheng-nganna WIRJO; sarrèna mandøer sè sèttong ta' poron kala ka sèttongnga è bāb pamèjarana bhāko, dhāddhi pas kadhi sè areb-bhoe' djhoeng saèan.

Katjatora ondernèmeng laènnèpon, sè abātessan sareng persil Rabā-Tanto, padā aèrè nèngalè radjāna kaontonganna persilla towan DE JAGER, halla kaontongannèpon ondernèmeng sè laèn èngghānèka ampon kabilāng saè.

Tadā' orèng sè onènga ka sabābbhā persil Rabā-Tanto ma' pas madjhoe sapanèka, kadjhābhāèpon towan bessar. Èngghi marghāna dāri WIRJO, sabāb mandøer panèka sè ngobā kabādā'ān sè ta' saè. Mèlana towan bessarra saklangkong kaprotangan ka mandøer WIRJO ghāpanèka.

Sarrèna doer-mandøer ampon ta' merressan koli, sè koli èngghi pas ta' onèng ngobbhārān goedāng. Sapanèka djhoeghā WIRJO, bhoenga atèna, sabāb saeddjheghā abā'na dhāddhi mandøer èghika'ijā, pas bännja' probhā'ān sè è-saè, kantos andhāddhiaghi madjhoena ondernèmeng; doer-mandøer sareng li-kolina padā rokon. Parkara panèka nambāi kokona kapartjadjā'ānna WIRJO dā' kerrès posakana, djhā' lerres tjellebbhān ongghoe, mèlana pas èmot dā' bāsèjaddhā mama'na, sapanèka: „Arèja kerrès sangkolan, tjong, djhā' paondhoer dā' man-kamman, sabāb mon kerrès rèja bādā è bengkona bhāi, bā'na bhākal ollèa kaontongan bān kaslameddhān.”

XII.

Malèng katello.

Katjatora WIRJO sè dhāddhi mandøer è persil Rabā-Tanto, ka mangkèn ampon ollè doe taon, tor ampon èangkat dhāddhi hop mandøer. Saamponna marè osom bhāko, abā'na pas ollè lagghāng, mèlana ladjhoe ghādhoeān ennjet terro aparmèsia ka towan bessar, njapodhā tja-kantjana è Bāngkal. Sareng towanna WIRJO èparèngè parmèsi saboelān. Sarrèna ampon abit sè andhingghāl

kampongnga, dhāddhi samangkèn abā'na sareng ana'-binèna ampon paḍā kerrong. Tandhāna manabi kalerressan ra'-tèra' boelān, Wirjo lakè'-binè' pas djoe'-todjoe' è tanèjanna, sè èkagessa taḍā' polè, kadjhābhā tja-kantjana è Bāngkal, mèlana pas terro sè palèmana. Èḍālem doe taon èngghānèka abā'na sè long-molong pèssè ollè 1000 ropèja, djhoeghā sabbhān boelān ghi' ètambā bisaos; mèlana ta' sossa bāb parkara sango.

Sareng ampon para' mangkadhā, Wirjo pas njabis ka towan bessar, parlonā sapèsan terro njo'ona paamèdhān, kapèng doewā'-na terro matoro'a kerrèssa, sabāb ta' èbhākta'a. Sanattolla dā' kantorān, Wirjo ladjhoe ngala' kerrèssa sambī mator sapanèka: „Manabi ta' andhāddhiaghi rēmbheddhā pangghāliānnèpon towan bessar, abādhi-dhālem terro matoro'a kerrès panèka èka'into, kantos dhi-dhālem palèman ka'anto polè.”

Towan bessar: „Ijā, la dhina, nangèng sèngko' hèran, arapa ma' ta' èangghoej bhāi, sabāb la bijāsana orèng Djhābā, mon èntara adjhālānan èmostèaghi njongkèl kerrès.”

Wirjo: „Kappraèpon kadhi ka'ḍinto, towan bessar, djhoeghā dhi-dhālem takò' kasta kadhi ḍhingèn polè. Ghi' ḍhingèn kerrès panèka onèng èbhākta akolemman ka dhisa laèn sareng dhi-dhālem. Mangka prappa'na rèng-orèng aneng-sennengngan, dhi-dhālem pas èsosol, tjompo' dhi-dhālem katonon. Dhi-dhālem èngghāl palèman. terro anjata'aghiā dhibi' bāb èngghānèka. Sanattolla ka Bāngkal, njata, djhā' bānnè tjompo' dhi-dhālem dhibi' bisaos sè katonon, djhoeghā tjompo' laènna, kantos sapolo koren sè èabi' apoj. Kabit ḍāri nalèka ghāpanèka dhi-dhālem pas malarat, kapaksa ngoli ka pabbrik, sabāb rāngbhāráng dhi-dhālem ampon ghemmet sadhādja, sabā dhi-dhālem èsèwa'aghi ka pabbrik ghoelā Soeko-Widi sadhādja èbhādhi ghāntèpon pèssèna tja-kantja sè èpatoro' dā' dhi-dhālem krana obāng bhoeroe tanoro' èkello' apoj sakalè. Djhā' sakènga kerrès ka'ḍinto ta' èbhākta'a akolemman, tanto dhi-dhālem ta' kèra mangghi kabhālāi kadhi bhoeroe, towan bessar. Panèka marghāèpon, mèlana dhi-dhālem samangkèn takò' sè ambhākta'a kerrès ka'into polè, sabāb dhi-dhālem ampon arassa, èka'ḍinto masè pas bādā'ā kakalèran, manabi dhi-dhālem maksa ambhākta kerrès panèka. Dhāddhi sareng dhi-dhālem èpatoro'a èka'into bisaos.”

Towan DE JAGER pas kasokan myarsa atorra Wirjo bhoeroe ladjhoe adhaboe sapanèka: „Mon bārijā ijā la dhina, sabā' ḍinna' bhāi. Ella, mara mandhār paḍā'ā salamat, jā!”

Saamponna marè apaamèdhān, Wirjo sareng ana'-binèna pas mangkat dā' Bāngkal.

Samangkèn bhādhi èkandhā'aghiā, panapa sè ampon kadhādhiān è persil Rabā-Tanto, saabiddhā Wirjo aparmèsi ka Bāngkal.

È nalèka sèttong arè bādja pokol pètto' bhāri' èadā'èpon kantoranna towan bessar rammè sareng li-koli, sè paḍā narèma'a

bădjărănnèpon. Towan bessar sareng sinder kasorang saklangkong rèpoddhā sē madjāri li-koli bhoeroe, abittèpon kantos saeddhām, bhoeroe marè. Sabānnēna saamponna narēma bhădjārān, li-koli bhoeroe bădā sē pas palēman, sabānnē bădā sē ghi' adjhădjhān ē băroeng, mellē kopi sareng ghoeringnga gheddhāng, sabānnē bădā sē lē-mellē kaparloannèpon ē tjompo'na. È băkto ghăpanēka ē lorong saklangkong rammēèpon sareng li-koli. sē padā anga-bhoenga, amarghā ghi' bhoeroe narēma bădjārān.

Katjatora prappa'na towan bessar atjēmeng sē madjāri koli, bădā malēng katello lebbhoe ka pakarangannèpon, maso' dāri bingkēng, naē' ē paghār alassa dhălemma. Sarrēna ē băkto ēngghănēka petteng, dhăddhi tađā' orēng nēngalē. Sareng bă-tara 20 mēter nambhănnèpon dāri kennengnganna towan bessar sē madjāri li-koli, malēng sē sēttong ladjhoe nēngkong, ngērrem ēboedina kadjoēān, kantos ra-kēra sapolo mennēt abittèpon. Kađoewāna ēngghi noro' pato djhoeghā. Malēng sē đā'-adā' ladjhoe adjhālān rangka', maso' dāri labāng boedi, terros maso' ka roma, pas ngētek ēbābāna đifan. Dhinēng malēng kasorangnga ghi' ngētek bisaos, ngantos lobārra bădjārān. Ta' abit sē kasorang ladjhoe ngangsek kaadā', ngērrem ē bhoen-kebbhoe-nan, ēbābāna krotong.

Saamponna towan bessar marè madjāri koli, ladjhoe adhă'ār asareng sinderrā. Sē adhă'ār padā semmo kasoesoe, krana towan DE JAGER ghi' njerradhā sorat, sē parlo ēpadjhālān kalagghoeān-nèpon ka eppos, towan sinder ghi' ngongghā'aghia bădjărănnèpon koli ka boekoena, mēlaèpon saamponna marè adhă'ār, towan sinder pas palēman; ē băkto ghăpanēka ra-kēra ampon pokol sanga'. Towan bessar pas lebbhoe đā' kantoranna, njerat sorat. Ra-kēra pokol sabellās ghi' bhoeroe marè. Sareng ampon djhăghā dāri korsēna, ladjhoe nēngalē kerrēssa WIRJO, sē ēpakāē' ē tēmbo' ēattassa đifan. Ghālina sapanēka: „Hērān ongghoe sēngko' đā' WIRJO arowa, mē' dhăddhi tjē' partjadjāna ka kerrēs arēja, kotja' abā'na pēnter sarta la toboek lāng-saghoeloeng so Bălāndhā. Djhā' sakēnga orēng laēn sē ghi' bhoedhoe. sēngko' la ta' kasamboē'. Nangēng parkara djārēja ta' dhăddhi apa, sē parlo ka sēngko': abā'na djhoedjhoer tor bhădjheng, tang ondernēmeng saddjhek andi' man'oeer djārēja pas sadjānē atambā madjhoe.”

Saamponna marè kēr-pékkēran sapanēka sareng towan bessar kerrēs ēngghănēka pas ēdjhāngngo, terro ētēngalana bi' bāsbas; teppa'na andjhāngngo sapatoena ladjhoe arassa kadhi sē ngennēng andhoempak orēng, sarengngan sē ēkennēng dhoempak pas aērsēt dhibi' kadālem. Towan bessar tjengngeng sakeddjhā', ta' abit kerrēs sē ēdjāngo ladjhoe ēlaboeng. Sambī ngastānē bāi'na kerrēs, ghālina sapanēka: „Dhina, mon satēja sēngko' ta' kērēs; ēbābāna đifan arēja tanto bădā orēngnga. Lomrana malēng la'dinna' ta' njēkebbhān sandjhāta apoj, mon kerrēs, ija. Bān polē tanto bădā

bhärengnga. Molana entè-atèa bhäi, sabäb mon malèng djrèja taproppongan, ta' boeroeng njojto. Dhälloe', sèngko' kalowara bhäi, mènta'a tolong ka tang reng-bhäreng."

Saamponna marè kèr-pèkkèran sapanèka, towan bessar ladjhoe kalowar, lèbät è labäng boèdi sarengngan pas aorak kadja sapanèka: „SIDIN, AMAT! kanna' ghäntjangan, rèja' bädä malèng!"

Ta' abit pas bädä orèng kasorang njongop dāri bhāroemana dīfan, ta' aodhengngan, ta' aklambhiān. Sareng towan DE JAGER ngoladhi bädä tjetagghā orèng ngongol è bhāroemana dīfan, èngghāl ètjandhāk oboe'na sarengngan sambī rak-oraghān: „Ma-ling, maling!" Malèng bhoeroe adjheng-ghoedjheng, karebbhā njotjoa, djhoeghā towan bessar èngghāl ngala' kerrèssa WIRJO, dhāboena: „Mara paterros, njotjo! Nangèng sènga', mon bā'na ètjapo' kerrès rèja, ta' kèra njambhāt emboe' polè." Sanarè malèng èngghānèka ampon ta' kèngèng aghoeli sama sakalè, djhoeghā sareng towan DE JAGER ghi' ètjekkadhī bisaos oboe'na. Ta' abit salèrana pas palasdhā dā' malèng èngghānèka, èngghi panèka ASTRO, mandoe sè èleppas èngghārowa. Sareng ASTRO ta' kowat sakè', kerrèssa pas èpaghāghhār, sambī ngotja' sapanèka: „Kaoelā njo'ona saporā, towan bessar, otjollaghi!" Sè ngotja' sapanèka .li-bāliān. Towan bessar njambhit: „Ija antos sadātengnga reng-bhäreng dhälloe, so sèngko' pas èotjola."

Saamponna SIDIN sareng AMAT njandher, ASTRO pas èngghāl èrèkkep sarta pas èpèngkot soko-tanangnga, kantos ta' kèngèng abhimbhā polè. SIDIN sareng AMAT mator ka towanna, djhā' nalèka pakalowarra, nèngalè orèng kadoewā padā boeroe. Pangè-rana, tanto ghāpanèka malèngnga, mèlana pas ètabang, djhoeghā ta' ètjapo'. Dhinèng ASTRO sè ètlèkong ghi' ta' amboe sè ngotja' njo'ona saporā sambī ngotak bhādhānna. Towan DE JAGER pas marèksa: „Sapa bhärengnga kadoewāna arowa?"

ASTRO: „Korang prèksa, towan bessar, kaoelā ta' onèng."

Towan bessar: „Apa bā'na ta' ngakoa, bangsat? Ijā, mara paterros sè mongkèr, kèdi' bā'na ètjapo' kerrès arèja, ta' boeroeng bhāngka; ella, bā'na ta' ngakoa?"

ASTRO: „Bhoenten, towan besar, kaoelā ngakoa. Sareng kaoelā kadoewāna: KARTODJONO sareng SOEKIMAN. Ghellā' ngètek è bhoen-kebbhoenan èbābāna krotong. Djhā' sakènga dhi-dhālem ta' èdhina'-aghi boeroe, sareng dhi-dhālem ta' èkabālā njamana."

Towan besar: „Bangsat! Bāddhinna sèdā sè njotjoa sèngko', ngètjo'a sang pèssè? AMAT, djāgā, jā, èdijā, sèngko' ghi' arep-podhā ka poelisi è kotja, bangsat arèja ma' èghiring ka seppir bān kantjana ma' èsarè è kèja."

Saprapat eddjhām agghi' towan bessar ampon mangkat dā' kotja, nètènè dōkar. Toro' djhalān èmot dā' atorra WIRJO sè sapanèka: „Dhi-dhālem ampon arassa, djhā' è persil Rabā-Tanto panèka bhādhi bādā'ā kakalèran, manabi dhi-dhālem maksa am-

bhākta kerrès panèka." Towan bessar pas apèkkèr sapanèka: „Mon bārijā, apa kerrès arowa laku pangaro onghhoe, apa, sampè' tao nolak kabhālāi bān maontong ka sè andi'?" Sanarè ampon sapanèka, djhoeghā towan DE JAGER ghi' matètteng ta' partjadjā dā' kerrèssa WIRJO, djhā' pangaro, sabāb sadhādjanā sè ampon kadhāddhiān, namong pas kalerressan bisaos. Manabi WIRJO mè-reng, djhā' dhālemma towan bessar èlebbhoenè malèng, djhoeghā slamet, mala malèngnga kèngèng pèghā', ampon tanto sadjanè sekken kapartjadjā'annèpon ka kerrèssa.

Towan bessar sanget kaprotangan ka WIRJO; mèlana berrā' sè ambhākta'a kerrèssa ka Bāngkal, amarghā abā'na ampon arassa, djhā' è persil Rabā-Tanto bhādhi bādā'ā kakalèran. Mangka pas onghhoeān.

Bādjā tengnga malem towan bessar ampon nattol dā' kotta Djember, pas terros dā' dhālemma towan Pètòr. Towan Pètòr èpangghi ampon asarè, djhoeghā sareng towan DE JAGER ètoktok labāngnga; towan Pètòr abit-abit èngghi pas mèdjhil. Ta' abit towan sè kaḍoewā pas mangkat dā' Rabā-Tanto nètènè dokar, apangèrèng poelisi bānnja' nompā' djhārān. Toro' djhālān towan DE JAGER agessa bāb sè njandhāk malèng dāri kabidhān kantos dā' bekkasan; sapanèka djhoeghā bāb kerrèssa WIRJO. Towan Pètòr pas adhāboe: „Èngghi, kerrès posaka panèka laku bānnja' kaanèannèpon. Sareng orèng Djhābā èsangka onèng atatolong ka abā'na: tjellebbhān, èkamora radjhekkè sareng èn-laènna. Djhoeghā sè ghādhoen ta' angrasa: opama ta' alalakon, djhā' ta' kèra ollè kaontongan pa-ponapa. Kadhāng manabi sè ghādhoen mangghi akal pa-ponapa, sè kantos andhāddhiaghi kaontongan bhālā, ghāpanèka tja'èpon alantaran dāri kerrèssa djhoeghān. Ebbā sapanèka ampon adjhāng sampèjan kaprotangan dā' mandorra èngghānèka, sabāb kalana sè matoro' kerrèssa ka sampèjan atèna jakèn, djhā' kerrès ghāpanèka bhādhi andhāddhiaghiā kasalameddhānna sampèjan. Mala kantos kabingkèng arèna sampèjan bhādhi salameddhā terros."

Towan besar: „Mè' sapanèka?"

Towan Pètòr: „Sampèjan bhādhi ta' onènga kamalèngan polè, sabāb lèng-malèng ampon onèng, manabi sampèjan kaengghoenan kerrèssa WIRJO, sè onèng mèghā' malèng. Mangkèn èngghi tètènè èbingkèng arè! Lèng-malèng ghāpanèka tanto tako' sè apara'a dā' dhālemma, sabāb badjingan panèka bijāsana sara partjadjā'ānna dā' kapangaroannèpon kerrès sè kadhi èngghānèka."

Towan bessar: „Manabi sapanèka, dhāddhi sadjan lèpet kaprotangan kaolā ka WIRJO."

Ta' abit dāri sè asa-gessa kadhi èngghānèka, towan Pètòr sareng towan DE JAGER ampon nattol dā' Rabā-Tanto. Pata saprapat eddhām agghi' si-poelisi laennèpon ampon dāteng djhoeghān.

ASTRO èparèksa sarèng towan Pètor; ASTRO mator salerressa, mala kantos dā' sarengnga sè kaḍoewā èsambhāt sakalè. Saamponna marè èparèksa, pasakèdhān pas èkalèntong, èbhākta ka kottā, èrèngngaghi opas kaḍoewā, terros ètahan è patandhān.

Saamponna, towan bessar pas ngaterraghi towan Pètor dā' kottā, napa'na ka Rabā-Tanto ampon pokol lèma' para' sèjang. È bākto èngghānèka monjèna tongtong ampon ramè, ngolok li-koli sè apangghābājā. Sareng ampon sèjang, bāb bertana malèng ampon bāratta dhāddhi sapersil, mala kantos dāpa' dā' Djember. Dhinèng rasanna li-koli, mèlana malèngnga kèngèng pèghā', taḍā' laèn tjoma alantaran dāri kerrèssa Wirjo; kerrès ghāpanèka sè dhāddhi lantaranna kaslameddhānna persil Rabā-Tanto. Mèlana ampon pantessa towan bessar sè sangeddhā kaprotangan dā' sè ghāḍhoeān, amarghā saeddjheghā kerrès èngghānèka bāḍā èghi-ka'ijā, tamennan bhāko paḍā è-saè, kantos ondernèmeng bānnja' kaontongannèpon, tor polè parkara katononan goelāng pas taḍā' sama sakalè.

Ella' doe arè KARTODJONO sareng SOEKIMAN ampon kèngèng pèghā' djhoeghā. Sabelloenna katangkep, malèng kaḍoewāna boeroe dā' bhābā Bhāsokè, sabāb mèrèng kabhār, djhā' èsarè'è poelisi; nangèng bekkasannèpon èngghi ghi' kèngèng pèghā' djoeghān.

Pata ollè saboelān malèng sè katello èngghānèka pas èparèksa è Landraad. ASTRO ampon ta' kèngèng mongkèr polè, namong KARTODJONO sareng SOEKIMAN matètteng sakalè pamongkèrra, djhoeghā di-boedina ghi' katerghā, sabāb èkèkkè' ASTRO. Sareng pangadhilān lèng-malèng sè katello paḍā èkom sadhādjà. ASTRO lèma taon, dhinèng kaḍoewāna ghān tello taonan, sadhādjà alako klabān paksa.

Saamponna lèng-malèng sè katello èpadjhālān, Rabā-Tanto sareng bhābā Djember laènnèpon pas ta' patè onèng lèng-kamalèngan kadhi dhiingèna.

XIII.

Panotop.

Katjatora WIRJO sè aparmèsi palèman, sanattolla ka Bāngkal tja-kantjana sadhādjà paḍā saklangkong bhoengana, amarghā sè èpastè apangghi polè. Ladjhoeā ka'kamma bisaos WIRJO saana'-binèna ètarèma rèng-orèng ka'issa klabān soka rennana atèna. Dāri Bāngkal pas èntar èn-maèn ka èparra è Ghālāghā. WIRJO saklangkong sennengnga nèngalè tja-kantjana è Bāngkal paḍā kop-tjokop sadhādjà. Sabāb saabiddhā èdhigghālaghi tamennan

paḍi ēka'issa paḍa ē-saē. mēlana ē mosem anjē ghi' bhoeroe, tja-kantjana bānna' ollēna paḍi, bhidhā sanget sareng taon sē ampon.

Tja-kantjana tjē' terrona WIRJO sana'-binēna sē plēmāna polē ka Bāngkal, sabāb saabiddhā dhāddhi mandoer ē Rabā-Tanto, tja-kantjana pas ta' mangghi orēng sē ēadjhāghā aparembhāghān. Mēlana sadhādja paḍā ngoman, sopadjā WIRJO teptebbhā apo'-tjompō' ē Bāngkal polē. Panapa polē bā-sabāna samangkēn ampon potēl kontraghā sarengnan obāng ēngghi ampon ghādhoeān, mala abā'na samangkēn ampon kabilāng soghi. Djhoeghā WIRJO ghi' ta' asangghoep pa-ponapa dā' tja-kantjana, sabāb ghi' terro matora ka towan bessar dhiŋgēn. Sē pas andhingghālā pangghābājānnēpon ta' klabān bādā marghāna, abā'na tako' ēkotja' ta' ghādhoeān panarēma sareng towan bessar. Djhoeghā tja-kantjana tjē' agherrā WIRJO sē palēmāna terros ka Bāngkal, mala saollē-ollē, ēarebbhā salobārrā osom anjē. Tjak-kantjana paḍā asangghoep angghārāppaghā sareng namennana sabāna, sopadjā abā'na dhoemēn palēman terros ka Bāngkal, pas karēa mangghi paḍi bisaos.

Tjator lekkas WIRJO saana'-binēna ampon abāli polē ka Rabā-Tanto, nattolla ka'kassa ē bādja malem. Neng-ē lān-djhālān abā'na ampon mēreng dāri orēng, djhā' dhālemma towan bessar ēlebbhoenē malēng, djhoeghā salamet. WIRJO ghi' ta' onēng njatana bāb ēngghānēka, mēlana ē malem ghāpanēka djhoeghān pas njabis ka towan bessar, terro onēng terrangna kabhār bhoeroe.

Towan bessar saklangkong bhoenga, ngoladhi mandoerra WIRJO ampon abāli polē, pas adhāboe sapanēka: „Bā'na apa la ngēding. Jo, djhā' ēdjā ēlebbhoenē malēng, nangēng ijā ontong, malēngnga ta' ngennēng pa-apa, mala abā'na dhibi' ēkennēng pēghā' so sēngko'. Ba, mon ta' ē bāktō djarēja bānnē klakoan, Jo! Ijā, dhoelat bādā kerrēssa sēdā djarowa, djhā' anoa, sēngko' ta' boeroeng tjilaka'. Bhender pangērana bā'na bilān, nalēka para' mangkadhā arowa. Molana sēngko' tjē' sokkorra ka bā'na, sabāb djhā' sēnga malēngnga ta' tako' dā' kerrēssa bā'na, ella, saendjā'-endjā'na sēngko' sossa.”

WIRJO: „Ēngghānēka tabhālik, towan bessar; salerressa dhi-dhālem sē mostē sanget mator kaso'on dā' djoenan-dhālem, sabāb djoenan-dhālem ampon kasokan ngangghoej dhi-dhālem ē persil ka' dinto bāktō dhi-dhālem njandhāng mlarat. Langkong-langkong sarrēna djoenan-dhālem sanget panganghebbhā sareng partjadjāna dā' dhi-dhālem. Kadhi ator dhi-dhālem dhiŋgēn, towan bessar, sabelloennēpon dhi-dhālem dhāddhi mandoer ēka'ijā, dhi-dhālem ngoli, alako saarē bhentēng sē terro neḍlā'āna ana'-binē dhi-dhālem.

Towan bessar: „Ijā bhender; nangēng sanaddjhān bā'na bilān ngoli, bhāreng satēja la dhāddhi mandoer, pas katara katjakeb-

bhänna bän kadjhoedjhoeränna, sampè dhäddhi madjhoena persil la'dinna'. Molana sè andi' persil, apa polè towan bessarra, la sa-ghoenong panarènnana ka sèdä, bän sèdä ta' endjä' polè, mostè bhäkal narèna'a ghändjhäran."

WIRJO: „Ghāpanēka djoenan-dhālem kléro, towan bessar. Sa-èstona parkara madjhoena persil ka'into sareng malèng sè kèngèng pèghä' kantos djoenan-dhālem slamet, bännè alantaran dāri dhi-dhālem, djhoeghā dāri kerrès sangkolan sè bādä è djoenan-dhālem. Dhi-dhālem ghoe ta' namong neptebbhi kawādjbhän dhi-dhālem dhibi', laèn tađä', towan bessar."

Nangèng towan DE JAGER ghi' koko ta' partjadjäna dā' ka-pangaroannèpon kerrès posakana WIRJO, pas adhāboe: „Parkara djärèja ollè dhäddhi kèja, WIRJO: nangèng djhä' bā'na sè mamadjhoe ondernè-meng Rabā-Tanto arèja la bännja' bhoektèna. Molana kanța sang otja' ghellä', sè andi' persil sò sèngko' sakalè tanto ta' kèra loppa dā' bā'na. Parkara kerrèssa rēja ijä sèngko' partjadjä kèja djhä' bhäkal maontonga bā'na sò ana'-binèna krana djärèja lakar kerrès bhāghoes ongghoe anggher bā'na pagghoen sè tjakang apangghābāj, mantep dā' apa sè èlakonè, djhoedjhoer bän ta' doettjöl di dhoeghā kèra. Kerrèssa bā'na rēja èkatako'è orèng ongghoe, tandhäna bhāreng ASTRO ngatèla' pas ta' andi' ora'." Towan DE JAGER sè ngotja' sapanèka, namong masennengnga atèna WIRJO.

„Ella, Jo, rēja' kerrèssa. Pola bā'na mè' ghi' bādä sè èatorraghiä polè?"

WIRJO: „Èngghi, towan bessar, manabi ta' andhāddhiaghi dhoekana djoenan-dhālem."

Towan bessar: „Endjä', djhä' ko'-tako'; apa?"

WIRJO: „Ta' sapanèka, towan bessar, tja-kantja dhi-dhālem è Bāngkal sadhādjä padä ngarep bālina dhi-dhālem saamponna lobär anjè mangkèn."

Towan bessar: „Dhāddhi bā'na laèn boelän ghi' mènta'a par-mèsi polè? Ijä, djhä' tèr-kobätèr parkara djärèja. So sèngko' ètorodhäna."

WIRJO: „Bännè sapanèka karep dhi-dhālem, towan bessar. Tja-kantja dhi-dhālem è Bāngkal padä man-ngoman dā' dhi-dhālem, sopadjä salobärrä anjè mangkèn, dhi-dhālem palèmana terros ka Bāngkal, dhāddhi pas ta' abāli ka'anto polè. Saèstona dhi-dhālem dhibi' samangkèn sanget terroèpon sè palèmana ka padoempa'-anna dārä dhi-dhālem. Mèlana manabi ta' andhāddhiaghi dhoekana towan bessar, salobärrä bhäko ka'ijä dhi-dhālem terro njo'ona amboe dāri pangghābājän dhi-dhālem."

Towan bessar: „Bāb djärèja, WIRJO, bā'na matakerdjhāt tang atè ongghoe. Pola sakèng tang pangangghèp ka bā'na korang, apa bā'na ta' perna bādä dijä, otabä bādä hal laènna? Apa, gädji

la tjokop. Mon ghoen korang gädji bhäi, mara so sèngko' èpaong-ghä'a polè, asal bä'na teptep bädä ñinna'."

WIRJO: „Ampon, towan bessar, paparèng djoenan-dhälem dä' abdhi-dhälem ampon bännja', kantos dhi-dhälem saana'-binè sa-klangkong perna bädä èka'ijä. Mèlana ampon sanget kaprotangan dhi-dhälem dä' djoenan-dhälem, djoenan-dhälem sè kasokan ngang-kès dhi-dhälem däri kamlaradhän, kantos dhi-dhälem mangkèn ta' aromasa kakorangan. Karep dhi-dhälem, sarrèna sabä dhi-dhälem mangkèn ampon potèl kontragghä däri pabbrik, sarengngan dhi-dhälem ampon ollè long-molong pèssè, dhäddhiä sakonè', dhäddhi dhi-dhälem terro angghäräbhä sabä dhi-dhälem, towan bessar. Tja-kantja dhi-dhälem mangkèn ampon pa'-mateppa' neng-kennengngan dhi-dhälem, mala kantos dä' sabä dhi-dhälem èghäräppaghi sakalè. Mèlana dhi-dhälem mangkèn wädjib males kaprotangan dä' tjakan-tja dhi-dhälem, palèman ka Bängkal polè. Namong sèttong sè èkata-ko' dhi-dhälem sè pas andhinghalä persil ka'ñinto, towan bessar."

Towan bessar: „Apa?"

WIRJO: „Djoenan-dhälem ampon tanto adhäboe, djhä' dhi-dhälem ta' ghädhoean kaprotangan sama sakalè dä' djoenan-dhälem manabi dhi-dhälem, maksa palèman ka Bängkal polè."

Towan bessar: „Ó, endjä', Jo. Sanaddjhän dhibi'na atèngka'a dä'rämna sakalè, sèngko' ta' kèra loppa, djhä' kamadjhoeänna ondernèmeng Rabä-Tanto arèja alantaran däri dhibi'na. Mon sèngko' njekkadhi bä'na, djärèja taqä' laèn marghàna, tjoma: sapèsan kaangghoej dä' kamadjhoeänna ondernèmeng ñinna', doe kalèna sèngko' tao, djhä' bä'na bäbätègghä mantep tor teptep. Bä'na jakèn, djhä' kaontonganna djärèja alantaran däri kèrressa, nangèng moso tang panemmo ta' tjetjok, tja' sèngko' bärijä: kaontongan so kaslameddhänna bä'na saana'-binèna djärèja lan-taranna taqä' laèn kadjhäbhä däri kabhädjhengngan, kadjhoe-djhoerän so kamantebbhänna atèna bä'na.

Mon bä'na la tjè' ta' èkennèngnga pellang ongghoe sè abäliä ka dhisana polè, salobärrä bhäko dijä, ijä mara, engko' ta' njek-kadhäna, sanaddjhän sèngko' talèbät èmanna ka bä'na. Nangèng sopadjä bädä'ä ghäntèna bä'na, ana'na sè wa'-towa'an rowa bhäi dhina èñinna'. Kana' djärèja so sèngko' èpasakola'a, bän saellana pas èadjhäräna apangghäbä, sampè dhäddhi orèng pènter tor djhoedjhoer mara bä'na, mala mandhär ngongkolana."

WIRJO: „Saklangkong, towan bessar, dhi-dhälem langkong bhoeng-nga, sarengngan sabelloennèpon dhi-dhälem mator saèboe doe èboe kaso'on atas kasaèannèpon djoenan-dhälem, sè kasokan ngampè boedoe' dhi-dhälem. Saamponna, panjo'on dhi-dhälem dä' djoenan-dhälem moghà-moghä dhi-dhälem ta' èkaghäliä pa-ponapa däri bäb abdhi-dhälem sè njo'on amboe däri persil Rabä-Tanto panèka."

• •

Bälloeng boelân saamponna êngghânêka, Wirjo sareng ana' binêna ampon palêman ka Bângkal. Tja-kantjana sadhadjâ padâ saklangkong bhoengana, nêngalê Wirjo, sê ampon para' tello taon abittêpon sê apêsa, palêman polê ka Bângkal sareng bārās-salamat. Tja-kantjana ngambā'i rasol sareng mên-rammên è tjompo'na Wirjo dhibi' sê sanget rammêëpon. È bākto ghāpanêka tjompo'na êpadjhang, è tanêjannêpon êpasangè tattarop, sê ngangghoej oen-đaoenan, bhāng-kembhāngan sareng dhāloebāng ana-bārna. Neng attassa katodjoe'annêpon Wirjo lakê'-binê' êpasangè bhāng-kembhāngan èbhādhi panjangkê'anna kerrès posakana Wirjo sê pangaro. Dāri bhoengana rêng-orêng Bângkal ampon ta' êmot sakalê dā' katjlaka'annêpon sê dhangên, sê kantos mamalarat orêng bāmja' ka'issa.

Sarrêna samangkên kerrès posaka êngghânêka ampon bādā è Bângkal polê, dhāddhi rêng-orêng ghika'ijā pas ta' kobātêr dā' kabhlāi sê bhākal dātengnga, amarghā mênorot kapartjadjā'annêpon, kerrès êngghânêka êkadjhāoe kabhlāi. Sapanêka djhoeghā tja'êpon Wirjo sareng ana'-binêna sê mangghi kaontongan sareng kaslameddhān, êngghi alantaran dāri kerrès sangkolannêpon ghāpanêka. Djhoeghān pamangghi bhādhān kaoelā, para maos laënnêpon manabi sapanêka djhoeghā, tjotjok sareng pamangghina towan DE JAGER, sê adhāboe, djhā' kaontongan sareng kaslameddhānnêpon Wirjo saana'-binêna, alantaran dāri kabhādjhengngan, kadjhoedjhoerān sareng kamantebbhānnêpon atēna. Bābātek sê sapanêka kênggêng tolat orêng laënnêpon; tor ra'-sasēra'a orêng sê nêroê tabiat êngghânêka. dhāddhina êngghi mastê ontong tor slamet djhoeghān.

Ella' sabātara taon, saplēmanna Wirjo dāri Rabā-Tanto klēboen dhisa Bângkal njo'on amboe. marghā ampon towa. Para maos ampon ta' mabi atorê onêng, djhā' sê angghantê êngghi panêka: ARDJODIWIRJO, ana'êpon MOESTARI.

T A M M A T.

Cornell University Library
PL 5354.H64

Sangkolan.



3 1924 020 605 436

ech

